

პეისარი

კომენტარები გალიის ომის შესახებ



თარგმანი და კომენტარები
თეოდორა ყარალაშვილისა და ნიკა ხოფერიასი


კეისარი

კომენტარები გალიის ომის შესახებ

60850

I - II

თბილისი 2015



CAESAR

COMMENTARII DE BELLO GALLICO

I - II

Tiphlis, MMXV

გაიუს იულიუს კეისარი
კომენტარები გალიის ომის შესახებ

მთარგმნელი:

თეოდორა ყარალაშვილი

რედაქტირება, სამეცნიერო კომენტარები და შესავალი:

ნიკა ხოფერია

ISBN: 978-9941-0-8232-0

სარჩევი

შესავალი -----	1
წიგნი I -----	10
წიგნი II-----	62

გაიუს იულიუს კეისარი - კომენტარები გალიის ომის შესახებ რედაქტორისაგან

Galia est Pacata (გალია დამორჩილებულია)

გაიუს იულიუს კეისარი

კეისრის ომი გალიაში, რომის მიერ კელტურ ტომთა დიდი ნაწილის დაპყრობა, ანტიკური ხანის ერთ-ერთი ყველაზე ფართომასშტაბიანი სამხედრო კამპანიების სერია იყო, რომლის მიმდინარეობის შესახებ საკმაოდ დეტალური ცნობები გაგვაჩნია. ამაში ყველაზე მნიშვნელოვანი წვლილი თავად გაიუს იულიუს კეისარმა შეიტანა — მის კალამს ეკუთვნის თხზულება, რომელსაც „კომენტარები გალიის ომის შესახებ“ ეწოდება და ეხება კეისრის მეთაურობით მოწყობილ ლაშქრობებს გალიაში, გერმანიასა და ბრიტანეთში.

გაიუს იულიუს კეისრის პიროვნებისა და მისი ცხოვრების დეტალების კვლევა ყოველთვის იყო და კვლავაც აქტუალურ თემად რჩება ისტორიულ მეცნიერებაში. ყოველწლიურად ასობით ნაშრომი ქვეყნდება მისი პერიოდის რომის ისტორიაზე, კეისრის სამხედრო კამპანიებზე, პირად ცხოვრებაზე, სამოქალაქო მოღვაწეობაზე. კეისარს მრავალი მონოგრაფია მიეძღვნა. ბოლო პერიოდში გამოცემულ ნაშრომებს შორის განსაკუთრებით მნიშვნელოვანია ფილიპ ფრიმანის „იულიუს კეისარი“, ლუჩიანო კანფორას „იულიუს კეისარი: ხალხის დიქტატორი“ ადრიან გოლსვორთის „კეისარი: კოლოსის ცხოვრება“, ენტონი კამის „იულიუს კეისარი: ცხოვრება“. ასევე მრავალმხრივ საინტერესოა 2009 წელს, მირიამ გრიფინის რედაქტორობით გამოცემული კრებული კეისრის შესახებ, რომელიც კეისრის ეპოქას სხვადასხვა კუთხით მიმოიხილავს, მათ შორის მის ლიტერატურულ მოღვაწეობას.¹

1 Philip Freeman, *Julius Caesar* (New York, 2008); Luciano Canfora, *Julius Caesar*:

ქართულ ენაზე იულიუს კეისრის შესახებ გამოცემულია ორი მონოგრაფია - მათე ალექსიშვილის „გაიუს იულიუს ცეზარი“ და ლევან სანიკიძის „კეისარიადა“. კეისრის ეპოქას ეხება ლევან სანიკიძის „ტრიუმფირატი“, ალექსანდრე წერეთლის „ძველი რომის ისტორიის“ მონაკვეთები, თარგმნილია გაიუს სვეტონიუს ტრანკვილუსისა და პლუტარქეს თხზულებები², რომლებშიც აღწერილია გაიუს იულიუს კეისრის ცხოვრება და მოღვაწეობა.³ განსაკუთრებით უნდა აღვნიშნოთ კეისრის „გალიის ომის კომენტარების“ პირველი წიგნის ქართული თარგმანი (მთარგმნელი რუსუდან ცანავა), რომელიც დაიბეჭდა „ანტიკური ლიტერატურის ანთოლოგიის“ III ტომში.⁴

the life and times of the people's dictator (Berkeley, 2007) ; Adrian Keith Goldsworthy, *Caesar: life of a colossus* (New Haven, 2006); Antony Kamm, *Julius Caesar: a life* (London, 2006); Miriam T Griffin, *A Companion to Julius Caesar* (Chichester; Malden, 2009).

2 პლუტარქეს თხზულების ერთ-ერთი მთავარი წყარო სწორედ კეისრის „გალიის ომის კომენტარები“ იყო, რაც ტექსტის კონკრეტულ მონაკვეთში პირდაპირ მოიხსენიება: „გალიის მიწის დაპყრობის მიზნით ორი გერმანული ტომი სულ ახალხან რენოსზე გადმოსულა. ერთი იყო უზიპეტების ტომი, მეორე ტენეტერებისა. მათ წინააღმდეგ წარმოებულ ომზე კეისარი თავის „დღიურებში“ შემდეგს წერს...“ (Plutarch, *Caesar*, XXII)

3 მათე ალექსიშვილი, გაიუს იულიუს ცეზარი (თბილისი, 1961); ლევან სანიკიძე, კეისარიადა (თბილისი, 1989); ლევან სანიკიძე, ტრიუმფირატი (თბილისი, 1998); ალექსანდრე წერეთელი, ძველი რომის ისტორია (თბილისი, 1992); გაიუს სვეტონიუს ტრანკვილუსი, თორმეტი კეისრის ცხოვრება, მანანა გელაშვილის თარგმანი (თბილისი, 1994); გაიუს სვეტონიუს ტრანკვილუსი, კეისრები, თარგმნა და კომენტარები დაურთო მარინა გიორგაძემ (თბილისი, 2011); გაიუს სვეტონიუს ტრანკვილუსი, თორმეტი კეისრის ცხოვრება, თარგმნა და წინათქმა და კომენტარები დაურთო მიხო მოსულიშვილმა (თბილისი, 2011); გაიუს სვეტონიუს ტრანკვილუსი, კეისართა ცხოვრება, 2 ტომად, ვიქტორია ჯუღელის თარგმანი (თბილისი, 2014); პლუტარქე, რჩეული პარალელური ბიოგრაფიები, ტ. I-II; ძვ. ბერძნ. თარგმ. შესავალი და კომენტარები დაურთო აკაკი ურუშაძემ (თბილისი, 1957, 1987).

4 ანტიკური ლიტერატურის ანთოლოგია, ტ. III (რომაული ლიტერატურა), შეადგინა, წინათქმანი და განმარტებანი დაურთო ნანა ტონიამ (თბილისი, 2008).

მისი გამოცდილება გარკვეულწილად გათვალისწინებულია ჩვენ მომზადებულ გამოცემაშიც. აღსანიშნავია, რომ კეისარი გამოირჩევა თხრობის მარტივი და თავის დროისათვის თანამედროვე სტილით. ის თავის სხვა თხზულებაში, ლათინური გრამატიკის შესახებ, უპირისპირდება არქაიზმების გამოყენებას ლიტერატურაში, როგორც ეს იმ დროის რომის რესპუბლიკაში იყო მიღებული. მიუხედავად ამისა, თხზულების თარგმნა საკმაო ძალისხმევას მოითხოვს. ბევრი დეტალი ცალკე შესწავლას საჭიროებს. ამიტომ ჩვენ გადავწყვიტეთ სამეცნიერო კომენტარებიც დაგვეერთო კეისრის ნაწარმოებისათვის. თარგმანი შესრულებულია Loeb Classical Library-ს გამოცემაში *Caesar, The Gallic War* (Cambridge, 1917, 1958) მოცემული ლათინური ტექსტის მიხედვით. მთარგმნელი, თეოდორა ყარალაშვილი დიდი ყურადღებით მუშაობდა თხზულების თითოეულ აბზაცზე, ადარებდა მას ინგლისურ და რუსულ თარგმანებსაც და შეიძლება თამამად ითქვას, რომ ტექსტი ორიგინალთან მაქსიმალურად ახლოს დგას როგორც სტილისტურად, ისე ანტიკური ხანისათვის შესაბამისი ტერმინოლოგიით, რაც ხშირად არის პრობლემა რუსულ სამეცნიერო თარგმანებში. აქვე გვინდა დახმარებისათვის მადლობა გადავუხადოთ ივანე ჯავახიშვილის სახელობის თბილისის სახელმწიფო უნივერსიტეტის პროფესორებს ლევან გორდეზიანსა და იამზე გაგუას, რომელთაც წაიკითხეს ტექსტი და ზოგიერთი სასარგებლო მითითებაც მოგვცეს.

კეისრის „კომენტარები გალიის ომის შესახებ“ იყოფა რვა ტომად (ბოლო ტომის ავტორი ავლუს ჰირციუსია⁵). გალიის ომის კომენტარები მოიცავს როგორც გალიის დაპყრობას ძვ.წ. 58-50 წლებში, ასევე კამპანიას ბრიტანეთსა და გერმანიაში და მნიშვნელოვან ცნობებს გვანჯდის იმ დროისათვის რომაული სამყაროსათვის ნაკლებად ნაცნობი ამ ორი მხარის შესახებ.

5 კეისრის ლეგატი გალიის კამპანიის პერიოდში.

პირველ ორ წიგნში განხილულია სამი მასშტაბური მოვლენა - ქელვეტების გადასახლება და რომთან დაპირისპირება, ბრძოლა სვებების მეფე არიოვისტუსთან და ომი ბელგებთან. კეისრის გალური კამპანიის დაწყებამდე რომი ფლობდა ციზალპურ გალიას (ალპების ამიერი მხარის) და ტრანსალპური (ალპების იმიერი მხარის) გალიის ნაწილს. ამ უკანასკნელის უმეტესი სივრცე კი რომელიც შეიცავდა ახლანდელი საფრანგეთისა და ბელგიის ტერიტორიებს და შვეიცარიისა და შოლანდიის ნაწილებს, ჯერ კიდევ თავისუფალი იყო. გალიის ამ თავისუფალ ნაწილს, რომაელები „ბანგველიან გალიას“ უწოდებდნენ იმის გამო, რომ თავისუფალ გალებს გრძელი თმა ჰქონდათ. მას რომაელები უპირისპირებდნენ რომანიზებული „ტოგამოსილ გალიას“.⁶

გალების გარდა გალიაში სხვა ხალხებიც ცხოვრობდნენ, მათ შორის ბერძნები და ფინიკიელები. განსაკუთრებით მნიშვნელოვანი იყო ბერძნების დაარსებული ქალაქი მასილია. ასევე, ხმელთაშუა ზღვის სამხრეთ-აღმოსავლეთ სანაპიროზე ლიგურები შეერივნენ კელტებს და ჩამოყალიბდა კელტო-ლიგურიული კულტურა.

გალთა ძირითადი პოლიტიკური ერთეული იყო კლანი (*Pagus*) და რამდენიმე ასეთი კლანი ქმნიდა ტომს (*Civitas*). ზოგიერთ ტომს მეფე ჰყავდა. მეფე შეიძლებოდა კლანსაც ჰყოლოდა. ედუები ყოველწლიურად ირჩევდნენ ერთ „ვერგობრეტს“ ანუ კაცს, რომელსაც აბსოლუტური ძალაუფლება ექნებოდა და ერთი წლის შემდეგ მას სხვა შეცვლიდა. გალებს არ ჰყავდათ სენატის მსგავსი ორგანო, რომელიც განაგებდა ქვეყნის საქმეებს და ნიშნავდა მაგისტრატებს.⁷ გალურ საზოგადოებაში უმნიშვნელოვანესი იყო ქურუმთა (დრუიდთა) და დიდებულთა კასტა. დანარჩენი ხალხი კი კეისრის მიხედვით თითქმის

6 ალექსანდრე წერეთელი, *ძველი რომის ისტორია* (თბილისი, 1992), 264.

7 Adrian Keith Goldsworthy, *Caesar: life of a colossus* (New Haven, 2006), 199-201.

მონურ მდგომარეობაში იყო. გალი დიდებულის სტატუსსა და გავლენას განსაზღვრავდა ისიც, თუ რამდენი მეომრის შენახვა შეეძლო მას თავისი ხარჯით. ამ ნახევრად პროფესიონალი მეომრების რაოდენობა მცირე იყო, თუმცა კარგად იყვნენ შეირალებულები და გალთა არმიის ბირთვს შეადგენდნენ. მთლიანობაში მათ ჯარს ყოველთვის აკლდა დისციპლინა და არ იყო ორგანიზებული. გალური ჯარის საუკეთესო ნაწილი იყო არისტოკრატებისაგან შემდგარი კავალერია, რომლის ძალასაც კეისარიც სათანადოდ აფასებდა და შემდგომში თავის სხვა კამპანიებში იყენებდა მათ. თვითონ გალებს შორის ომები უმეტესად თარემის სახეს ატარებდა, თუმცა ზოგჯერ უფრო მასშტაბური დაპირისპირებებიც ხდებოდა. ამის მაგალითია სეკვანებსა და ედუებს შორის ომი, რომლის შესახებ თვითონ კეისარი გვანვდის ცნობებს.

გალები და რომაელები ერთმანეთს ბრძოლის ველზე პირველად ძვ.წ. IV საუკუნეში დაუპირისპირდნენ. დაახლ. ძვ.წ. 390 წელს გალებმა დალაშქრეს იტალია და რომის კაპიტოლიუმსაც კი შემოარტყეს ალყა. თუმცა მათი შემდგომი ლაშქრობები იტალიაში წარუმატებლად დასრულდა. გალები მონაწილეობდნენ I და II პუნიკურ ომებშიც მოქირავნეებად და მოკავშირეებად როგორც კართაგენელების, ისე რომაელების მხარეზე. რომაელები შეიჭრნენ გალიაში ძვ.წ. 125 წელს და ძვ.წ. 121 წლისათვის დაიპყრეს რეგიონი, რომელსაც უწოდებდნენ „პროვინციას“ (*Provincia*) და შემდგომში ეწოდა ნარბონის გალია (*Gallia Narbonensis*).⁸ ეს მხარე იქცა ძვ.წ. II საუკუნის მიწურულს, ჩრდილოეთიდან შემოსეულ კიმბრებთან და ტევტონებთან დაპირისპირების ადგილად, თუმცა ამის შემდეგ აქ სიტუაცია შედარებით დამშვიდდა და „რომის გალია“ გადაიქცა მნიშვნელოვან სავაჭრო ცენტრად.

8 ძვ.წ. II საუკუნისათვის, რომაელები უკვე გამოყოფდნენ ცისალპურ გალიას (*Gallia Cisalpina*) ტრანსალპურისაგან (*Gallia Transalpina*).

რომაელებმა გაიყვანეს გზა ესპანეთამდე — *Via Domitiana*. ხმელთაშუა ზღვისპირეთის მხარეებთან ურთიერთობამ ბევრი დადებითი კულტურული თავისებურება შეიტანა გალებში, განვითარდა ქალაქები, მოიჭრა ადგილობრივი მონეტები. გალია არ იყო სტაბილურ მდგომარეობაში როდესაც კეისარი იქ მოქმედებას შეუდგა. ტრანსალპური გალია ჯერ კიდევ ალდგენის პროცესში იყო ალობროგთა აჯანყების შემდეგ (ძვ.წ. 63). ედუებსა და სეკვანებს შორის დაპირისპირება კი პროვინციის უსაფრთხოებას უშლიდა ხელს. სერიოზული პრობლემა იყო ასევე სეკვანთაგან მოწვეული გერმანელები. კეისარმა ყველა ეს პრობლემა სათანადოდ შეაფასა და მოქმედებას შეუდგა.

სვეტონიუსი აღნიშნავდა: „აი, რა ჩაიდინა [კეისარმა] თავისი მეტაურობის ათ წელიწადში. მთელი გალია, რომელიც მდებარეობს პირენეის ქედის, ალპების, სევენების და მდინარეებს რონასა და რაინს შორის, სულ 3200 მილი, მთლიანად, მხოლოდ მოკავშირე და რომისთვის სამსახურის გამწვევ ტომების გარდა, პროვინციად გადააქცია და ორმოცი მილიონი სესტერცი ყოველწლიური გადასახადი დააკისრა.“⁹

ასე იყო ომის ბოლოს, მაგრამ როდესაც ავლუს ჰირციუსი კეისრის თხზულებისათვის დამატებულ ნაწილში წერდა ჯერ კიდევ ძვ.წ. 52 წელს, რომ მთელი გალია დაპყრობილია, მისივე აღწერა ააშკარავებდა რომ ვერცინგეტორიქსის დამარცხების შემდეგ დანებებული ტომების გარდა სხვანი კიდევ აგრძელებდნენ აჯანყებას და კეისარს ომი დასრულებული არ ჰქონდა.¹⁰ ჩვენი გამოცემა მოიცავს კეისრის თხზულების პირველ 2 წიგნს, რომელშიც შედის ომი ჰელვეტებთან, სვებების მეფე არიოვისტუსთან და ბრძოლა ბელგებთან (ძვ.წ. 58-57

⁹ Suetonius, *De vita Caesarum*, I, XXV, 1.

¹⁰ Adrian Keith Goldsworthy, *Caesar: life of a colossus* (New Haven, 2006), 350-351.

ნლებში). შესავალში მათ დეტალურ მიმოხილვას საჭიროდ არ მივიჩნევ, რადგან სჯობს ამ მოვლენებს მკითხველი თავად კეისრის მიერ აღწერილი ორიგინალური ტექსტითა და ჩვენგან დართული სამეცნიერო კომენტარებით გაეცნოს.

რატომ წერდა კეისარი გალიის ომის შესახებ ან როდის გამოქვეყნდა მისი თხზულება რომში? კეისარს სურდა აღენიშნა თავისი დამსახურებები, რათა ეჩვენებინა რომ ის იმსახურებდა ხელახალ დანიანურებას, ძალაუფლების გახანგრძლივებას. მის თხზულებას პოლიტიკური მიზნები გააჩნდა. პომპეუსის კამპანიები, მეკობრეთა და მითრიდატეს წინააღმდეგ, თეოფანე მიტილენელმა ჩაინერა, ბერძენმა სწავლულმა, რომელიც თან ახლდა მას, კეისარს კი ასეთი სამსახური არ სჭირდებოდა, თავადაც შეეძლო აღენერა საკუთარი გამარჯვებები. ამ დროისთვის მას უკვე გამოქვეყნებული ჰქონდა სხვა თხზულებები და სიტყვები, რომელთა უდიდესი ნაწილი აღარ არის შემორჩენილი.¹¹ უცნობია „კომენტარების“ ყველა წიგნი ერთდროულად გამოქვეყნდა თუ ყოველი წლის შემდეგ გამოდიოდა თითოეული მათგანი. სავარაუდოდ, ისინი ჯერ კიდევ იმ დროს ქვეყნდებოდა, როდესაც კეისრის კამპანიები ჯერაც არ იყო დასრულებული.¹²

„კომენტარები გალიის ომის შესახებ“ პოპულარული იყო როგორც რომის იმპერიის ხანაში, ისე შემდგომ საუკუნეებში და დღემდე ინარჩუნებს აქტუალობას. „კეისრის ელენგანტურად მარტივი და გრამატიკულად გამართული პროზა რჩებოდა ლათინურ ენასა და ლიტერატურასთან მოსწავლეთა პირველი შეხების წერტილად.“¹³ უპირველეს ყოვლისა,

11 იქვე, 186-189. კეისრის „კომენტარების“ წყალობით, ჩვენ უფრო მეტი ვიცით მისი კამპანიების შესახებ ვიდრე ნებისმიერი სხვა რომელიმე მხედართმთავრის სამხედრო კარიერაზე. Adrian Keith Goldsworthy, *In the name of Rome: the men who won the Roman Empire* (London, 2003), 204.

12 Goldsworthy, *In the name of Rome*, 204.

13 Goldsworthy, *In the name of Rome*, 203.

თხზულება საინტერესო იყო სამხედრო მოღვაწეთათვის. ნაპოლეონი, რომელიც კეისარს ერთ-ერთ უდიდეს მხედართმთავრად თვლიდა და მიიჩნევდა რომ მისი სამხედრო კამპანიები აუცილებლად უნდა ესწავლებინათ, წმინდა ელენეს კუნძულზე გალიისა და სამოქალაქო ომში რომაული სარდლობის კრიტიკაზეც კი მუშაობდა. ის კომენტარებს ტოვებდა კეისრის ნაწარმოების გვერდებზე თავისი იტალიური კამპანიის დროსაც. კეისრის „კომენტარებში“ აღწერილი ამბების რეალურობის შესაფასებლად, ადრიან გოლსვორთის შემდეგი მაგალითიც მოჰყავს: ბევრი რომაელი სენატორის ნათესავი მსახურობდა კეისრის ხელქვეით, მათ შორის ციცერონის ძმა კვინტუსი. მას ძმასთან რეგულარული მიმოწერა ჰქონდა. შესაბამისად, ციცერონი, რომელიც მაღალ შეფასებას აძლევდა კეისრის თხზულებას (იმასაც კი აღნიშნავდა „ამ წიგნის წაკითხვის შემდეგ კალამს ვეღარ აიღებ ხელში“¹⁴), გარკვეული იყო რელურ ვითარებაში, რაც, როგორ ჩანს, შორს არ იდგა კეისრის აღწერილობისაგან. აღსანიშნავია ისიც, რომ ციცერონი კეისრის პირდაპირი მომხრე არასდროს ყოფილა და მის მოწინააღმდეგეებსაც კი მიეხმრო სამოქალაქო ომის პერიოდში, თუმცა ობიექტურობა არ დაუკარგავს და კეისარს ყოველთვის სათანადოდ აფასებდა.¹⁵ II საუკუნის ბერძენი მწერლის ლუკიანე სამოსატელის მიხედვით კარგ მეისტორიეს ორი რამ უნდა მოსდგამდეს — პოლიტიკური გამჭრიახობა და თხრობის ნიჭი. ლუკიანოსი დაუშვებლად თვლის ისტორიაში როგორც პოეტურ, ასევე ულაზათო და მდაბიურ გამოთქმებს, დიდ და პათოსით აღსავსე შესავალ ნაწილებს, კიცხავს გეოგრაფიის არ მცოდნე ისტორიკოსებს. უნიათოდ მიაჩნია ის ისტორიკოსები, რომლებიც ვერ ამჩნევენ ისტორი-

14 *სტრატეგოსები და კეისრები*, ანტიკურ წყაროთა გათვალისწინებით შეადგინა ნანა ტონიამ (თბილისი, 2005), 240.

15 Goldsworthy, *In the name of Rome*, 204.

ულ მოვლენათა შორის რა არის მნიშვნელოვანი და და ზოგჯერ უმნიშვნელო და არაფრის მომცემ საკითხებს მეტ ადგილს უთმობენ. ლუკიანე ეხება იმათაც, რომლებიც სამხედრო მოქმედებებს აღწერენ, მაგრამ ამ საქმისა არაფერი გაეგებათ და ბევრ შეცდომას უშვებენ.¹⁶ კეისარი, რომელიც საკუთარი ლაშქრობების ისტორიას წერდა, კარგად იცნობდა როგორც მხარის გეოგრაფიას, რაც ნათლად ჩანს მის თხზულებაში, ასევე გამჭრიახი პოლიტიკოსი და შესანიშნავი მხედართმთავარი იყო და არც სამხედრო მოქმედებების აღწერაში უშვებდა შეცდომებს, მისი თხრობის ნიჭით კი მისსავე პერიოდში იყვნენ აღფრთოვანებული.

ქართველი მკითხველისათვის, განსაკუთრებით კი ანტიკური ლიტერატურითა და ისტორიით დაინტერესებულთათვის, კეისარის „გალიის ომის კომენტარების“ პირველი ორი წიგნის ქართული თარგმანის გამოცემა საინტერესო და მნიშვნელოვანი იქნება, სამომავლოდ კი ამ თხზულების სრული ვარიანტის გამოქვეყნების იმედს ვიტოვებთ, რომელიც შეივსება უფრო დეტალური და ვრცელი შესავლითა და სამეცნიერო კომენტარებით.

ნიკა ხოფერია

16 ლუკიანოსი, „როგორ უნდა იწერებოდეს ისტორია“ (20-28), *რჩეული თხზულებანი* (თბილისი, 2014), 314-318.

ბრიტანია

ბონონა

მორინა

სამართ

ბელოვაკები

არმორიკა

პენეტები

კენაბუმი

ავარიკუმი

ბიტურიკები

პერუო

აკ

გალა და მისი მეზობლები
ძვ.წ. I საუკუნეში

0 100 200 300 400

მილი



გაიუს იულიუს კეისარი

კომენტარები გალიის ომის შესახებ

ნიგნი I



[1] (მთელი) გალია იყოფა სამ ნაწილად, რომელთაგან ერთი დასახლებულია ბელგებით¹⁷, მეორე აკვიტანელებით¹⁸; მესამე ხალხით, რომელიც თავის ენაზე კელტებად¹⁹, ჩვენსაზე

17 დღევანდელი ბელგია და ჩრდილო-დასავლეთ საფრანგეთი.

18 დღევანდელი საფრანგეთის სამხრეთ-დასავლეთ კუთხე.

19 კელტური ტომები, როგორც ცალკეული ენობრივი და კულტურული ჯგუფის ხალხი, ცენტრალურ და დასავლეთ ევროპაში ძვ.წ. VIII საუკუნიდან ჩნდებიან. მათ პირველ დასახლებად და ცენტრად, საიდანაც დაიწყეს მოძრაობა დასავლეთ ევროპის მიმართულებით, ითვლება ჰალშტატი (დღევანდელ ავსტრიაში).

კი - გალებად²⁰ იწოდება. ყველა მათგანის ენა, ჩვეულებები და კანონები განსხვავდება ერთმანეთისაგან. გალებს აკვიტანიელებისაგან მდინარე გარუმნა²¹ ჰყოფს, ხოლო ბელგებისაგან - მატრონა²² და სეკვანა²³. სამთაგან უმამაცესნი არიან ბელგები, რადგან ყველაზე შორს არიან გადასახლებული კულტურული და განვითარებული პროვინციიდან, მათ ყველაზე ნაკლებად სტუმრობენ ვაჭრები, რომლებიც ვაჭრობენ სულის მოსადუნებელი ფუფუნების საგნებით; და ყველაზე ახლოს არიან გერმანელებთან, რომლებიც რენუსის²⁴ გადაღმა ცხოვრობენ, და მათთან განუწყვეტელი ომი აქვთ. ამ მიზეზის გამო ჰელვეტებიც აღემატებიან დანარჩენ გალებს სიმამაცით. ისინი ყოველდღიურად ომობენ გერმანელებთან, ან იგერიებენ მათ შემოსევებს, ან თავად იჭრებიან მათ საზღვრებში. ის ნაწილი, რომელიც როგორც ვთქვით გალებითაა დასახლებული, იწყება მდინარე როდანუსიდან²⁵,

20 მიუხედავად იმისა, რომ კეისარი ასე დაწვრილებით ახდენს კელტური მოდგმის ხალხთა დაყოფას მათი ტომობრივი სახელწოდებების მიხედვით და გალებად მხოლოდ მთელი გალიის ერთი ნაწილი მოსახლეობას ასახელებს, რომაელთათვის ბელგები და აკვიტანიელებიც, ჩვეულებრივ, გალებად ითვლებოდნენ. განსაკუთრებით კეისრის მიერ გალიის დაპყრობის შემდეგ. მანამდე რომაელთა თვალსაწიერში ძირითადად მხოლოდ ცისალპურ (აღმოსავლეთ) და ტრანსალპურ (აღმოსავლეთ) გალიას წვდებოდა, რომელიც რომის გავლენის ქვეშ იყო მოქცეული.

21 გარუმნა (*Garumna*) - დღევანდელი მდინარე გარონას ლათინური სახელწოდება. სათავეს იღებს ცენტრალურ პირენეებში და მიედინება სამხრეთ საფრანგეთისა და ჩრდილოეთ ესპანეთის ტერიტორიაზე.

22 მატრონა (*Matrona*) - დღევანდელი მდინარე მარნა. მდინარე სენას მარჯვენა შენაკადი. მიედინება ჩრდილოეთ საფრანგეთში.

23 სეკვანა (*Sequana*) - მდინარე სენას ლათინური სახელწოდება. მიედინება ჩრდილოეთ საფრანგეთში.

24 რენუსი (*Rhenus*) - ახლანდელი მდინარე რაინი. მიედინება დასავლეთ ევროპის რამდენიმე ქვეყნის ტერიტორიაზე (შვეიცარია, ლიხტენშტაინი, ავსტრია, გერმანია, საფრანგეთი, ნიდერლანდები).

25 როდანუსი (*Rhodanus*) - დღევანდელი მდინარე რონა. სათავეს იღებს ალპებში. მიედინება შვეიცარიასა და საფრანგეთში.

შემოსაზღვრულია მდინარე გარუმნათი, ოკეანიტა და ბელგების ქვეყნით. აგრეთვე გამოყოფილია სეკვანებისა²⁶ და ჰელვეტებისაგან მდინარე რენუსით, რომელიც მიედინება ჩრდილოეთისაკენ. ბელგების ტერიტორია გალიის უკიდურეს საზღვრებთან იწყება, მიემართება ქვემო რენუსისკენ, ჩრდილოეთისა და აღმოსავლეთის მიმართულებით. აკვიტანია არის მდინარე გარუმნადან პირინეის მთებამდე, და ოკეანის იმ ნაწილიდან, რომელიც ესპანეთს ეხება, ის მდებარეობს ჩრდილო-დასავლეთით.

[2] ჰელვეტთა შორის ყველაზე სახელგანთქმული და უმდიდრესი იყო ორგეტორიქსი. მარკუს მესალასა და მარკუს პიზოს კონსულობის დროს²⁷ მეფობას მოწყურებულმა დიდებულების აჯანყება მოაწყო და თანამოქალაქეები დაარწმუნა, რომ თავისი საზღვრებიდან წასულიყვნენ მთელი თავისი ძალებით: იმ ვაჟკაცობით რაც მათ ჰქონდათ, ადვილი იქნებოდა მთელი გალიის დაპყრობა. ამაში ისინი ადვილად დაარწმუნა, რადგან ჰელვეტები ყველა მხრიდან ბუნებრივი საზღვრებით არიან გარშემორტყმულნი: ერთი მხრიდან განიერი და უღრმესი მდინარე რენუსი, რომელიც ჰელვეტთა მიწას გერმანელებისაგან ყოფს; მეორე მხრიდან უმაღლესი მთა იურა,²⁸ რომელიც არის ჰელვეტებსა და სეკვანებს შორის; მესამე მხრიდან ტბა ლემანუსი²⁹ და მდინარე როდანუსი, რომ-

26 სეკვანები (*Sequani*) ერთ-ერთი ყველაზე მრავალრიცხოვანი და ძლიერი გალური ტომი იყო, რომელიც მდინარე სეკვანას (სენას) სანაპიროებზე მოსახლეობდა. მათი დედაქალაქი იყო ვესონტიო.

27 მარკუს პუპიუს პიზო ფრუგი კალპურნიანუსი და მარკუს ვალერიუს მესალა ძვ.წ. 61 წელს იყვნენ კონსულები.

28 მთათა სისტემა დღევანდელ საფრანგეთში, შვეიცარიისა და გერმანიაში. გრძელდება სავოის ალპებიდან შვარცალდის სამხრეთ მთისწინამდე. მთის ლათინური სახელწოდება „*Jura*“ მომდინარეობს ტყის აღმნიშვნელი კელტური სიტყვის ფუძიდან - *Jur*.

29 ლემანუსის ტბა - იგივე ჟენევის ტბა. მდებარეობს შვეიცარიაში. ძველი სახელწოდება „ლემანუსი“ მოდის ძველი ბერძნული *Limanos* (*Limenos*)-დან.

ლებიც ჩვენს პროვინციას გამოყოფენ ჰელვეტებისგან. ეს გარემოება ხელს უშლიდა მათ გაფართოებას და აძნელებდა მეზობლებზე თავდასხმას. ეს ძალიან აბრაზებდათ, რადგან ომის სურვილით იყვნენ შეპყრობილი. მოსახლეობის სიმრავლისა და აგრეთვე საომარი დიდების გამო მიიჩნევდნენ რომ მათი საზღვრები ვიწრო იყო – სიგრძით 240 და სიგანეში 180 მილი.³⁰

[3] ამ მოსაზრებებითა და ორგეტორიქსის ზეგავლენით ნაქეზებულებმა გადაწყვიტეს ლაშქრობა მოემზადებინათ, ეყიდათ რაც შეიძლება მეტი ტვირთმზიდი ცხოველი და ურმები, მოეხნათ რაც შეიძლება მეტი, რათა ლაშქრობაში მარცვლეული საკმარისი ჰქონოდათ, აგრეთვე მშვიდობა და მეგობრობა განემტკიცებინათ მეზობელ თემებთან. ისინი ფიქრობდნენ, რომ ამ საქმეების დასრულებისთვის ორი წელი საკმარისი იქნებოდა, საერთო დადგენილებით გადაწყვიტეს მესამე წელს გამგზავრება. ამ საკითხების მოსაგვარებლად ორგეტორიქსი აირჩიეს. მან თავის თავზე აიღო მეზობლებთან ელჩობა. ამ გზით კასტიკუსი, კატამანტალედის³¹ შვილი, ტომით სეკვანი, რომლის მამაც მრავალი წელი მეფობდა სეკვანებში და სენატის მიერ რომაელი ხალხის მეგობრად იყო წოდებული, დაარწმუნა რომ დაებრუნებინა მეფობა თავის ტომში, რასაც ადრე მამამისი ფლობდა. იგივე მცდელობისკენ უბიძგა ედუელ³² დუმნორიქსს, ძმას დივიციაკუსისა³³, რომელიც ფლობდა

30 რომაული საზომით ერთი მილი არის დაახლოებით 1481 მეტრი.

31 კატამანტალედი - კატამანტალედი იყო სეკვანთა ტომის ბელადი ძვ.წ. I საუკუნეში. რომის სენატის მიერ მიიღო „რომის მეგობრის“ სტატუსი.

32 ედუები (*Aedui*) გალიის ყველაზე მრავალრიცხოვან და ძლიერ ტომს წარმოადგენდნენ. ისინი ცენტრალურ გალიაში მოსახლეობდნენ და ურთიერთობები ჰქონდათ რომაელებთან. რის გამოც სხვა გალურ ტომებთან შედარებით უფრო რომანიზებული იყვნენ. მათი დედაქალაქი იყო ბიბრაქტი.

33 დივიციაკუსი (*Diviciacus*) იყო ერთადერთი კელტი დრუიდი, რომელსაც ანტიკური ხანის წყაროებიდან სახელით ვიცნობთ.

უმაღლეს ძალაუფლებას თავის ტომში და პლების³⁴ უმრავლესობას უყვარდა, და თავისი ქალიშვილიც შერთო ცოლად. დაარწმუნა ისინი, რომ ეს გეგმები ადვილად განხორციელდებოდა, რადგან თავად აპირებდა თავისი ტომის მეფობის ხელში ჩაგდებას: საეჭვო არ იყო, რომ ჰელვეტები უძლიერესნი იყვნენ მთელ გალიაში; თავისი ძალებითა და ჯარით მათაც დაეხმარებოდა ძალაუფლების მოპოვებაში. ამით გამხნეებულები ფიცს დებენ და იმედოვნებენ რომ სამი უძლიერესი და უმამაცესი ტომის დამორჩილების შემდეგ მთელ გალიასაც დაიპყრობენ.

[4] ეს ამბავი ჰელვეტებს დამსმენებმა აუწყეს. წესის თანახმად ორგეტორიქსი აიძულეს საერთო კრებაზე გათოკილი გამოცხადებულიყო; მსჯავრდებულის ბრალის დამტკიცებას ცოცხლად დაწვა მოჰყვებოდა. გასამართლების დღეს ორგეტორიქსი გამოცხადდა მთელი ოჯახით³⁵, რომელიც შედგებოდა ათი ათასი ადამიანისაგან, აგრეთვე მოაგროვა ყველა მხრიდან, თავისი ყველა კლიენტი და მევალე, რომლებიც მრავლად ჰყავდა. მათი შუამდგომლობით გადაურჩა გასამართლებას. ამით აღშფოთებულმა თემმა სცადა შეიარაღებული ძალით აღესრულებინა სამართალი, სანამ მაგისტრატები ხალხს სოფლებიდან აგროვებდნენ, - ორგეტორიქსი მოკვდა. შესაძლოა, როგორც ჰელვეტები ფიქრობენ, თავი მოიკლა.

[5] მისი სიკვდილის მიუხედავად ჰელვეტებმა გააგრძელეს მზადება, რომ როგორც გადანყვებილი ჰქონდათ, დაეტოვებინათ თავისი საზღვრები. როდესაც ჩათვალეს, რომ ყვე-

34 იგულისხმება მდაბიო წარმოშობის ხალხი.

35 ამ შემთხვევაში იულიუს კეისარი გალი ბელადის „ოჯახს“ როგორც რომაულ ოჯახს ისე განიხილავს და მასში გულისხმობს როგორც ოჯახის წევრებს, ისე მსახურებს, მონებსა და კლიენტებს. რათქმაუნდა კელტურ საზოგადოებაში ეს სოციალური საკითხი უფრო სხვაგვარად იქნებოდა წარმოდგენილი.

ლაფერი მზად ჰქონდათ, ყველა თავისი სიმაგრე³⁶, რიცხვით თორმეტი, სოფლები ოთხასამდე, და დანარჩენი კერძო ნაგებობები გადანვეს; მთელი მარცვლუელი, იმის გარდა რაც თან წაიღეს, დაწვეს, რადგან სახლში დაბრუნების არანაირი იმედი არ დარჩენოდათ და მზად ყოფილიყვნენ ყველანაირი გასაჭირის გადასალახად; თითოეულს ნაბრძანები ჰქონდა თან წამოეღო სამი თვის სამყოფი მარაგი. დაიყოლიეს მეზობელი რაურეიკები, ტულინგები და ლატობრიგები³⁷, რომ მათი გეგმის მიბაძვით თავადაც გადაეწვათ სიმაგრეები და სოფლები და ერთად დაძრულიყვნენ. აგრეთვე მიიმხრეს ბოიები, რომლებიც ადრე ცხოვრობდნენ რენუსის გადაღმა, შემდეგ კი ნორიკის³⁸ მიწაზე ალყა შემოარტყეს ნორეიას³⁹ და უტევდნენ. [6] მხოლოდ ორი გზა იყო, რომლითაც ჰელვეტიიდან გამოსვლა შეიძლებოდა: ერთი სეკვანებზე გავლით, ვინრო და ძნელი, მთა იურასა და მდინარე როდანუსს შორის, რომელზეც ურმები მწკრივად ძლივს გაივლიდნენ; გარდა ამისა,

36 *Oppidum* ლათინურად ნიშნავს სიმაგრეს, ციხე-ქალაქს. რომაელებისთვის ეს დროებით დასახლებას წარმოადგენდა და დაცული იყო მინაყრილითა და ხის მესერით. კელტებისთვის მინაყრილებით გარშემორტყმული და მესრით დაცული სიმაგრეები უმთავრესად მუდმივ საცხოვრებლად იყო განკუთვნილი. მსგავსი ციხე-ქალაქები დასავლეთში გავრცელებული იყო ბრიტანეთიდან ესპანეთამდე და აღმოსავლეთით უნგრეთის ველებამდე. *Oppidum* იყო ისეთი დიდი კელტური დასახლება, როგორიც გახლდათ ბიბრაქტი. ასევე გერგოვია, ალეზია და სხვა.

37 ჰელვეტთა მეზობელი ტომები. ლატობრიგებს (*Latobrigi*) მეორენაირად ეწოდებოდათ ლატოვიკებიც (*Latovici*). ტულინგების შესახებ არსებობს მოსაზრება, რომ ისინი გერმანელები იყვნენ.

38 ნორიკი (*Noricum*) - ძვ.წ. VI-I სს. კელტური სამეფოს (ან თორმეტი ტომის ფედერაციის) რომაული სახელწოდება. მდებარეობდა დღევანდელი ავსტრიის ტერიტორიასა და სლოვენიის ნაწილზე. ახ.წ. 16 წლიდან გახდა რომის იმპერიის პროვინცია.

39 ნორეია (*Noreia*) - ძველი კელტური ქალაქი აღმოსავლეთ ალპებში (ავსტრია). დღეს მისი ზუსტი ადგილმდებარეობა უცნობია და დაკარგულ ქალაქად მიიჩნევა. ნორეია უნდა ყოფილიყო ნორიკის ტომთა ფედერაციის (თუ სამეფოს) დედაქალაქი.

გადმოჰყურებდა მაღალი მთა და სულ მცირესაც⁴⁰ ადვილად შეეძლო გზის გადაღობვა. მეორე გზა ჩვენს პროვინციაზე გადიოდა, ბევრად ადვილი და მოსახერხებელი, რადგანაც ჰელვეტებსა და ახლახანს დამორჩილებულ ალობროგებს⁴¹ შორის, როდანუსი მიედინება და რამოდენიმე ადგილას ფონს ქმნის. ალობროგების ყველაზე შორეული ქალაქი და ჰელვეტების საზღვრებთან ყველაზე ახლოს მყოფი, არის გენავა. ამ ქალაქიდან ჰელვეტებისკენ გადებულია ხიდი. ჰელვეტები ფიქრობდნენ რომ ალობროგები, რომლებიც არ უყურებდნენ რომაელებს კარგი თვალით, ან ნებით გაატარებდნენ მათ, ან ძალით აიძულებდნენ გაეტარებინათ. როდესაც ყველა საქმე დაასრულეს, დღე დათქვეს როცა ყველანი როდანუსის ნაპირზე უნდა შეკრებილიყვნენ. ის დღე იყო მეხუთე დღე აპრილის კალენდებამდე, ლუციუს პიზონისა და აულუს გაბინიუსის კონსულობისას.⁴²

[7] როდესაც კეისარმა შეიტყო, რომ ისინი ჩვენ პროვინციაზე გავლას აპირებდნენ, დააჩქარა რომიდან წამოსვლა და შეძლებისდაგვარად სწრაფად შორეულ გალიაში ჩავიდა და გენავაში მივიდა. მთელი პროვინციიდან რამდენადაც შეი-

40 მცირერიცხოვან შენაერთს.

41 ალობროგები (*Allobrogi*) - მრავალრიცხოვანი კელტური ტომი ნარბონის გალიაში. მოსახლეობდნენ მდინარე როდანუსსა და ისარას შორის. დასავლეთიდან ესაზღვრებოდნენ სეგუსიავები, ჩრდილოეთიდან სეკვანები, სამხრეთით ვოკონტიები. მდინარე როდანუსი წარმოადგენდა საზღვარს ჰელვეტებსა და ალობროგებს შორის, უახლოესი ქალაქი კი ჰელვეტების საზღვართან გახლდათ გენავა (ჟენევა). II პუნიკური ომის დროს ალობროგები შეუერთდნენ ჰანიბალს და მასთან ერთად ებრძოდნენ რომაელებს. ძვ.წ. 121 წელს კვინტუს ფაბიუს მაქსიმუსმა დაამარცხა ალობროგები, რისთვისაც მიიღო მეტსახელი *Allobrogicus*. კეისრის გალიაში ყოფნის პერიოდში, ალობროგები უკვე რომაული გავლენის ქვეშ იყვნენ, შემდეგ კი აღმოჩნდნენ პროვინცია ნარბონის შემადგენლობაში. William Smith, *Dictionary of Greek and Roman Geography* (Boston, 1870), 105.

42 ლუციუს კალპურნიუს პიზო და აულუს გაბინიუსი ძვ.წ. 58 წელს იყვნენ კონსულები.



ძლებოდა ბევრი ჯარისკაცი გამოიწვია (მთელ შორეულ გალიაში მხოლოდ ერთი ლეგიონი იყო), და ხიდი, რომელიც იყო გენავასთან, დაანგრევინა. როდესაც ჰელვეტებმა მისი მოსვლა შეიტყვეს, ელჩებად გაუგზავნეს ყველაზე წარჩინებული მოქალაქეები, მთავარი ადგილი ნამეიუსსა და ვერუკლეტიუსს ეკავათ, რომლებსაც უნდა ეთქვათ რომ მათ ყოველგვარი ავი ზრახვის გარეშე სურთ პროვინციაზე გავლა, რადგან სხვა გზა არ აქვთ; და ჰკითხეს თუ აძლევდა ამის ნებას. კეისარი, რომელსაც ახსოვდა რომ კონსული ლუციუს კასიუსი ჰელვეტებმა მოკლეს, მისი არმია კი გაანადგურეს და უღელქვეშ გაატარეს⁴³, დათმობას არ ფიქრობდა. არც იმის სჯეროდა, რომ მტრულად განწყობილი ადამიანები პროვინციაზე გავლის ნებართვის შემთხვევაში, თავს შეიკავებდნენ კანონდარღვევისა და დანაშაულისაგან. თუმცა მაინც, დროის მოსაგებად, სანამ წინა ბრძანებისამებრ ჯარი შეიკრიბებოდა, ელჩებს უთხრა რომ მოფიქრებისათვის დროს სჭირდებოდა; თუ მათ რაიმე სურდათ, აპრილის იდეებისთვის უნდა დაბრუნებულიყვნენ.

[8] ამასობაში იმ ლეგიონით, რომელიც თან ჰყავდა და ჯარისკაცებით, რომლებიც პროვინციიდან შეკრიბა, ტბა ლემანუსიდან, რომელიც მდინარე როდანუსში ჩაედინება, მთა იურამდე, რომელიც სეკვანების საზღვრებს ჰელვეტებისგან ჰყოფს, გაავლო 19 მილის სიგრძის თხრილი და კედელი, რომელიც სიმაღლეში 16 ფუტს აღწევდა.⁴⁴ ამ საქმის შესრულების შემდეგ გარნიზონები განალაგა, სიმაგრეები განამტკიცა, რადგან უფრო ადვილად აღეკვეთა მის უნებართვოდ მტრის გადმოსვლის მცდელობა. როდესაც დადგა ელჩებისთვის დათქმული დღე და ელჩები მასთან დაბრუნდნენ, უარი უთხ-

43 ეს წესი ითვალისწინებდა დამარცხებული მტრის გადაჯვარედინებულ შუბებს შორის გატარებას, რაც მათთვის დიდი სირცხვილი იყო.

44 1 რომაული ფუტი 29,6 სანტიმეტრია.

რა, რომელი ხალხის ჩვეულებისა და მაგალითის თანახმად არ შეეძლო პროვინციაზე გავლის უფლება მიეცა ვინმესთვის, და თუ ძალის გამოყენებით შეეცდებოდნენ - ცხადყო, რომ შეაჩერებდა. იმედგაცრუებული ჰელვეტები გადაბმული ნავეებითა და მრავალი ტივის დამზადებით, ანდაც როდანუსის ფონით, სადაც მდინარე ყველაზე პატარა იყო, ცდილობდნენ გაღწევას ზოგჯერ დღისით, უფრო ხშირად კი ღამით. მაგრამ სიმაგრეებმა, ჯარისკაცების წინააღმდეგობამ და იარაღით მოგერიებამ ჩაშალა ჰელვეტთა მცდელობები.

[9] რჩებოდა ერთი გზა სეკვანიაზე გამავალი, რომელზეც სეკვანების თანხმობის გარეშე, და გზის სივინროვის გამოც, გავლა არ შეიძლებოდა. რადგანაც თავად ვერ შეძლეს სეკვანების დაყოლიება, ელჩები გააგზავნეს ედუელ დუმნორიქსთან, რათა მას მოეპოვებინა ნებართვა. დუმნორიქსს სეკვანებს შორის დიდი გავლენა ჰქონდა თავისი სანდომიანობისა და გულუხვობის გამო, და ჰელვეტებთანაც მეგობრობდა, რადგან მათი ტომიდან ორგეტორიქსის ქალიშვილი ჰყავდა ცოლად. მეფობა მოწყურებულს გადატრიალების მოწყობა სურდა და ამიტომ უნდოდა რაც შეიძლება მეტი ადამიანი ჰყოლოდა დავალებული თავისი ხელგაშლილობით. ამგვარად ეს საქმე თავის თავზე აიღო და სეკვანები დაითანხმა, რომ ჰელვეტები თავის საზღვრებზე გაეტარებინათ და მიჰყვებიან გააცვლევინა ერთმანეთში, რათა სეკვანებს ჰელვეტების ლაშქრობისათვის ხელი არ შეეშალათ, ჰელვეტებს კი ძალადობისა და ავიზრახვის გარეშე გაეეცლოთ.

[10] კეისარმა შეიტყო, რომ ჰელვეტები აპირებდნენ სეკვანებისა და ედუების მიწების გავლით სანტონების საზღვრები გადაელახათ, რომლებიც შორს არ არიან ტოლოსატების⁴⁵

45 ტოლოსატები (*Tolosates*) - სამხრეთ გალიაში, ქალაქ ტოლოსასა (ახ. ტულუზა) და მის მიმდებარე მიწებზე მცხოვრები კელტები.

საზღვრებიდან, ეს ტერიტორია კი პროვინციაში შედის⁴⁶. თუ ეს მოხდებოდა, დიდი საფრთხე დაემუქრებოდა პროვინციას, რადგან გაუმეზობლდებოდა მეზობელი ტომი, რომელიც ხალხის მტერი, გაშლილ და ნაყოფიერ მხარეში დასახლებული. ამ მიზეზების გამო თავდაცვითი ზღუდის გამგებლად თავისი ლეგატი⁴⁷ ტიტუს ლაბიენუსი დანიშნა, თვითონ სასწრაფოდ გაეშურა იტალიისკენ, იქ 2 ლეგიონი მოაგროვა და კიდევ 3 აკვილას მახლობლად რომ იზამთრებდნენ, საზამთრო ბანაკებიდან გამოიყვანა, და ამ 5 ლეგიონის თანხლებით შორეული გალიისაკენ დაიძრა უმოკლესი გზით, რომელიც ალპებზე გადიოდა. აქ კეუტრონებმა, გრაიოკელებმა და კატურიგებმა⁴⁸ მაღლობი ადგილები დაიკავეს და ჯარისათვის გზის გადაღობვა სცადეს. [რომაელებმა] ბევრ ასეთ ბრძოლაში გაიმარჯვეს ოცელუმამდე, რომელიც არის ქალაქი უახლოესი პროვინციის კიდეში. შორეული პროვინციის ვიკონტიის საზღვრებს მეშვიდე დღეს მიაღწიეს; აქედან თავისი ჯარი ალობროგებისკენ წაიყვანა, ალობროგებისგან კი სეგუსიავებისკენ⁴⁹. ისინი არიან პირველი ტომი პროვინციის გარეთ,

46 რომაელებმა ტოლოსის დასახლება ჯერ კიდევ ძვ.წ. II საუკუნეში დაიკავეს და აქ პროვინცია ნარბონის გალია ჩამოაყალიბეს (*Gallia Narbonensis*).

47 ლეგატი (*Legatus*) - მაღალი სამხედრო თანამდებობა რომის ჯარში. დღევანდელი გენერლის ექვივალენტი. ამ წოდებას უმეტესად სენატორები ეუფლებოდნენ. საჭიროების შემთხვევაში ლეგატს შეეძლო ჩაენაცვლებინა მთავარსარდალი კონსული ან პროკონსული.

48 კეუტრონები, გრაიოკელები, კატურიგები - ალპებში მოსახლე ტომები. კეუტრონები (იგივე კენტრონები) ნარბონის გალიის პროვინციის ერთ-ერთი ტომები იყვნენ და ერთ დროს ნერვიების ვასალებად ითვლებოდნენ. კატურიგები ცხოვრობდნენ მდინარე დრუენტიას (ახ. დურანსი) მახლობელ მიწებზე. მათი დედაქალაქი იყო კატორიმაგუსი (ახ. შორჟი), ხოლო ტომის სახელწოდება სავარაუდოდ მომდინარეობდა ომის ღმერთის კატურიქსის სახელიდან. გრაიოკელები იტალიის ჩრდილო-დასავლეთ მხარეს, ალპებსა და ზღვას შორის ცხოვრობდნენ.

49 სეგუსიავეები (*Segusiavi*) - ამ კელტური ტომის სახელი „ძღვევამოსილებს“ ნიშნავს. სეგუსიავეები ცხოვრობდნენ ლუგუდუნის (ახ. ლიონი) მიდამოებში.

როდანუსის გადაღმა.

[11] ამასობაში ჰელვეტებმა უკვე გაიარეს ვინრობები და სეკვანთა საზღვრები, ედუების საზღვრებს მიაღწიეს და დაიწყეს მათი მინდვრების აოხრება. ედუებმა, რომლებსაც საკუთარი თავის და ქონების დაცვა არ შეეძლოთ, კეისარს ელჩები გაუგზავნეს დახმარების სათხოვნელად: ისინი რომაელი ხალხის წინაშე მუდამ თავდაუზოგავები იყვნენ და ლამის რომაული არმიის თვალწინ მათი მიწების აოხრება, [მათი] ბავშვების მონად გატაცება, ქალაქების აღება - არასამართლიანიაო. იმავდროულად ამბარებმა⁵⁰, ედუების ახლობელმა და მონათესავე ტომმა, აცნობეს კეისარს რომ მათი მინდვრებიც გაჩანაგდა და არ იყო ადვილი მათი ქალაქებიდან მტრის ძალმომრეობის აღკვეთა. ასევე ალობროგებიც, რომლებსაც როდანუსის მიღმა სოფლები და ქონება ჰქონდათ, კეისარს ეახლნენ და დაუმოწმეს, რომ ცარიელი მიწის გარდა აღარაფერი დარჩენოდათ. ამ ვითარებებიდან გამომდინარე, კეისარმა გადაწყვიტა აღარ მოეცადა, სანამ ჰელვეტები მოკავშირეთა მთელ ქონებას გაფლანგავდნენ და სანტონებამდე⁵¹ მოვიდოდნენ.

50 ამბარები (*Ambarri*) - გალიის ტომი, რომელთაც კეისარი ედუებთან მონათესავე ხალხად მოიხსენიებს. თუ მას წავიკითხავთ, როგორც *Aedui Ambarri*, გამოდის რომ ამბარები თვითონ ედუები იყვნენ. ისინი არ არიან აღნიშნულები ედუების ვასალ ტომებშიც. ამბარები დასახლებულები იყვნენ მდინარე როდანუსის (რონას) დაბლობზე, აღმოსავლეთიდან კი ემეზობლებოდნენ ალობროგებს. ამ ტომს აღნიშნავს ტიტუს ლივიუსიც, ედუებთან ერთად, იმ ტომთა რიგში, რომელთაც გადმოლახეს ალპები და შეიჭრნენ იტალიაში რომში ლეგენდარული მეხუთე მეფის, ტარქვინიუს პრისკუსის მმართველობისას. William Smith, *Dictionary of Greek and Roman Geography*, 119.

51 სანტონები (*Santoni*) - აქეიტანიაში, მდინარე გარონას სათავესთან მცხოვრები ძლიერი გალური ტომი. მათი მთავარი ქალაქი იყო მედიოლანუმი - *Mediolanum Santonum* (იმპერიაში იყო მეორე, უფრო ცნობილი მედიოლანუმი, რომელიც ჩრდილოეთ იტალიაში მდებარეობდა და დღეს ქალაქ მილანის სახელით ვიცნობთ).

[12] მდინარე არარი⁵² მოედინება ედუებისა და სეკვანების საზღვრის გავლით და ჩაედინება როდანუსში. მისი დინება საოცრად ნელია, ამიტომ ძნელი მისახვედრია რომელი მიმართულებით მიედინება. ჰელვეტებმა გადაბმული ტივებითა და ნავებით გადალახეს. როცა მზვერავებმა კეისარს შეატყობინეს, რომ ჰელვეტების სამმა მეოთხედმა გადალახა მდინარე, ხოლო ერთი მეოთხედი ნაწილი მდინარე არარის მეორე მხარეს დარჩა, მან დატოვა ბანაკი მესამე გუშაგობაზე და სამი ლეგიონით მტრის იმ ნაწილს წამოენია, რომელიც ჯერ არ გადასულიყო მდინარეზე. ბარგით დატვირთულებს, მოულოდნელად შეუტია, მრავალი ამოწყვიტა, დანარჩენები გაიქცნენ და მახლობელ ტყეებში დაიმალნენ. ისინი იყვნენ ტიგურინების⁵³ პაგუსიდან⁵⁴: მთელი ჰელვეტი ხალხი იყოფოდა ოთხ პაგუსად. ეს იყო ერთადერთი პაგუსი, რომელიც ჩვენს მამებს რომ ახსოვთ, იმ დროს გამოვიდა თავისი საცხოვრებლიდან, მოკლა კონსული ლუციუს კასიუსი და მისი ჯარი უღელქვეშ გაატარა.⁵⁵ ასე რომ, მოხდა ეს შემთხვევით თუ უკვდავი

52 არარი (*Arar*) - დღევანდელი მდინარე სონა. მოედინება აღმოსავლეთ საფრანგეთში და წარმოადგენს მდინარე რონას მარჯვენა შენაკადს.

53 ტიგურინები (*Tigurini*) - ჰელვეტ ტომთა გაერთიანების ერთ-ერთი ტომი. მოსახლეობდნენ შვეიცარიის აღმოსავლეთ მხარეში. ისტორიულ წყაროებში პირველად ძვ.წ. II საუკუნის ბოლოს ჩნდებიან, როგორც კიმბრებისა და ტევტონების მოკავშირეები და რომის მტრები.

54 პაგუსი (*Pagus*) - მცირე ტერიტორიული ერთეული, რომელშიც შედიოდა რამდენიმე სოფელი, მცირე ქალაქი ან ვილები. არ გააჩნდათ პოლიტიკური ავტონომია, მაგრამ ჰყავდათ საკუთარი მაგისტრატები. მათი საშუალებით პაგები პასუხს აგებდნენ მათ მიწაზე გამავალი გზების მდგომარეობაზე და ასევე აჭირავებდნენ დასამუშავებელ მიწებს. ჰქონდათ საკუთარი რელიგიური წეს-ჩვეულებანიც. ამ შემთხვევაში კეისარს მხედველობაში აქვს ჰელვეტ ტომთა გაერთიანების ერთ-ერთი მხარე, რომელშიც კონკრეტულად ტიგურინები სახლობდნენ.

55 ლუციუს კასიუს ლონგინუსი ძვ.წ. 107 წელს, როდესაც იტალიის ჩრდილოეთით გერმანული ტომები კიმბრები და ტევტონები გამოჩნდნენ და საფრთხე შეუქმნეს რომს, გაიუს მარიუსთან ერთად გახდა რომის კონსული. კასიუსმა ნარბონის გალიაში შეიყვანა ჯარი, რათა კიმბრებს და-

ღმერთების ნებით, ყოველ შემთხვევაში ჰელვეტთა ტომის იმ ნაწილმა, რომელმაც ოდესღაც რომაელებს დიდი უბედურება დამართა, პირველმა ზღო სრულად დანაშაულისთვის. ამით კეისარმა შური იძია არა მარტო მთელი ხალხის, არამედ პირადი წყენისთვისაც; რადგან იმავე ბრძოლაში ლუციუს პიზოს⁵⁶ პაპა ლუციუს პიზო, ლეგატი, ტიგურინებმა მოკლეს კასიუსთან ერთად.

[13] ამ ბრძოლის შემდეგ, ჰელვეტთა დარჩენილ ძალებს რომ დასწოდა, [კეისარმა] არარზე ხიდი გაადებინა და თავისი ჯარი გადაიყვანა. ჰელვეტები მისი მოულოდნელი მოახლოებით შეშფოთდნენ, რადგან თავად დიდი სიძნელეებით 20 დღეში გადალახეს მდინარე, კეისარმა კი 1 დღეში მოახერხა, და ელჩები მიუგზავნეს. ელჩების მეთაური იყო დივიკო, რომელიც ადრე იყო ჰელვეტების სარდალი კასიუსის წინააღმდეგ კამპანიაში. მან კეისარს ამგვარად მიმართა: თუ რომელი ხალხი ჰელვეტებთან ზავს დადებდა, ისინი იქით წავიდოდნენ და დასახლდებოდნენ, საითაც კეისარი მიუთითებდა და მოისურვებდა; მაგრამ თუ ომს ჯიუტად გააგრძელებდა, გაეხსენებინა რომელი ხალხის ძველი დამარცხებები და ჰელვეტთა ჩვეული სიმამაცე. ის ერთ პაგუსს დაესხა თავს მოულოდნელად, როცა დანარჩენებს, რომლებმაც გადალახეს მდინარე, არ შეეძლოთ დახმარებოდნენ თავის თანამებრძოლებს, ამიტომ კეისარს ეს არც თავის ძალმოსილებად უნდა ჩაეთვალა, და არც ჰელვეტებისთვის შეეხედა ქედმაღლურად. მათ

პირისპირებოდა, მაგრამ კიბრების მოკავშირე ტიგურინების ბელადმა დივიკომ ის ბურდიგალასთან (ბორდო) ბრძოლაში სასტიკად დაამარცხა, მოკლა, ხოლო მისი ჯარის ნარჩენები გადაჯვარედინებულ შუბებს შორის გაატარა.

⁵⁶ ლუციუს კალპურნიუს პიზო იყო კეისარის სიმამრი. მის სახელს კეისარი მეორე აბზაცშივე ახსენებს, როდესაც პიზოსა და მესალას კონსულობის პერიოდით საზღვრავს ორგეტორიქსის მიერ ჰელვეტებს შორის დიდებულთა აჯანყების მოწყობას.

მამებისა და პაპებისგან ნასწავლი ჰქონდათ, რომ ებრძოლათ ვაჟკაცურად, და არა თაღლითობითა და ჩასაფრებით. ამიტომ ნუ დაუშვებს, რომ ის ადგილი, სადაც დგანან, რომაელის ხალხის მარცხისა და ჯარის განადგურების ადგილად იქნეს ცნობილი, და ასე შემორჩეს ისტორიას.

[14] ამაზე კეისარმა ასე მიუგო: ის ნაკლებად ყოყმანობს, რადგან გარემოება რაც ჰელვეტთა ელჩებმა შეახსენეს კარგად ახსოვს, და ეს უფრო ძნელად ასატანია, რადგან რომაელი ხალხი მარცხს არ იმსახურებდა. რომაელებს რომ თავი ეგრძნოთ ძალმომრეებად, არ იქნებოდა ძნელი ამის თავიდან აცილება, მაგრამ ისინი შეცდნენ, რადგან არ უფიქრიათ რომ რაიმე უკანონობას სჩადიოდნენ და არც უმიზეზოდ შეშინებიათ. რომც მოისურვონ ძველი შეურაცხყოფის პატიება, ნუთუ ახალ უკანონობებს დაივიწყებენ, როცა ჰელვეტებმა მოინდომეს კეისარის ნების სანინააღმდეგოდ ძალით გაეცლოთ პროვინციაზე, როცა ედუები, ალობროგები, ამბარები გააღიზიანეს. გამარჯვება, რომლითაც ისინი ასე ქედმაღლურად ტრაბახობენ და ის გაოცებაც, რომ ასე დიდხანს დაუსჯელად დარჩნენ, ამას ერთვის. უკვდავ ღმერთებს სჩვევიათ, რომ ადამიანები უმკაცრესად დასაჯონ გარემოების ცვლილებით, როდესაც მათი დანაშაულისთვის შურის ძიება სურთ, და ზოგჯერ დროებითი კეთილდღეობითა და დაუსჯელობით აჯილდოებენ. მიუხედავად ამ ყველაფრისა, თუ კი მძევლებს მისცემენ პირობის შესრულების დასტურად, და თუ ედუებსა და მათ მოკავშირეებს აუნაზღაურებენ ზარალს, ასევე ალობროგებს დააკმაყოფილებენ, კეისარი მათთან ზავს დადებს. დივიკომ უპასუხა: ჰელვეტებმა თავისი წინაპრებისაგან ისწავლეს, რომ მძევლები კი არ მისცენ, არამედ აიყვანონ; ამის მოწმეა რომაელი ხალხი. ამ პასუხით გაშორდა.

[15] მომდევნო დღეს ბანაკი იმ ადგილიდან აშალეს. კეისარმაც იგივე გააკეთა და მთელი მხედრობა, 4 ათასამდე მხე-

დარი, რომელიც შეგროვილი ჰყავდა მთელი პროვინციიდან, ედუებისგან და მათი მოკავშირეებისგან, წინ გააგზავნა, რათა ენახათ რომელ მხარეს გაემართებოდა მტერი. ისინი, რომლებიც გაიტაცა მტრის ზურგის დევნამ, მოუხერხებელ ადგილას შეეხნენ ჰელვეტთა მხედრობას; და რამდენიმე ჩვენიანი დაეცა. ამ ბრძოლით გამხნეებული ჰელვეტები, რომ 500 ცხენოსნით დაამარცხეს ჩვენი ამხელა ჯარი, გათამამდნენ და დროდადრო ჩვენი ზურგის გამოწვევა დაიწყეს საბრძოლველად. კეისარმა თავისი ჯარი ბრძოლას მოარიდა, ამჯერად საკმარისად მიიჩნია რომ მტერს აღუკვეთეს ძარცვა-გლეჯისა და აოხრების საშუალება. ასე რომ, დაახლოებით 15 დღე ისე მიდიოდნენ, მტრის ზურგსა და ჩვენს მოწინავე ჯარს შორის არა უმეტეს 5 ან 6 მილი იყო.

[16] ამასობაში კეისარი ყოველდღიურად მოითხოვდა ედუებისგან პურს, რომელსაც ისინი დაჰპირდნენ. სიცივის გამო (რადგან გალია, როგორც ადრე ითქვა, ჩრდილოეთში მდებარეობს) არა მხოლოდ ხორბალი არ დამწიფდა მიწებში, არამედ სურსათ-სანოვაგეც აღარ ჰქონდათ საკმარისი. იმ ხორბლითაც ვერ სარგებლობდა, რომლითაც მდინარე არარზე გემები იყო დატვირთული, რადგან ჰელვეტებმა არარიდან გადაუხვიეს, კეისარს კი არ სურდა მათი კვალის დაკარგვა. ედუები დღიდან დღემდე აჯანჯლებდნენ დროს, ეუბნებოდნენ რომ ხორბალს აგროვებენ, ეზიდებიან, მიაქვთ ადგილზე. როცა მიხვდა, რომ დიდი ხანი ატყუებდნენ, და მოახლოვდა ჯარისკაცებისათვის პურის განაწილების დღე, შეკრიბა მათი ბელადები, რომლებიც მრავლად ჰყავდა ბანაკში, მათ შორის დივიციაკუსი და ლისკუსი, რომელსაც ჰქონდა უმაღლესი თანამდებობა, როგორც ედუები უწოდებენ - ვერგობრეტი⁵⁷.

57 როგორც კეისარი აღნიშნავს, ლისკუსის წოდება იყო ვერგობრეტი, რაც მსაჯულს, „სასამართლოს კაცს“ ნიშნავს. ეს წოდება გამოიყენებოდა როგორც ედუებში, ასევე არვერნებსა და ტრევერებში. ვერგობრეტს

მას ირჩევდნენ ერთი წლით და სიცოცხლისა და სიკვდილის განჩინების უფლება ჰქონდა თავისიანებში. კეისარმა ისინი მძიმედ დაადანაშაულა, რადგან არ შეეძლო არც ხორბლის ყიდვა და არც მინდვრებიდან შეგროვება. ასეთი საჭიროების დროს, მტერთან ასეთი სიახლოვის დროს, მას არ ეხმარებიან. მითუმეტეს, რომ ეს ომი დიდ წილად მათი თხოვნის გამო დაიწყო. განსაკუთრებით იმაზე ჩიოდა, რომ მიატოვეს.

[17] მაშინ და არა უფრო ადრე, კეისარის სიტყვამ დაარწმუნა ლისკუსი ეთქვა ის, რასაც აქამდე მალავდა. არიან გარკვეული [პიროვნებები], რომელთაც გავლენა გააჩნიათ უბრალო ხალხზე, უფრო მეტი ძალაუფლება, ვიდრე ნამდვილ მაგისტრატებს აქვთ. ესაუბრებოდნენ რა მათ მემამბოხე სიტყვით, დააშინეს ხალხი, რათა შეეჩერებინათ ხორბლის შეგროვება, რაც ევალებოდათ: თუ არ შეუძლიათ იყვნენ გალიის სათავეში, ამჯობინონ გალების ბატონობა რომაელებისას, რადგან ეჭვი არ ეპარებათ, თუ რომაელები დაამარცხებენ ჰელვეტებს, ისინი წაართმევენ ედუებს თავისუფლებას, ისევე როგორც დანარჩენ გალიას. მათგან ჩვენი გეგმები და ბანაკის საქმიანობა ცნობილია მტრისათვის; მაგრამ მას [ლისკუსს] არ აქვს ძალა რომ შეაკავოს ისინი. უფრო მეტიც, იმისთვის რომ აცნობა კეისარს ის, რაც აუცილებელი იყო, თავის თავს დიდი საფრთხე შეუქმნა. ამ მიზეზით ის იმდენ ხანს დუმდა, რამდენი ხანიც შეეძლო.

[18] კეისარი ხვდებოდა, რომ ლისკუსის მინიშნება დუმნორიქსს, დივიციაკუსის ძმას ეხებოდა, მაგრამ ამდენი დამსწრის წინაშე ამ საკითხების განხილვა არ სურდა, სწრაფად დაითხოვა საბჭო და ლისკუსი შეაყოვნა. განმარტოებულს

ირჩევდა სახალხო კრება (რომელშიც ქურუმები მნიშვნელოვან როლს ასრულებდნენ) და ერთი წლით ანიჭებდნენ თითქმის აბსოლუტურ ძალაუფლებას. ვერგობრეტის ნოდებას ვერ მიიღებდა ის, ვისაც ჰყავდა ცოცხალი ნათესავი, რომელსაც ერთ დროს ეს თანამდებობა ეკავა.



ეკითხება იმის შესახებ, რაც კრებაზე თქვა. ის საუბრობს უფრო თავისუფლად და გაბედულად. იგივეს სხვებისგანაც გამოიკითხავს საიდუმლოდ. დაადგენს, რომ სიმართლეა: ეს ის დუმნორიქსია, ყველაზე გაბედული, ხალხში გულუხვობით სახელმოხვეჭილი, გადატრიალების მოსურნე. მრავალი წლის მანძილზე საბაჟო და ედუელთა ყველა სხვა გადასახადი იჯარით ჰქონდა აღებული დაბალ ფასად, რადგან ვერავინ ბედავდა მასზე მაღალი ფასის შეთავაზებას. ამ საშუალებებით გაზარდა თავისი ქონება და დიდი შემოსავალი მიიღო მექრთამეობისგან. მრავალრიცხოვან მხედრობას ინახავდა თავისი ხარჯით და მუდამ გარს ჰყავდა. არა მხოლოდ თავის ქვეყანაში, არამედ მეზობელ თემებშიც დიდი გავლენა ჰქონდა. ამ ძალის განსამტკიცებლად თავისი დედა მიათხოვა უნარჩინებულეს და უძლიერეს კაცს ბიტურიგებს⁵⁸ შორის; თავად ჰელვეტი ცოლი ჰყავდა; თავისი და - დედის მხრიდან - და სხვა ქალი ნათესავები სხვადასხვა თემებში გაათხოვა. ჰელვეტების კეთილმოსურნე იყო ამ ნათესაობის გამო, ხოლო რომაელები და კეისარი თავის მხრივ სძულდა, რადგან მათმა მოსვლამ დაამცრო მისი ძლიერება, ხოლო მის ძმას - დივიციაკუსს ძველი დიდება და პატივი დაუბრუნდა. თუკი დამარცხდებოდნენ რომაელები, იმედოვნებდა ჰელვეტების დახმარებით მეფობის მოპოვებას. რომაელი ხალხის იმპერია არა მხოლოდ გამეფების იმედს უკარგავდა, არამედ იმ ძალაუფლებასაც ემუქრებოდა, რომელსაც ის ფლობდა. კეის-

58 ბიტურიგები (*Biturigi*) - ტიტუს ლივიუსის მიხედვით კელტური გალიის ერთ-ერთი მთავარი ტომი იყო რომში ტარქვინიუს პრისკუსის (ძვ.წ. VII ს.) მეფობის დროს, თუმცა შემდეგ დასუსტდნენ და უწინდელი გავლენაც დაკარგეს. მათი მთავარი ქალაქი იყო ავარიკუმი (თანამედროვე ბურჟი). ბიტურიგები იყოფოდნენ ორ ნაწილად - ბიტურიგ-კუზებად და ბიტურიგ-ვიზისკებად. ბიტურიგ-კუზები ცხოვრობდნენ მდინარე ლიგერის (ლუარის) შუა დინებიდან სამხრეთით, ქალაქ ავარიკუმის გარშემო ცხოვრობდნენ, ვიზისკები კი გარონას ქვემო დინებასა და ბისკაის ყურესთან მოსახლეობდნენ. მათი მთავარი ქალაქი იყო ბურდიგალა (ბორდო).

არმა გამოკითხვით ისიც გამოარკვია, რომ რამოდენიმე დღის წინ მომხდარი ცხენოსანთა შეტაკების დროს, პირველები დუმნორიქსი და მისი ცხენოსნები უკუიქცნენ, (სწორედ დუმნორიქსი მეთაურობდა იმ მხედრებს, რომლებიც ედუებმა გამოაგზავნეს კეისრის დასახმარებლად), მათმა გაქცევამ დანარჩენ მხედრებსაც თავზარი დასცა.

[19] ამ ცნობებს და ეჭვებს უტყუარი ფაქტები დაემატა: დუმნორიქსმა გაატარა ჰელვეტები სეკვანთა საზღვრებზე, გააცვლეინა მძევლები ერთმანეთში, ეს ყველაფერი გააკეთა არა მხოლოდ კეისრისა და საკუთარი თანამოქალაქეების უნებართვოდ, არამედ მათგან ფარულადაც. ედუელთა მაგისტრატი სდებდა მას ბრალს. კეისარი ფიქრობდა, რომ საკმარისი მიზეზები იყო, რომ თავად გაესამართლებინა დუმნორიქსი, ან თემისტვის გადაეცა გასასამართლებლად. ამ ყველა საკითხის გარდა იყო ერთი წინაღობა: მისი ძმა დივიციაკუსი უაღრესად გულმოდგინედ ემსახურებოდა რომაელ ხალხს, უაღრესად კეთილგანწყობილი იყო, გამოირჩეოდა სანდობით, სამართლიანობითა და თავდაჭერილობით. ამიტომ კეისარს არ სურდა დუმნორიქსის დასჯით დივიციაკუსის წყენინება. ამგვარად სანამ რაიმეს მოიმოქმედებდა, დივიციაკუსი თავისთან მიიხმო, მუდმივი თარჯიმნები დაითხოვა და გაიუს ვალერიუს პროკილუსის⁵⁹, გალიის პროვინციის დიდებულისა და თავისი ახლო მეგობრის თანხლებით მიიღო, რომელსაც სრულიად ენდობოდა. კეისარმა შეახსენა დივიციაკუსს, რაც

59 გაიუს ვალერიუს პროკილუსი (*Procillus* ან ტრუცილუსი - *Troucillus*) - ძვ.წ. I საუკუნეში მოღვაწე რომანიზებული, რომის მოქალაქეობის მქონე კელტი დიდებული ჰელვეების ტომიდან, რომელიც კეისართან გალიის კამპანიის დროს თარჯიმნისა და დესპანის მოვალეობებს ასრულებდა. მისი მამა კაბურუსი და ძმა „გალიის ომის“ VII წიგნშიც არიან მოხსენიებული, როგორც ვერცინგეტორიქსის ძალების შემოტევისგან ჰელვეების ტერიტორიების დამცველები. კეისარი პატივს სცემდა და აფასებდა პროკილუსს, რაც გამოიხატება იმაში, რომ მას „ოჯახის მეგობარს“ უწოდებს და „გალიის ომის“ ტექსტში ყოველთვის დადებითად მოიხსენიებს.

მისი თანდასწრებით ითქვა გალების საბჭოზე დუმნორიქსის შესახებ, და გაუმხილა ისიც რაც პირად საუბრებში უთხრეს. სთხოვა და მოუწოდა, რომ შეურაცხყოფად არ მიეღო, თუკი ან თავად გაასამართლებდა დუმნორიქსს, ან თემს გადასცემდა მსჯავრის გამოსატანად.

[20] ცრემლმდინარე დივიციაკუსი მოეხვია კეისარს და სთხოვდა ზედმეტად მკაცრად არ დაესაჯა მისი ძმა. თავადაც იცოდა, რომ ეს სიმართლეა და მასზე მეტად არავინ წუხდა. როდესაც მას დიდი გავლენა ჰქონდა თავის ტომში და დანარჩენ გალიაშიც, დუმნორიქსს კი უმცირესი თავისი ახალგაზრდობის გამო, ძმის წყალობით ამალლდა. ახლა კი თავის ძალებსა და ღონეს იყენებს არა მხოლოდ დივიციაკუსის დიდების დასამცირებლად, არამედ თითქმის დასაღუპადაც. დივიციაკუსი მაინც ძმის სიყვარულისა და ხალხის აზრის გამო ლელავდა. თუ კეისარი უმკაცრესად მოექცეოდა დუმნორიქსს, არავინ დაიჯერებდა რომ ეს დივიციაკუსის უნებურად მოხდა, რადგან მას მეგობრობა აკავშირებდა კეისართან. ამის გამო მთელი გალია შეაქცევდა ზურგს. ასეთი სიტყვებით ევედრებოდა ატირებული დივიციაკუსი კეისარს, კეისარმა კი მისი მარჯვენა ხელი აიღო, სთხოვა დამშვიდებულიყო და შეეწყვიტა მუდარა. ამგვარად აუხსნა, რომ იმდენად დიდია დივიციაკუსის დამსახურება, რომ მისი თხოვნის გამო აპატიებს დუმნორიქსს დანაშაულს რესპუბლიკის წინაშე და პირად წყენასაც. დუმნორიქსი თავისთან მიიხმო, ძმის წინაშე; აუწყა რაში ადანაშაულებდა; რაც თვითონ იცოდა და რა საჩივრებიც სხვებმა უთხრეს; გააფრთხილა, რომ მომავალში ყველანაირი ეჭვი აერიდებინა თავიდან; უთხრა, რომ წარსული ძმის ხათრით აპატიო. დუმნორიქსს მოთვალთვალეები მიამაგრა, რომ სცოდნოდა რას აკეთებს ან ვის ელაპარაკება.

[21] იმავე დღეს მზვერავებმა კეისარს აცნობეს, რომ მტერი დაბანაკდა მთის ძირას, რომელთა ბანაკიდან 8 მილზე. გაგ-

ზავნა ხალხი რომ დაეზვერათ მთა და შემოგარენი თუ როგორი იყო ასასვლელად. შეატყობინეს, რომ ადვილი იყო. მესამე გუშაგობისას ტიტუს ლაბიენუსს, პრეტორის უფლებებით აღჭურვილ ლეგატს უბრძანა დაეკავებინა სიმაღლე ორი ლეგიონითა და მეგზურებით, რომლებმაც იცოდნენ ასასვლელები. მას თავისი გეგმა გააცნო. თავად, მეოთხე საგუშაგო ღამეს⁶⁰, სწრაფად გაეშურა იმ გზით, რომლითაც მტერი მიდიოდა და წინ გაგზავნა მთელი მხედრობა. პუბლიუს კონსიდიუსი, რომელიც სამხედრო საქმეში ყველაზე გამოცდილი იყო, (ლუციუს სულასთან, შემდეგ კი მარკუს კრასუსთან მსახურობდა), მზვერავებთან ერთად გაიგზავნა.

[22] განთიადზე ლუციუს ლაბიენუსმა მთის მწვერვალი დაიკავა, თავად კეისარი კი მტრის ბანაკიდან არა უმეტეს მილ-ნახევრით იყო დაშორებული. და როგორც შემდეგ გაიგო ტყვეებისაგან, ვერც მისი და ვერც ლაბიენუსის მიახლოება ვერ შეამჩნიეს. კონსიდიუსმა ცხენი მოაჭენა მასთან და უთხრა, რომ მთა, რომლის დაკავებაც ლაბიენუსს ებრძანა, მტერს ეჭირა: ამას გალური იარაღითა და სამშვენიისებით მიხვდა. კეისარმა ახლომდებარე ბორცვისკენ დაიხია და ჯარი საბრძოლო წესით განალაგა. ლაბიენუსს ნაბრძანები ჰქონდა, არ შეერთებოდა ბრძოლას, სანამ მისი მეომრები არ გამოჩნდებოდნენ მტრის ბანაკთან. ამგვარად მტერს ერთდროულად შეუტევდნენ ყველა მხრიდან. ასე რომ, ლაბიენუსი, მწვერვალზე გამაგრებული, ელოდებოდა მთავარ ძალებს და თავს იკავებდა ბრძოლაში ჩართვისგან. დღის ბოლოს მზვერავებისაგან კეისარმა შეიტყო, რომ მთა მისიანებს აქვთ დაკავებული და ჰელვეტები ბანაკს ყრიან, ხოლო კონსიდიუსმა შიშისგან დამფრთხალმა, ის აცნობა რაც არ დაუნახავს. იმ დღეს ის მიჰყვა მტერს ჩვეულ მანძილზე და დაბანაკდა მათი ბანაკიდან 3 მილზე.

60 ღამით ბანაკის გუშაგები რამდენჯერმე იცვლებოდნენ, ამიტომ ღამე პირობითად ამის მიხედვით იყოფოდა.

[23] მომდევნო დღეს 2 დღელა რჩებოდა ჯარისკაცებისთვის პურის განაწილებამდე, რადგანაც არა უმეტეს 18 მილზე იმყოფებოდა ბიბრაქტიდან – ედუების ყველაზე დიდი და კარგად მომარაგებული ქალაქიდან – გადანყვითა საკვებზე ეზრუნა. ამგვარად, ჰელვეტებისგან პირი იბრუნა და მთელი სიჩქარით ბიბრაქტისკენ გაეშურა. ეს ცვლილება მტერს აცნობეს გაქცეულებმა, ლუციუს ემილიუსისაგან, გალური კავალერიის მეთაურისაგან. შესაძლოა, ჰელვეტებმა იფიქრეს რომ რომაელები უკან იხევდნენ შიშის გამო, მითუმეტეს რომ წინა დღეს ბრძოლაშიც არ ჩართულან სიმაღლის დაკავების შემდეგ, ან ჩათვალეს რომ რომაელებს გზას გადაუჭრიდნენ მარცვლეულისაკენ. ყოველ შემთხვევაში, ჰელვეტებმა შეცვალეს თავისი მიმართულება, გამოედევნენ და რომაელთა ზურგის შევიწროება დაიწყეს.

[24] როგორც კი ეს შეამჩნია, კეისარმა უკან დახია თავისი ჯარები მახლობელი ბორცვისკენ და მხედრები გაგზავნა მტრის შემოტევების მოსაგერიებლად. ამასობაში ფერდობის შუაში ვეტერანთა 4 ლეგიონი სამ რიგად დააწყო. ხოლო მათ ზემოთ განალაგა ის ორი ლეგიონი, რომელიც ბოლო ხანს ახლო გალიაში ჰყავდა შეგროვებული, და ყველა დამხმარე ძალა, ასე რომ მთელი მთა ადამიანებით შეივსო; ბრძანა, სიმძიმეები და ბარგი ერთ ადგილას შეეგროვებინათ, რომელიც უნდა გაემაგრებინათ ზედა ხაზზე განლაგებულ მეომრებს. ჰელვეტები მთელი თავისი ურმებით დაედევნენ და სიმძიმეები ერთ ადგილას შეაგროვეს; შემჭიდროებული რიგებით უკუაგდეს ჩვენი ცხენოსნები და ფალანგად დაწყობილებმა ჩვენს პირველ მწკრივს შემოუტიეს.

[25] კეისარმა პირველ რიგში საკუთარი, შემდეგ კი დანარჩენების ცხენები თვალთახედვის არიდან მოაცილებინა, რათა ყველას თანაბარ საფრთხეში ეგრძნო თავი და გაქცევის ყველანაირი იმედი გაექრო. მეომრებისადმი გამამხნევებ-

ლი სიტყვის შემდეგ კეისარიც ბრძოლაში ჩაერთო. ლეგიონერებმა მალეობიდან, ადვილად გაარღვიეს მტრის მჭიდრო წყობა ხელშუბების სროლით, და როდესაც ისინი დაფანტეს, მახვილები იძრეს და შეუტიეს. გალებს ძალიან ეშლებოდათ ხელი ბრძოლაში, რადგან მათი რამდენიმე ფარი ისე იმსხვრეოდა და ელურსმებოდა ერთმანეთს ერთი ხელშუბის მოხვედრის შემდეგ, რომ მისი ამოძრობა შეუძლებელი ხდებოდა, და მეომრებს ხელს უშლიდა მარცხენა ხელის ხმარებაშიც. ბევრი, დიდხანს ხელის ქნევის შემდეგ, ამჯობინებდა გადაეგდო ფარი და დაუცველი სხეულით ებრძოლა. ბოლოს, ჭრილობებით გატანჯულებმა დაიწყეს უკან დახევა მახლობელი მთისაკენ, რომელიც დაახლოებით 1 მილზე მდებარეობდა. დაიკავეს სიმაღლე, და ჩვენები რომ უკან მიჰყვნენ, ბოიებმა და ტულინგებმა, რომლებიც დაახლოებით 15 ათასი იყვნენ და მტრის ჯარს ზურგიდან კეტავდნენ და არიერგარდს წარმოადგენდნენ, ღია ფლანგიდან შემოგვიტიეს და ალყა შემოგვარტყეს. ეს რომ დაინახეს ჰელვეტებმა, რომლებიც მთაზე იყვნენ ასულები, ისევ დაიწყეს ჟლეტა და ბრძოლა განაახლეს. რომაელებმა საპასუხოდ 2 მხრიდან შეუტიეს: პირველი და მეორე მწყობრი დამარცხებულ და უკუქცეულ მტერს დაუპირისპირდა, მესამემ კი ახალმოსულები შეაჩერა.

[26] ასეთი ორმხრივი ბრძოლა დიდხანს გრძელდებოდა და შეტაკება იყო სასტიკი. როცა უფრო დიდხანს ჩვენი შეტევის მოგერიება ვერ შეძლეს, ნაწილმა, როგორც ადრევე ჰქონდათ დაწყებული, მთა დაიკავეს, დანარჩენები თავის ბარგთან და ურმებთან დაბრუნდნენ. მთელი ბრძოლის მანძილზე, რომელიც შვიდი საათიდან საღამომდე გაგრძელდა, მტრებს ერთმანეთის ზურგი არ უნახავთ. ბრძოლა გვიან ღამემდე გრძელდებოდა ბარგთანაც, რადგან მათ ურმებით ჩახერგეს სანგრები და სიმაღლეებიდან ხელშუბებს უშენდნენ ჩვენს მოწინავეებს, ზოგიერთები კი ურმებისა და ბორბლების ქვეშ

მოთავსდნენ, მატარებსა და ტრიგულებს⁶¹ ესროდნენ ჩვენებს და ჭრიდნენ. დიდი ხნის ბრძოლის შემდეგ ჩვენებმა შეძლეს ბარგისა და ბანაკების ხელში ჩაგდება, სადაც ორგეტორიქსის ქალიშვილი და ერთ-ერთი ვაჟიც ტყვედ აიყვანეს. ამ ბრძოლიდან დაახლოებით 130 ათასი ადამიანი გადარჩა და მთელი ღამე შეუჩერებლად იარეს. [ღამის არც ერთ ნაწილში არ შეწყვეტილა მარში]; 3 დღის შემდეგ ლინგონების⁶² საზღვრებს მიაღწიეს, ჩვენებმა ვერ მოახერხეს მათი დევნა მებრძოლების ჭრილობებისა და მიცვალებულთა დაკრძალვის გამო [3 დღე დაყოვნდნენ]. კეისარმა ლინგონებს წერილები და მაცნეები გაუგზავნა, არ დახმარებოდნენ ჰელვეტებს არც პურიტა და არც სხვა რაიმეთი, ხოლო თუ დაეხმარებოდნენ მათაც ისე მოექცეოდა, როგორც ჰელვეტებს. თავად 3 დღის შემდეგ მთელი ჯარებით დაიძრა მათკენ.

[27] ყველანაირ სურსათს მოკლებული ჰელვეტები იძულებული გახდნენ კეისართან ელჩები გაეგზავნათ შეწყალების სათხოვნელად. მას გზაზე შეხვდნენ, მის ფეხებთან დაეცნენ და ცრემლების ფრქვევით მშვიდობა სთხოვეს. კეისარმა უბრძანა იქ დალოდებოდნენ, სადაც იმჟამად იყვნენ და ისინი დაემორჩილნენ. როცა იქ მივიდა, მოითხოვა მძევლები, იარაღი და რომაელებისგან გაქცეული მონები. სანამ ეძებდნენ და აგროვებდნენ ამ ყველაფერს, დაღამდა. დაახლოებით 6 ათასი კაცი, თავისი პაგუსიდან, რომელსაც ვერბიგენუსი⁶³

61 მატარა (*Matara*), ტრიგულა (*Trigula*) - მატარა ეწოდებოდა მძიმე და ხელშუბთან შედარებით მოზრდილ შუბს, ტრიგულა კი მსუბუქი ხელშუბი იყო.

62 ლინგონები (*Lingoni*) - კელტური ტომი, რომელიც სახლობდა მარნიას (*Matrona*) და სენას (*Sequana*) სათავეებთან. ძვ.წ. 400 წლისთვის მათმა ნაწილმა გადალახა ალპები და ცისალპიურ გალიაში დასახლდა. ლინგონები ენათესავებოდნენ ბოიებსა და სენონებს. შესაძლოა მათ მონაწილეობაც მიიღეს ძვ.წ. 390 წელს გალების მიერ რომის დაღამქვრაში.

63 ვერბიგენები (*Verbigeni*) - ჰელვეტების კონფედერაციის ერთ-ერთი ტომი, რომელიც იურას მთებსა და ლემანის ტბას შორის ცხოვრობდა. მათი დედაქალაქი იყო ურბა (ორბე).

ენოდებოდა, შიშისგან დაზაფრულები, რომ იარაღის ჩაბარების შემდეგ მკაცრად დაისჯებოდნენ, ან თავდახსნის იმედით აღვსილები, რომ ტყვეთა ამხელა რაოდენობაში მათი გაქცევა დაიფარებოდა ან საერთოდ შეუმჩნეველი დარჩებოდა, მწუხრის დადგომისთანავე გაიქცნენ ჰელვეტთა ბანაკიდან და გაეშურნენ მდინარე რენუსისა და გერმანელთა საზღვრებისაკენ.

[28] როდესაც კეისარმა ეს გაიგო, იმ ტომებს, რომელთა ტერიტორიაზეც ვერბიგენებს გაევლოთ, უბრძანა მოეძებნათ და უკან დაებრუნებინათ, თუ სურდათ უდანაშაულოები დარჩენილიყვნენ. დაბრუნებულებს მტრებივით მოექცა. დანარჩენები შეინყალა მძევლების, იარაღისა და გაქცეული მონების გადმოცემის გამო. ჰელვეტებს, ტულინგებსა და ლატობრიგებს უბრძანა დაბრუნებულიყვნენ თავიანთ საზღვრებში, საიდანაც აიყარნენ. და რადგანაც მთელი მოსავალი განადგურებული ჰქონდათ და სახლში აღარაფერი ეგულებოდათ რომ შიმშილი მოეკლათ, კეისარმა ალობროგებს უბრძანა მათთვის პური მიეცათ. ასევე ჰელვეტებს უბრძანა საკუთარი გადამწვარი ქალაქები და სოფლები აღედგინათ. მთავარი მიზეზი ამის გაკეთების იყო ის, რომ მას არ სურდა დაუსახლებელი დარჩენილიყო მიწები, საიდანაც ჰელვეტები აიყარნენ, რადგან ნაყოფიერი სავარგულების გამო შესაძლოა რენუსის გადაღმა მცხოვრები გერმანელები თავიანთი საზღვრებიდან გადმოსახლებულიყვნენ ჰელვეტების ტერიტორიებზე და გამეზობლებოდნენ გალიის პროვინციასა და ალობროგებს. კეისარმა დააკმაყოფილა ედუების თხოვნა, რომ მათთან დასახლებულიყო სიმამაცით განთქმული ბოიების ტომი. ედუებმა მათ მისცეს მიწები და შემდეგ კი ისეთივე უფლებები, როგორიც თავად ჰქონდათ მიღებული.

[29] ჰელვეტების ბანაკში ნაპოვნი იქნა ბერძნული ასოებით ჩანერილი სიები, რომლებიც კეისარს მიუტანეს. სიებში აღწუსხული იყო ყველა, ვინც თავისი მიწები დატოვა და იარაღის

ხმარება შეეძლო, ცალკე ბავშვები, მოხუცები და ქალები. მთელი ამ ანგარიშით ჰელვეტები 236 ათასი აღმოჩნდნენ, 36 ათასი ტულინგი, 14 ათასი ლატობრიგი, 23 ათასი რაურაკი⁶⁴, 23 ათასი ბოიი, ამათგან 92 ათასს შეეძლო იარაღის ხმარება, მთელი რაოდენობა კი დაახლოებით 368 ათასი იყო. როგორც კეისარმა ბრძანა, ცენზორმა აღრიცხა ისინი, ვინც სახლში დაბრუნდნენ და ასეთი აღმოჩნდა 110 ათასი.

[30] ჰელვეტებთან ომის დასრულების შემდეგ კეისართან თითქმის მთელი გალიიდან ჩამოვიდნენ ელჩები და ტომების პრინციპებსეები მოსალოცად: ისინი აცნობიერებდნენ, რომ თუმცა კეისარმა ჰელვეტებს ძველი დანაშაულებების გამო მიუზღა, რაც რომაელი ხალხის წინაშე ჰქონდათ დაშვებული ომებში. მაგრამ მათი დამარცხება გალებისთვისაც ისეთივე სასარგებლო იყო, როგორც რომაელი ხალხისათვის, რადგან ჰელვეტებმა თავიანთი ნაყოფიერი მიწები მხოლოდ იმიტომ დატოვეს, რომ განზრახული ჰქონდათ მთელი გალიის დაპყრობა და ძალაუფლების მოპოვება. ისინი აპირებდნენ ფართო ველებიდან ყველაზე ვარგისი და უხვმოსავლიანი ადგილები თავიანთ საცხოვრებლად ამოეჩრიათ, დანარჩენი მიწები კი დაეხარკათ. ელჩებმა ითხოვეს კეისრის ნებართვით დანიშნულიყო ერთი დღე მთელი გალიის წარმომადგენელთა კრებისათვის, სურდათ ემსჯელათ გარკვეულ საკითხებზე და საერთო თანხმობის შემდეგ კეისრისათვის თხოვნით მიემართათ. ნებართვა მიიღეს, დათქვეს შეკრების დღე და დაიფიცეს, რომ ვერავინ გაიგებდა კრების დადგენილებებს მონაწილე პირების გარდა.

[31] ამ კრების დაშლის შემდეგ იგივე ტომების ბელადები,

64 რაურაკები, რაურიკები (*Rauraci*) - ჰელვეტების მეზობელი, მოკავშირე ან მათი კონფედერაციის წევრი კელტური ტომი, რომელმაც ჰელვეტებთან ერთად დატოვა სამშობლო ძვ.წ. 58 წელს. ძვ.წ. 44 წელს მათ ტერიტორიაზე დაარსდა რომაული კოლონია *Augusta Raurica*.

რომლებიც ადრეც იყვნენ კეისართან, დაბრუნდნენ და სთხოვეს განცალკევებით მოლაპარაკებოდა მათ პირადულ და საყოველთაო საკითხებზე. როდესაც ნებართვა მიიღეს, თვალცრემლიანები დაემხნენ კეისრის ფეხებთან და განუცხადეს რომ შიშობდნენ ვერ მიეღოთ რაც სურდათ, თუ ნათქვამი გამჟღავნდებოდა, ტანჯვას ვერ გადაურჩებოდნენ. მათი სახელით ედუელმა დივიციაკუსმა ილაპარაკა: მთელი გალია ორ ნაწილად იყოფა, ერთში პირველობა უპყრიათ ედუებს, ხოლო მეორეში არვერნებს⁶⁵. ისინი ერთმანეთს ისე და იმდენ ხანს ებრძოდნენ ძალაუფლებისათვის, რომ მოხდა შემდეგი - არვერნებმა და სეკვანებმა დაიქირავეს გერმანელები.⁶⁶ თავიდან დაახლოებით 15 ათასმა გერმანელმა გადმოლახა რენუსი⁶⁷, მაგრამ მას შემდეგ რაც ამ გაუთლელ ბარბაროსებს მოეწონათ გალიის მიწები, ყოფა-ცხოვრება და სიუხვე, უფრო მეტნი გადმოვიდნენ. ახლა გალიაში 120 ათასამდე გერმანელია. ედუები და მათი ხელქვეითები ბევრჯერ შეებრძოლ-

65 არვერნები (*Arverni*) - ყველაზე ძლევამოსილი ტომი გალებს შორის ძვ.წ. III-II საუკუნეებში, ედუების მთავარი მოწინააღმდეგე გალიის ჰეგემონიისთვის ბრძოლაში. ცხოვრობდნენ გალიის ცენტრალურ ნაწილში (ოვერნის პროვინცია დღევანდელ საფრანგეთში). არვერნების ყველაზე მნიშვნელოვანი ციხესიმაგრე იყო გერგოვია. არვერნებმა გადამწყვეტი როლი შეასრულეს გალიის აჯანყებაში კეისრის წინააღმდეგ ძვ.წ. 52 წელს, რომელსაც სათავეში მათი ბელადი, ვერცინგეტორიქსი ჩაუდგა.

66 გერმანულ ტომთა ეს ტალღა თითქმის მთლიანად სვებთა (სვევთა) ტომისგან შედგებოდა. სვებები ერთგვარ ტომობრივ ფედერაციას ქმნიდნენ, რომელშიც შედიოდნენ ისეთი გერმანული ტომები, როგორებიც იყვნენ კვადები, სემნონები და გერმუნდურები. ძვ.წ. II-I საუკუნეებში მათ დაიკავეს მდინარე ელბას, მაინის, ნეკარისა და ზემო რაინის აუზი, ძვ.წ. 71 წლიდან დაიწყეს შეჭრა გალიაშიც. ტაციტუსი სვებებად მოიხსენიებს ვენედებს, ესტებსა და ბასტარნებსაც. კეისრის „კომენტარები გალიის ომის შესახებ“ პირველი წყაროა, სადაც სვებების შესახებ ცნობებს ვხვდებით.

67 ეს 15 000 მეომარი, რომელთაც მნიშვნელოვანი დახმარება გაუწიეს არვერნებს და სეკვანებს მაგეტობრიგთან ბრძოლაში ედუების დამარცხებაში, სვებთა ტომიდან იყვნენ.



ნენ მათ, მაგრამ დიდი ზარალი განიცადეს, მთელი მაღალი წოდება, სენატი და მხედრობა დაკარგეს. ამ ბრძოლებითა და ზარალით დასუსტდნენ ედუები, რომლებიც ცნობილები იყვნენ თავისი სიმამაცით, რომაელების მიმართ კი პატივისცემითა და მეგობრობით მთელ გალიაში. იძულებულები გახდნენ სეკვანებისათვის მიძევლად მიეცათ უწარჩინებულესი მოქალაქეები და ფიციც დაედოთ, რომ არც მიძევლების დაბრუნებას მოითხოვდნენ, არც რომაელ ხალხს მიმართავდნენ დასახმარებლად, არც წინააღმდეგობის გაწევას ეცდებოდნენ და მუდამ მორჩილებაში იქნებოდნენ. დივიციაკუსი ერთადერთი იყო ედუელთა შორის, რომელსაც ვერც ფიცი დაადებინეს და არც შვილები მიუცია მიძევლად. ამიტომ ის გამოიქცა თავისი ქვეყნიდან და რომში ჩავიდა სენატისათვის დახმარების სათხოვნელად, რამეთუ არც ფიცით იყო შეკრული და არც მიძევლები ჰყავდა მიცემული. მაგრამ დამარცხებულ ედუებზე უარესი ბედი გამარჯვებულ სეკვანებს ეწიათ: გერმანელების მეფე არიოვისტუსმა⁶⁸ შეიერთა მათი მიწების მესამედი, რომელიც მთელს გალიაში საუკეთესო იყო. ახლა კი მეორე მესამედის გათავისუფლებას უბრძანებდა, რადგან რამდენიმე თვის წინ 24 ათასი ჰარუდი⁶⁹ შეუერთდა და მათთვის სამოსახლო ადგილი უნდა გაემზადებინა. რამდენიმე წელიწადში მთელი გალია დაიცილება გალებისაგან და ყველა გერმანელი გადმოლახავს რენუსს. მართლაც შედარება არ შეიძლება გალებისა და გერმანელების მიწების, არც მათი ცხ-

68 არიოვისტუსი (*Ariovistus*) - გერმანელი სვებების მეფე ძვ.წ. I საუკუნეში. ძვ.წ. 59 წელს მიიღო „რომის მოკავშირისა და მეგობრის“ წოდება. მის შესახებ ძირითადი ცნობების წყარო იულიუს კეისრის თხზულებაა.

69 ჰარუდები, ხარუდები (*Harudes*) - გერმანული ტომი, რომელიც პტოლემეაოსის „გეოგრაფიის“ მიხედვით კიმბრთა ნახევარკუნძულის (იუტლანდიის) აღმოსავლეთ სანაპიროზე იყო განსახლებული. მათი სახელის მიხედვით სავარაუდებელია, რომ ჰარუდებს უნდა ეცხოვრათ ნორვეგიის სამხრეთ-დასავლეთ სანაპიროებზე, ჰორდალანდში. კეისრის მიხედვით ჰარუდები იყვნენ სვებთა მეფის არიოვისტუსის მოკავშირეები.

ოვრების წესის. მას შემდეგ რაც გალები ერთხელ მაგეტობრი-გასთან⁷⁰ დაამარცხა, არიოვისტუსი უფრო ქედმაღლურად და სასტიკად მბრძანებლობს, წარჩინებულთა შვილებს მძევლად ითხოვს და მათ სამაგალითოდ მკაცრად სჯის, თუკი რაიმე მისი თანხმობის ან ნება-სურვილის გარეშე გაკეთდება. ის არის ბარბაროსი, ფიცხი და უგუნური ადამიანი. გალებს მისი მბრძანებლობის ატანა აღარ შეუძლიათ. თუ კეისარი და რომაელი ხალხი არ დაეხმარებიან, ისინი იძულებულები იქნებიან ჰელვეტებს მიბაძონ, ესე იგი სამშობლოდან გადასახლდნენ, მოძებნონ სხვა საცხოვრებელი, გერმანელებისაგან შორს მყოფი სხვა დასახლება და გამოსცადონ ყველაფერი, რასაც ბედი არგუნებთ. თუ არიოვისტუსი ამას გაიგებს, ეჭვგარეშეა, უსასტიკესად დასჯის ყველა მძევალს, ვინც ჰყავს. კეისარს შეუძლია თავისი ავტორიტეტით, ან ჯარით, ან ბოლოდროინდელი გამარჯვებით, ან რომელი ხალხის სახელით დააშინოს და აღკვეთოს მრვალრიცხოვან გერმანელთა გადმოსვლა რენუსზე და დაიცვას მთელი გალია არიოვისტუსის ძალმომრეობისაგან.

[32] დივიციაკუსის ამ სიტყვის შემდეგ ყველა დამსწრემ ხმამაღალი გოდებით დაუწყო კეისარს დახმარების თხოვნა. კეისარმა შენიშნა, რომ არ იქცეოდნენ ასე მხოლოდ სეკვანები და მწუხარედ თავჩაქინდრულები მიწას დასცქეროდნენ. გაკვირვებულმა ჰკითხა რა შეიძლებოდა ამის მიზეზი ყოფილიყო. სეკვანებმა არაფერი უპასუხეს, არამედ კვლავ აგრძელებდნენ მდუმარედ წუხილს. როცა შეკითხვის გამეორების მიუხედავად სეკვანებმა ხმა არ ამოიღეს, ისევ ედუელმა დივიციაკუსმა უპასუხა: „სხვებთან შედარებით სეკვანებს

70 ბრძოლა მაგეტობრიგასთან (დღევანდელი ქალაქი ამაჟი, ფრანშ-კონტეს რეგიონში, აღმოსავლეთ საფრანგეთში) ძვ.წ. 63 წელს მოხდა. სეკვანებმა და არვერნებმა, სვებების მეფე არიოვისტუსის დახმარებით დაამარცხეს ედუების ჯარი. ბრძოლაში სავარაუდოდ 15 000-მდე სვები მონაწილეობდა.

ყველაზე შესაბრალისი და მძიმე მდგომარეობა აქვთ, ასე რომ ფარულადაც კი ვერ ითხოვენ დახმარებას, არიოვისტუსის სი-სასტიკის დაუსწრებლადაც ისე ემინიათ, თითქოს მათ წინაშე იდგეს. სხვებს, მიუხედავად დაბრკოლებებისა, მაინც აქვთ საშუალება თავი დააღწიონ არიოვისტუსს, სეკვანებს კი ეს არ შეუძლიათ, რადგან თავის საზღვრებში მიიღეს და ყველა ქალაქი მისი ძალაუფლების ქვეშაა, ამიტომ უწევთ ყოველგვარი ტანჯვის ატანა.”

[33] ამ ამბების მოსმენის შემდეგ, კეისარმა გალები თავისი სიტყვებით გაამხნევა, დაჰპირდა რომ თავად მიხედავდა ყველაფერს. მას დიდი იმედი ჰქონდა, რომ არიოვისტუსისადმი ადრე გაწეული სიკეთისა და თავისი ავტორიტეტის გავლენით, შეძლებდა მისი ძალმომრეობის შეჩერებას. ამ სიტყვების შემდეგ კრება დაითხოვა. ამათ გარდა, სხვა გარემოებებიც აფიქრებინებდა, რომ ხელი მოეკიდა ამ საქმისთვის: პირველ რიგში, ის ხედავდა რომ ედუები, რომლებიც სენატის მიერ სისხლისმიერ ძმებად იწოდებოდნენ, გერმანელებს მონობასა და მორჩილებაში ჰყავდათ. აგრეთვე იცოდა, რომ მათი მძევლები ჰყავდათ არიოვისტუსსა და სეკვანებს. ეს კი, რომაელი ხალხის დიდების ჟამს, სამარცხვინოდ მიაჩნდა თავისთვისაც და სახელმწიფოსთვისაც. ასევე, რომაელთათვის საშიშად მიაჩნდა, რომ გერმანელები თანდათანობით დაეჩვივნენ რენუსის გადმოლახვასა და გალიაში დიდი რაოდენობით სახლდებოდნენ. კეისარი თვლიდა, რომ ეს ველური და მძვინვარე ბარბაროსი ხალხი მთელი გალიის დაპყრობის შემდეგ არ გაჩერდებოდა, არამედ, როგორც ადრე კიმბრები და ტევტონები მოიქცნენ⁷¹, შეიჭრებოდნენ პროვინციაში და იქიდან იტალია-

71 ჩრდილოეთ გერმანიიდან წამოსული კიმბრები და ტევტონები ამბრონებთან ერთად ძვ.წ. 113 წელს გამოჩნდნენ რომის რესპუბლიკის საზღვრებთან. თავდაპირველად ისინი ახალი მიწების ძიებაში იყვნენ და არ გეგმავდნენ იტალიის დალაშქვრას, მაგრამ როდესაც მათი ძლიერებითა და მრავალრიცხოვნობით დამფრთხალმა რომაელებმა თავად სცადეს

ში გადავიდოდნენ. მითუმეტეს, რომ სეკვანებს პროვინციისაგან მხოლოდ მდინარე როდანუსი გამოჰყოფს. [კეისარი] მიიჩნევდა, რომ ეს ყველაფერი დროულად უნდა აღკვეთილიყო. თავად არიოვისტუსიც ისე გაყოყნა და ისეთი მედიდური გახდა, რომ ამის მოთმენა აღარ შეიძლებოდა.

[34] ამგვარად, კეისარმა გადაწყვიტა არიოვისტუსთან ელჩები გაეგზავნა, რათა მისთვის მოეთხოვათ შეხვედრისათვის აერჩია ორივე მხარისაგან თანაბრად დაშორებული ადგილი, რადგან კეისარს სურდა არიოვისტუსთან ერთად განეხილა სახელმწიფოსათვის და მათთვის ორივესათვის უმნიშვნელოვანესი საკითხები. ელჩობას არიოვისტუსმა უპასუხა, რომ რამე საქმე რომ ჰქონოდა კეისართან, თავად მივიდოდა მასთან; ხოლო თუ კეისარს სურს მისგან რაიმე, თვითონ უნდა მოვიდეს არიოვისტუსთან. ამის გარდა, ვერც იმას გაბედავს, რომ ჯარის გარეშე გადავიდეს გალიის იმ ნაწილებში, რომლებიც კეისარს აქვს დაკავებული, და ვერც იმას შეძლებს, რომ ჯარს თავი მოუყაროს დიდი სამზადისისა და ძალების დაძაბვის გარეშე. არიოვისტუსს აოცებს, რა საქმეები აქვთ ან კეისარს ან რომაელ ხალხს მის გალიაში, რომელიც ბრძოლით მოიპოვა.

[35] მისი პასუხი კეისარს მოახსენეს. მან მეორედ გააგზავნა ელჩები შემდეგი შეტყობინებით არიოვისტუსისადმი: რამდენადაც, თვითონ კეისარი და რომაელი ხალხი კეთილგანწყობით ეპყრობოდა და აჯილდოებდა არიოვისტუსს, მას ხომ სწორედ კეისარის კონსულობის დროს მიანიჭა სენატმა მეფისა და რომაელთა მეგობრის ტიტული, არიოვისტუსმა კეისარსა და რომაელ ხალხს მადლობა იმით გადაუხადა, რომ

მათი განადგურება, შეებრძოლნენ მათ და სასტიკად დაამარცხეს რამდენიმე ბრძოლაში. იტალიას გერმანელთა შემოსევის საფრთხე დაემუქრა, მაგრამ საბოლოოდ კონსულმა გაიუს მარიუსმა ძვ.წ. 101 წელს ცალ-ცალკე მოახერხა კიმბრებისა და ტევტონების განადგურება, რისთვისაც მას „რომის მსხნელი“ და „რომის მეორე დამაარსებელი“ უწოდეს.

მოსალაპარაკებლად მისვლაზეც კი უარი განუცხადა და უსარგებლოდ თვლის მნიშვნელოვანი საკითხების განხილვას. ამიტომ კეისარი მისგან მოითხოვს: პირველ რიგში, ალიკვეთოს [გერმანელთა] მასობრივი გადმოსვლა რენუსის გალმიდან გალიაში; შემდეგ მძევლები, რომლებიც ედუებისაგან აიყვანა, უკან დაუბრუნოს და ინებოს, სეკვანებსაც უფლება მისცეს ედუელი მძევლები გაათავისუფლონ; აღარ დაჩაგროს ედუები, აღარ ეომოს მათ და მათ მოკავშირეებს. თუკი არიოვისტი ამ ყველაფერს აღასრულებს, სამუდამოდ შეინარჩუნებს კეისარისა და რომაელი ხალხის კეთილგანწყობასა და მეგობრობას. თუკი ასე არ მოიქცევა, კეისარი უყურადღებოდ არ დატოვებს ედუების გაჭირვებას, რადგან მარკუს მესალასა და მარკუს პიზოს კონსულობის დროს სენატმა დაადგინა, რომ გალიის პროვინციის მმართველმა უნდა დაიცვას ედუები და რომაელი ხალხის სხვა მეგობრები რესპუბლიკის ინტერესების შესაბამისად.

[36] ამაზე არიოვისტუსმა უპასუხა, რომ ომის კანონის თანახმად, გამარჯვებული ისე ექცეოდა დამარცხებულს, როგორც სურდა. არც რომაელები ეპყრობოდნენ დამარცხებულ მტრებს სხვათა კარნახის მიხედვით, არამედ ისე როგორც თავად სურდათ. თუ თვითონ არიოვისტუსი რომაელ ხალხს არ მიუთითებს როგორ მოიქცნენ, მაშინ არც რომაელებმა არ უნდა შეუშალონ ხელი საკუთარი სამართლის აღსრულებაში. ედუები, რომლებმაც ომში ბედი სცადეს და ძლეულ იქნენ იარაღით, მოხარკენი გახდნენ. კეისარმა [არიოვისტუსს] დიდი ზარალი მიაყენა თავისი მოსვლით და შემოსავალი შეუმცირა. არიოვისტუსი ედუებისათვის მძევლების დაბრუნებას არ აპირებს, და არც მათი და მათი მოკავშირეების წინააღმდეგ ბრძოლას არ აპირებს, თუ შეასრულებენ შეთანხმებას და ხარკს წლიურად გადაიხდიან; თუკი ასე არ მოიქცევიან, „რომაელი ხალხის ძმობა“ არაფრად გამოადგებათ. მართალია

კეისარმა განაცხადა, რომ ედუების გასაჭირს უყურადღებოდ არ დატოვებდა, მაგრამ არიოვისტუსს ვინც შეებრძოლა, ვერავინ გადარჩა უვნებელი. თუ სურს, დაე წამოვიდეს საბრძოლველად, მაშინ გაიგებს როგორი მამაცები არიან დაუმარცხებელი გერმანელები, იარაღის ხმარების უბადლო მცოდნეები, რომლებსაც ბოლო 14 წელია ჭერქვეშ არ უცხვრიათ.

[37] ზუსტად იმ დროს, როცა კეისარს ეს პასუხი გადასცეს, ედუებისა და ტრევერების⁷² ელჩები მოვიდნენ. ედუები ჩიოდნენ, რომ ჰარუდები, რომლებიც ახლახან შემოვიდნენ გალიაში, მათ მიწებს აოხრებდნენ, და მიუხედავად მძევლების მიცემისა, არიოვისტუსისაგან მშვიდობის ყიდვა ვერ შეძლეს. ტრევერებმა კი მოახსენეს, რომ სვებების ასი პაგუსი რენუსის პირას განლაგდნენ და მდინარის გადმოლახვას ცდილობენ, ძმების – ნასუასა და კიმბერიუსის წინამძღოლობით. ამ ამბებზე კეისარი დიდად შეშფოთდა, გადაწყვიტა რომ უნდა აჩქარებულიყო, რადგან თუ სვებების ახალი ნაკადი არიოვისტუსის ძველ ძალებს დაემატებოდა, წინააღმდეგობის დაძლევა გართულდებოდა. ამიტომ მან როგორც შეეძლო სწრაფად მოაგვარა სურსათის საქმე და მაშინვე დიდი ძალებით არიოვისტუსისაკენ გაეშურა.

[38] სამი დღის სვლის შემდეგ, კეისარს აცნობეს, რომ არიოვისტუსი მთელი თავისი ძალებით მიიჩქაროდა ვესონტიოს⁷³ დასაპყრობად, რომელიც იყო სეკვანების უდიდესი ქალაქი,

72 ტრევერები (*Treveri*) - ბელგების ერთ-ერთი ტომი. სავარაუდოდ, ტრევერები იყვნენ გერმანული წარმოშობისანი, მაგრამ საუბრობდნენ კელტურ ენაზე. მოსახლეობდნენ მდინარე მოზელის სანაპიროებზე. მოზელზე მდებარეობდა მათი მთავარი ქალაქიც, რომელსაც რომაელებმა *Augusta Treverorum* უწოდეს (შემდგომში ტრირი - *Trier*).

73 ვესონტიო (*Vesontio*) - დღევანდელი ქალაქი ბეზანსონი, აღმოსავლეთ საფრანგეთში, ფრანშ-კონტეს რეგიონში. ძვ.წ. I საუკუნეში იყო სეკვანთა ტომის მთავარი ქალაქი, გარშემორტყმული ხის გალავნით.

და უკვე სამი დღის სავალი გზა ჰქონდა გავლილი თავისი საზღვრებიდან. კეისარი მიიჩნევდა, რომ მთელი ძალისხმევით უნდა დაეცვა ქალაქი, რადგან ყველაფერი რაც ომისათვის იყო გამოსადეგი, მოიპოვებოდა ამ ქალაქში და ადგილიც ბუნებრივად ისეთი დაცული იყო, რომ სამხედრო კამპანიის წარმოების სრულ შესაძლებლობას იძლეოდა. მდინარე დუბისი [ალდუა]⁷⁴ შემოხაზულივით თითქმის მთელ ქალაქს გარს უვლის. დანარჩენ სივრცეს, რომელიც 1600 ნაბიჯზე ფართო არაა, და სადაც მდინარე წყდება, იცავს მაღალი მთა. მისი ძირი მდინარის ორივე ნაპირს ეხება. მთას გარს უვლის კედელი, რომელიც ციხესიმაგრედ აქცევს მას და ქალაქთან აერთებს. სწორედ აქეთ გაეშურა კეისარი მთელი სისწრაფით, არც დღე ჩერდებოდა და არც ღამე, დაიპყრო ქალაქი და შიგთავისი გარნიზონი ჩააყენა.

[39] ვესონტიოში რამდენიმე დღე გაჩერდნენ სურსათისა და პურის მარაგის შესავსებად. ჩვენებმა გამოჰკითხეს გალები და ვაჭრები და მათგან გაიგეს რომ გერმანელები აღნაგობით ბრგეები არიან, დაუჯერებლად მამაცები და იარაღის ხმარებაში განაფულები [გალებმა თქვეს, რომ ბრძოლის დროს ხშირად ვერ უძლებდნენ გერმანელების სახის გამომეტყველებასა და გამჭოლ მზერასაც კი]. მთელი ჯარი უეცარმა შიშმა შეიპყრო და ყველას გონება და სული აუფორიაქა. თავდაპირველად ის გავრცელდა სამხედრო ტრიბუნებს, პრეფექტებს და იმათ შორის, ვინც კეისარს რომიდან გამოჰყვნიენ მეგობრობის გამო, მაგრამ დიდი საბრძოლო გამოცდილება არ ჰქონდათ. ამბობდნენ სხვადასხვა მიზეზს, რომ დაესაბუთებინათ თავისი გამგზავრების საჭიროება. სთხოვდნენ კეისარს, რომ წასვლის ნება დაერთო. ვისაც სირცხვილი შერჩა, რჩებოდნენ, რომ მათ ვაჟკაცობაში ეჭვი არ შეეტანათ. არ

74 დუბისი (*Dubis*) - მდინარე სონას მარცხენა შენაკადი. მიედინება დღევანდელი საფრანგეთისა და შვეიცარიის ტერიტორიაზე.

შეეძლოთ სახის გამომეტყველების შენიღბვა, ზოგჯერ ვერც ცრემლებს იკავებდნენ. კარვებში შემალულები ან თავის ბედზე ჩიოდნენ ან მეგობრებთან ერთად საერთო საშიშროებაზე გოდებდნენ. ყველგან, მთელ ბანაკში ანდერძებს ადგენდნენ. მათი შეშინებული ხმები იმათზეც ახდენდა გავლენას, ვისაც ბანაკებში მსახურობის დიდი საბრძოლო გამოცდილება ჰქონდათ: ჯარისკაცები, ცენტურიონები და მხედრების მეთაურები შეშფოთებულები იყვნენ. ისინი, რომლებსაც არ სურდათ მხდალებად ჩათვალათ, ამბობდნენ თითქოს მტრების კი არ ეშინიათ, არამედ ვინრო გზისა და უღრანი ტყეების, რომლებიც არიოვისტუსსა და მათ შორის მდებარეობდა. ან ამბობდნენ, რომ პურის მომარაგების საკითხი აწუხებთ. ზოგმა კეისარს ისიც კი განუცხადა, რომ თუ იგი ბანაკის აყრასა და გალაშქრებას ბრძანებდა, ჯარისკაცები არ დაემორჩილებოდნენ და შიშით წინ ვერ წავიდოდნენ.

[40] კეისარმა ყურადღება მიაპყრო ამ საკითხს და კრება მოიწვია; იხმო ყველა წოდების ცენტურიონი და მკაცრად უსაყვედურა, უწინარეს ყოვლისა იმის გამო, რომ მეზრძოლების საქმე არ იყო გამოკითხვა და განხილვა სად და რატომ მიჰყავთ. არიოვისტუსი რომაელ ხალხთან მეგობრობას მხურვალედ ესწრაფოდა კეისარის კონსულობის დროს. რატომ ჰგონია ვინმეს, რომ ის უგუნურად აარიდებს თავს ვალდებულებას? თავის მხრივ კეისარი დარწმუნებულია, რომ როდესაც მის მოთხოვნებს გაიცნობს და პირობების სამართლიანობაში დარწმუნდება, არიოვისტუსი უარს ვერ იტყვის რომაელი ხალხისა და კეისარის კეთილგანწყობაზე. მაგრამ თუ სიშმაგისა და სიგიჟისაგან ომს დაიწყებს, ბოლოს და ბოლოს რისი უნდა გვეშინოდეს? საკუთარი სიამამაცის ან კეისარის შესაძლებლობების იმედს რატომ კარგავენ? ჩვენ გამოვცადეთ ეს მტერი ჩვენი მამების დროს, როდესაც გაიუს მარიუსმა კიმბრები და ტევტონები დაამარცხა და ჯარმა თავის წინამძღოლზე არანაკლები ქება დაიმსახურა. შემდგომი გამოცდა იტალიაში მოხდა მონათა აჯანყების დროს, როცა

მათ გამოიყენეს რომაელთაგან გადაღებული დისციპლინა და წვრთნა და წარმატებას მიაღწიეს. აქედან შეგიძლიათ დაასკვნათ, თუ რა სარგებლობა აქვს სიმტკიცეს. თუმცა დიდხანს უმიზეზოდ ემინოდათ მათი, მაშინაც კი როცა ცუდად შეიარაღებულები იყვნენ, საბოლოოდ რომაელებმა მაინც დაიმორჩილეს. და ბოლოს, ესენი სწორედ ის გერმანელები არიან, რომლებსაც ჰელვეტები ხშირად შებრძოლებიან და დაუმარცხებიათ არა მხოლოდ ჰელვეტიაში, არამედ მათ საკუთარ მიწაზე - გერმანიაშიც. ჰელვეტებს კი ჩვენს არმიასთან გატოლებაც არ შეუძლიათ. თუკი ვინმე იმიტომ ღელავს, რომ გალები დამარცხდნენ და უკან დაიხიეს, თუ დაფიქრდება მიხვდება, რომ გალები დაღლილები იყვნენ არიოვისტუსთან ხანგრძლივი ომისაგან, არიოვისტუსი კი მრავალი თვე ჭაობებში განლაგებულ თავის ბანაკში რჩებოდა, არ აძლევდა შებრძოლების საშუალებას და როდესაც გალებს უკვე გადაეწურათ ბრძოლის იმედი და მიმოიფანტნენ, მოულოდნელად დაესხა თავს და გამარჯვება მოიპოვა არა ვაჟკაცობით, არამედ უფრო ცბიერებით. ასეთი ხერხები ველური და უცოდინარი ხალხის წინააღმდეგ მომგებიანი იყო, მაგრამ თავად არიოვისტუსსაც არ აქვს იმედი, რომ ჩვენი არმიის ამგვარადვე გამოჭერას შესძლებს.

ისინი, ვინც თავიანთ შიშს თვალთმაქცურად მიაწერენ პურის მომარაგებაზე ან ვიწრო გასასვლელებზე შფოთვის, თავხედურად იქცევიან, რადგან ან ეჭვი შეაქვთ მთავარსარდლის მიერ თავისი მოვალეობის აღსრულებაში, ან სურთ უკარნახონ მას როგორ მოიქცეს.

ყველა ეს საზრუნავი კეისრის საქმეა. პურით სეკვანეზი, ლეუკები (ლეკები)⁷⁵, და ლინგონები ამარაგე-

⁷⁵ ლეუკები (*Leuci*) - გალური ტომი, რომელიც მოსახლეობდა ლოთარინგიაში (ლორენში). სტრაბონის მიხედვით, ლეუკები, ლინგონთა ნაწილთან ერთად ცხოვრობდნენ მედიომატრიკების (*Mediomatrici*) ბელგური ტომის ჩრდილოეთით (მედიომატრიკთა დედაქალაქი იყო მეცი). რომაულ პერიოდში ლეუკების ტერიტორიაზე ორი ძირითადი დასახლება არსებობდა - ტულუმი (ტული) და ნასიუმი (ალნიშნულია კლავდიუს პტოლემეაიოსთან).

ბენ, და ხორბალი უკვე მინდვრებშიც დამწიფდა. გზის შესახებ კი მალევე თვითონ გაიგებენ. ცნობა, თითქოს ჯარისკაცები არ დაემორჩილებიან ბრძანებებს და არც წინ წავლენ, კეისარს ოდნავადაც არ აღელვებს: მან იცის, რომ სარდალს არ ემორჩილებიან ჯარისკაცები, თუ მას თავისი უფიცობისაგან იღბალი არ სწყალობს, ან რამე დანაშაული გამოუმჟღავნდება, სიხარბეში დასდებენ ბრალს. კეისარის უდანაშაულობა დადასტურებულია მისი ცხოვრებით, იღბლიანობა კი ჰელვეტებზე გამარჯვებით. ამგვარად, მან გადაწყვიტა აღასრულოს ახლაც ის, რის გაკეთებასაც მოგვიანებით აპირებდა. ღამით, მეოთხე დარაჯობისას ბანაკის აყრას აპირებს, რათა მალევე დარწმუნდნენ, ღირსება და მოვალეობის გრძნობა უფრო ჭარბობს მათში თუ სიმხდალე. მაშინაც კი, თუ არავინ გაჰყვება, წავა მხოლოდ მეთათე ლეგიონით⁷⁶, რომლის ერთგულებაშიც ეჭვი არ ეპარება, ის იქნება

76 მეთათე ლეგიონი (*Legio X Equestris* - X „ამხედრებული« ლეგიონი) - იულიუს კეისარის მიერ ძვ.წ. 61 წელს ჩამოყალიბებული სამხედრო შენაერთი. მეთათე ლეგიონი იყო პირველი, კეისარის ლეგიონებს შორის და გამოირჩეოდა მეთაურისადმი განსაკუთრებული ერთგულებით. გალიის ომის დროს, ლეგიონს ხშირად უწევდა ცხენოსანი ჯარის მოვალეობის შესრულება, რადგან კეისარის კავალერია უმთავრესად ნაკლებად სანდო გალი მხედრებისგან შედგებოდა. ამის გამო X ლეგიონს *Equestris* - „ამხედრებული« უწოდეს. X ლეგიონმა მონაწილეობა მიიღო გალიის ომებში, შემდეგ კი მარკუს კრასუსმა პართიაზე სალაშქროდ წაიყვანა (ძვ.წ. 53 წ.). კარეს ბრძოლაში რომაელები დამარცხდნენ, მეთათე ლეგიონმა დიდი დანაკარგები განიცადა და დაკარგა ლეგიონის ოქროს არწივი, რაც სამარცხვინოდ ითვლებოდა (შემდგომში რომაელებმა მოახერხეს დაკარგული ოქროს არწივების დაბრუნება). ძვ.წ. 45 წელს X ლეგიონი დაშალეს, ვეტერანები კი დაასახლეს ნარბონის პროვინციაში. ძვ.წ. 44-43 წლებში, კეისარის სიკვდილის შემდეგ, მარკუს ემილიუს ლეპიდუსის მიერ აღდგენილმა X ლეგიონმა იბრძოლა ფილიპისთან ბრძოლაში (ძვ.წ. 42 წ.) მარკუს ანტონიუსისა და ოქტავიანეს მხარეს, გაიუს კასიუსისა და მარკუს ბრუტუსის ჯარების წინააღმდეგ. ომის დასრულებისას ლეგიონის ვეტერანებმა მიწები მიიღეს კრემონაში. X ლეგიონი მონაწილეობდა მარკუს ანტონიუსის პართიულ ომშიც (ძვ.წ. 40-33 წლები) და სამოქალაქო ომში ოქტავიანესა და ანტონიუსს შორის. აქციუმის ბრძოლაში (ძვ.წ. 31 წ.) ლეგიონი იბრძო-

მისი პრეტორიანული კოჰორტა.⁷⁷ კეისარი განსაკუთრებულ კეთილგანწყობას გამოხატავდა ამ ლეგიონის მიმართ და დიდად ენდობოდა სიმამაცის გამო.

[41]კეისარის ამ მიმართვამ გასაოცრად შეცვალა ყველა მეზობლის განწყობა, უდიდესი მხნეობა და საომარი შემართება გამოიწვია. უპირველესად მეათე ლეგიონმა სახმედრო ტრიბუნების პირით მადლობა უძღვნა საუკეთესო შეხედულების გამო, რაც ამ ლეგიონის შესახებ ჰქონდა ჩამოყალიბებული და დაადასტურა სრული მზადყოფნა ბრძოლისათვის. შემდეგ დანარჩენმა ლეგიონებმაც მიაგზავნეს სამხედრო ტრიბუნები და პირველი რანგის ცენტურიონები, რათა შესაფერისი განმარტება მოეხსენებინათ კეისარისათვის, რომ ისინი არც ყოყმანობდნენ და არც ეშინოდათ, ბრძოლის გეგმის განსაზღვრას თავიანთ საქმედ არ მიიჩნევდნენ, არამედ მხედართმთავარს მიანდობდნენ. მათი ბოდიში შეწყნარებულ იქნა და საუკეთესო გზა აირჩიეს დივიციაკუსის დახმარებით, რომელსაც კეისარი გალებს შორის ყველაზე მეტად ენდობოდა. ეს გზა ფართო იყო და ჯარს გაშლილ ადგილას გაიყვანდა, მაგრამ 50 მილის შემოვლა მოუწევდათ. როგორც კეისარმა თქვა, მეოთხე დარაჯობის დროს გზას გაუდგნენ. მეშვიდე დღეს, შეუწყვეტელი სვლის შემდეგ, მზვერავებმა შეატყობინეს, რომ არიოვისტუსის ჯარი ჩვენი ჯარისგან 24 მილზე იმყოფებოდა.

[42]როცა არიოვისტუსმა შეიტყო კეისარის მოახლოება, ელჩე-

და ანტონიუსის მხარეს, დამარცხების შემდეგ კი გადავიდა ოქტავიანეს არმიის რიგებში. ვეტერანები დაასახლეს საბერძნეთში, ქალაქ პატრის მიმდებარე მიწებზე. ოქტავიანემ ბრძანა მისი დაშლა და შექმნა ახალი X ლეგიონი - *Legio X Gemina* („ტყუპები“).

⁷⁷ პრეტორიანული კოჰორტა - რაზმი, რომელიც მხედართმთავრის დაცვაზე აგებდა პასუხს. იმპერიის პერიოდში გარდაიქმნა მრავალრიცხოვან სამხედრო შენაერთად - პრეტორიანულ გვარდიად და წარმოადგენდა ცალკეულ ნაწილს, რომელიც არც ერთ ლეგიონს არ ეკუთვნოდა და პირადად იმპერატორს ემსახურებოდა.

ბი გაუგზავნა. მათ განაცხადეს: ადრე კეისარი მოითხოვდა მოლაპარაკებას, ახლა არიოვისტუსი მზადაა შეხვდეს, რადგან კეისარი თავად მიუახლოვდა და საფრთხე აღარ არსებობს. კეისარმა არ უარყო წინადადება და ჩათვალა, რომ არიოვისტუსი გონს მოეგო, რადგან ახლა თავად სთავაზოდა იმ წინადადებას, რაზეც ადრე უარი თქვა. დიდი იმედი მიეცა, რომ გერმანელთა ბელადი გაითვალისწინებდა რომაელი ხალხისა და კეისრის მიერ ნაბოძებ სიკეთეს, აწონ-დანონიდა კეისრის მოთხოვნებს და შეწყვეტდა ურჩობას. მოლაპარაკების დღედ დათქვეს ამ დღიდან მეხუთე. ამ დროის განმავლობაში მათ შორის ხშირად იგზავნებოდა ელჩები; არიოვისტუსი მოითხოვდა, რომ კეისარს მოლაპარაკებაზე თან არ წაეყვანა ქვეითი ჯარი, რადგან ეშინოდა რომ ვერაგულად მახეში მოაქცევდა. ორივე ცხენოსანი ჯარის თანხლებით უნდა მისულიყო, სხვა შემთხვევაში არიოვისტუსი საერთოდ არ მივიდოდა. კეისარს არ სურდა მოლაპარაკება ჩაშლილიყო რაიმე მიზეზით, მაგრამ ვერც იმას ბედავდა, რომ თავისი პირადი უსაფრთხოება გალების კავალერიისთვის მიენდო. ყველაზე ხელსაყრელად მიიჩნია, ყველა გალი მხედარი ჩამოექვეითებინა და ცხენებზე მეათე ლეგიონის ჯარისკაცები აემხედრებინა, რომელთაც მეტად ენდობოდა. ამგვარად, ყველაზე საიმედო დაცვა ეყოლებოდა, თუ რამე მოხდებოდა. როდესაც ეს აღსრულდა, მეათე ლეგიონის ერთმა ჯარისკაცმა მახვილგონივრულად თქვა, რომ კეისარმა უფრო მეტი გააკეთა, ვიდრე დაჰპირდა. პირობისამებრ, მეათე ლეგიონი უნდა გამხდარიყო პრეტორიანელთა გვარდია, მან კი მხედრებად გადააქციაო.⁷⁸

[43] დიდ ვაკეზე იყო საკმაოდ მოზრდილი მინაყრილი. ეს ადგილი თითქმის თანაბარი მანძილით იყო დაშორებული არიოვისტუსისა და კეისრის ბანაკებისგან. იქ, შეთანხმებისამებრ,

78 მხედრებს (*Equites*) რომაულ საზოგადოებაში და სამხედრო სისტემაში მეტი პრივილეგიები გააჩნდათ, ვიდრე ქვეითებს.

მოსალაპარაკებლად მივიდნენ. კეისარმა ლეგიონი, რომელიც ამხედრებული მოიყვანა, იმ მიწაყრილიდან 200 ნაბიჯში განალაგა. არიოვისტუსის ცხენოსნებიც იგივე მანძილზე გაჩერდნენ. არიოვისტუსმა მოითხოვა, რომ მოლაპარაკება ეწარმოებინათ ამხედრებულებს და თითოეულს თავის გარდა 10 კაცი ხლებოდა. როდესაც მივიდნენ, კეისარმა საუბრის დაწყებისას არიოვისტუსს შეახსენა ყველა ის სარგებელი, რაც მან და სენატმა მიანიჭეს; შეახსენა, რომ სენატის მიერ მეფედ და მეგობრად იწოდებოდა, რომ გულუხვად უგზავნიდნენ საჩუქრებს; აღნიშნა, რომ ასეთი პატივი ცოტას ხვდება წილად და ჩვეულებრივ დიდი დამსახურების გამო მიენიჭებათ. თუმცა არც დამსახურება ჰქონია და არც კანონიერი საფუძველი, არიოვისტუსმა მიიღო მრავალი პატივი და ძღვენი სენატისა და კეისრის გულუხვობის წყალობით. აღნიშნა აგრეთვე, თუ როგორი ძველი და კანონით განმტკიცებული იყო მეგობრობა რომაელებსა და ედუებს შორის. რამდენჯერ გამოუცია სენატს ედუებისადმი პატივისცემით გაჯერებული დადგენილებები, ედუებს ხომ ყოველთვის ეპყრათ მთელი გალიის წინამძღოლობა, მანამდეც კი, სანამ ჩვენთან მეგობრობას მოიწადინებდნენ. რომაელ ხალხს ასეთი წესი აქვს, რომ მოკავშირეებმა და მეგობრებმა არათუ საკუთარი არაფერი დაკარგონ, არამედ კეთილდღეობა, ღირსება და პატივი მოიმატონ. და მართლაც, ვინ მოითმენს, რომ ისიც წაართვან, რაც რომაელ ხალხთან მეგობრობამდე ჰქონდა? შემდეგ კეისარმა მოითხოვა ის, რაც ადრე არიოვისტუსს ელჩების საშუალებით მოსთხოვა: არც ედუები და არც მათ მოკავშირეები არ დაელაშქრა; დაებრუნებინა მძევლები; თუ გერმანელების არც ერთი ნაწილის უკან დაბრუნება არ შეეძლო, ის მაინც აღეკვეთა, რომ დანარჩენებს ველარ გადმოელახათ რენუსი.

[44] არიოვისტუსმა კეისრის მოთხოვნებს მოკლედ უპასუხა,

საკუთარ ღირსებებზე კი ვრცლად ილაპარაკა: რენუსი თავისი სურვილით კი არ გადმოლახა, არამედ გალების თხოვნითა და მოწვევით; სახლი და ნათესაობა დატოვა დიდი მოგების იმედით; დასახლებები, რომლებიც გალიაში დაიპყრო, თავად დაუთმეს, და მძევლებიც თავად მისცეს; ხარკი ომის წესის თანახმად დაუნესა, როგორც გამარჯვებულები უნესებენ დამარცხებულებს. ის კი არ ეომებოდა გალებს, არამედ ისინი მას; გალების ყველა ტომი გამოვიდა და მის წინააღმდეგ ბანაკი დასცა; მაგრამ მათი მთელი ძალები არიოვისტუსმა ერთ ბრძოლაში გაანადგურა. თუ მათ სურთ კიდევ სცადონ ბედი, ის მზადაა ისევ შეებრძოლოს; ხოლო თუ მშვიდობა სურთ, უმართებულო იქნება უარი თქვან ხარკზე, რომელსაც აქამდე თავისი ნებით იხდიდნენ. რომაელ ხალხთან მეგობრობა მას სამშვენისად და დაცვად უნდა გამოადგეს, და არა საზიანოდ, და ის ამ იმედით მიისწრაფოდა მეგობრობისკენ. თუ რომაელი ხალხის მეშვეობით ხარკი შეუწყდება და დამორჩილებულები ჩამოერთმევა, რომაელი ხალხის მეგობრობას ისეთივე ხალისით უარყოფს, როგორც მიელტვოდა. გერმანელთა სიმრავლე, რომელიც გადმოჰყავს გალიაში, სჭირდება თავდასაცავად და არა გალებზე თავდასასხმელად; და ამის დასტური ისაა, რომ თხოვნის გამო მოვიდა და თავდაცვით ომს აწარმოებს. ის რომაელებზე ადრე მივიდა გალიაში. აქამდე რომაელები არასდროს არ გასცილებიან გალიის პროვინციის საზღვრებს. რა სურს კეისარს? რატომ იჭრება მის სამფლობელოში? გალიის ეს ნაწილი მისია, როგორც მეორე ნაწილი - რომაელების. როგორც არიოვისტუსს არ ეგების შეიჭრას რომაელთა ტერიტორიაზე, ასევე რომაელებისგან უსამართლობაა ჩაერიონ მის უფლებებში. კეისარმა თქვა, რომ ედუები „ძმებად“ არიან წოდებულნი სენატის მიერ, არიოვისტუსი არც ისეთი ბარბაროსი და უვიცია, რომ არ იცოდეს - ბოლო კამპანიაში ალობროგების წინააღმდეგ ედუები არ დახმარებიან რომაელებს, არც რომაელები დახმარებიან ედუებს გერმანელებთან და სეკვანებთან ომში. არიოვისტუსი იძულებულია



იეჭვოს, რომ მეგობრობა მოჩვენებითია და ჯარი, რომელიც კეისარს გალიაში ჰყავს, მის გასანადგურებლად სჭირდება. ამიტომ, თუ კეისარი არ გაეცლება და არ გაიყვანს ჯარს მისი რეგიონებიდან, არიოვისტუსი მას მეგობრად კი არა, მტრად მიიღებს. და თუ ის კეისარს მოკლავს, გაახარებს ბევრ წარჩინებულ და მმართველ რომაელს⁷⁹ [ეს თვით მათი ელჩებისაგან შეიტყო], და მოიპოვებს მათ წყალობასა და მეგობრობას. მაგრამ თუ კეისარი გაეცლება და დაუტოვებს გალიას თავის ნებაზე სამართავად, ის თავის მხრივ დიდად გადაუხდის და ომებს, რომლებსაც კეისარი წამოიწყებს, არიოვისტუსი დაასრულებს კეისრის მხრიდან გარჯისა და დანაკარგის გარეშე. [45] კეისარმა ბევრი ილაპარაკა, თუ რატომ არ შეეძლო ამ საქმეზე ხელის აღება: არც მას, და არც რომაელ ხალხს წესად არ აქვთ ღირსეული მოკავშირის მიტოვება, არც ის მიაჩნია მართებულად, რომ გალია არიოვისტუსს უფრო ეკუთვნის, ვიდრე რომაელ ხალხს. კვინტუს ფაბიუს მაქსიმუსმა⁸⁰ ბრძოლაში დაამარცხა არვერნები და რუტენები⁸¹, მაგრამ რომაელმა ხალხმა აპატია მათ: არც პროვინციად აქცია და არც ხარკი დაუწესა. თუ უპირატესობას დროის სიძველის მიხედ-

79 ამ დროისთვის კეისარს რომში ბევრი მოწინააღმდეგე ჰყავდა. იგი „პოპულარების“ პარტიის ლიდერი იყო. ამავედროულად მონანილეობდა „ტრიუმვირატში“ (სამთა კავშირში) გნეუს პომპეუსთან და მარკუს ლიკინიუს კრასუსთან ერთად. სენატის წევრების ის ნაწილი, რომელიც ცალკეული პიროვნებების ხელში ძალაუფლების თავმოყრას უპირისპირდებოდნენ და სენატის მომხრენი იყვნენ, ძირითადად არისტოკრატი „ოპტიმატები« (მათ შორის მარკუს პორციუს კატონ უმცროსი და კვინტუს ცეცილიუს მეტელუს პიუს სციპიონ ნაზიკა), მოხარულები იქნებოდნენ მათი უძლიერესი მტრის - იულიუს კეისრის სიკვდილით.

80 კვინტუს ფაბიუს მაქსიმუს „ალობროგიკუსი“ (*Allobrogicus*) - რომის კონსული ძვ.წ. 121 წელს. ტრანსალპიურ გალიაში, პროკონსულ გნეუს დომიციუს აჰენორბარბუსთან ერთად, დაამარცხა ალობროგები და მათი მოკავშირეები რუტენები და არვერნები.

81 რუტენები (*rut(h)ēni*)- კელტური ტომი, რომელიც სამხრეთ საფრანგეთში მოსახლეობდა, დღევანდელი ქალაქის როდეზის მიდამოებში, რომელსაც რომის იმპერიის დროს *Segodonum* და *Civitas Rutenorum* ეწოდებოდა.

ვით მივანიჭებთ, მაშინ რომელი ხალხის ძალაუფლება უფრო კანონიერია. სენატის გადაწყვეტილებას თუ მხედველობაში მივიღებთ, გალია თავისუფალი უნდა იყოს, თუმცა ომში დამარცხდა – თავისი კანონებით მმართველობის უფლება შეუნარჩუნდა.

[46] მოლაპარაკების მსვლელობისას კეისარს აცნობეს, რომ არიოვისტუსის ცხენოსნები უახლოვდებოდნენ მიწაყრილს. ჩვენებისკენ მოაჭენებდნენ და ქვებსა და შუბებს უშენდნენ. კეისარმა შეწყვიტა მოლაპარაკება, მივიდა თავისიანებთან და უბრძანა, რომ არც ერთი შუბი არ ესროლათ მტრის საპასუხოდ. თუმცა ხედავდა, რომ რჩეული ლეგიონისათვის არიოვისტუსის ცხენოსნებთან შეტაკება არავითარ საფრთხეს არ წარმოადგენდა, მაინც არ ჩათვალა სასარგებლოდ მტრის განადგურება, რათა არ ეთქვათ თითქოს მოლაპარაკების დროს შემოარტყა ალყა გერმანელებს. მალე რიგითმა ჯარისკაცებმა გაიგეს, არიოვისტუსმა მოლაპარაკებაზე როგორ მედიდურად აუკრძალა რომაელებს გალიაში ყოფნა, როგორ შეუტიეს მისმა ცხენოსნებმა ჩვენს ჯარს და ამის გამო როგორ შეწყდა მოლაპარაკება, ამან მათი საბრძოლო სულისკვეთება აამაღლა და გაააღმასა.

[47] ორი დღის შემდეგ არიოვისტუსმა კეისარს ელჩები გაუგზავნა. სურდა გაეგრძელებინათ საუბარი, რომლის დასრულებაც ვერ მოახერხეს. ან მეორედ დაენიშნა მოლაპარაკების დღე, ან თუ ეს არ სურდა, ვინმე გაეგზავნა ელჩად. კეისარი ფიქრობდა, რომ მოლაპარაკების საფუძველი აღარ არსებობდა, მითუმეტეს, რომ წინა დღეს შეტევაზე გადმოსული გერმანელები, რომლებიც ჩვენებს შუბებს უშენდნენ, ვერ შეაჩერეს. ასევე, სახიფათოდ მიაჩნდა თავისი ელჩის გაგზავნა და მისი ველური ადამიანების ხელში ჩაგდება. ყველაზე მიზანშეწონილად მიიჩნია გაიუს ვალერიუს პროკილუსის – გაიუს ვალერიუს კაბურუსის ვაჟის გაგზავნა. ის იყო ძალიან

მამაცი და ზრდილი ახალგაზრდა. [მამამისმა მოქალაქეობა მიიღო გაიუს ვალერიუს ფლაკუსისაგან⁸²]. კეისარმა ის აირჩია ნდობისა და გალური ენის ცოდნის გამო, [რომელიც არიოვისტუსმაც კარგად იცოდა ხანგრძლივი გამოცდილების წყალობით.] და აგრეთვე იმიტომ, რომ გერმანელებს არ ჰქონდათ მისი შეურაცხყოფის მიზეზი. მასთან ერთად აირჩია მარკუს მეტიუსი⁸³, რომელიც სტუმრად იყო არიოვისტუსთან ნამყოფი. კეისარმა მათ დაავალა, რომ გამოერკვიათ არიოვისტუსის აზრები და მისთვის მოეტანათ. როდესაც ისინი არიოვისტუსმა თავის ბანაკში დაინახა, თავისი ჯარის წინაშე ხმამაღლა დაუყვირა: რისთვის მოვიდნენ ისინი? სათვალთვალოდ? როდესაც სცადეს დალაპარაკებოდნენ, შეანყევტინა და ბორკილები დაადო.

[48] იმავე დღეს არიოვისტუსმა ჯარი დაძრა და ბანაკი დასცა მთის ქვეშ, კეისარისგან 6 მილის დაშორებით. მეორე დღეს თავისი ჯარი კეისარის ბანაკის წინ ჩაატარა და მათ ზურგში ორი მილის მოშორებით დაბანაკდა, რათა გადაეკეტა პური-თა და სურსათით მომარაგების გზა, რომელიც სეკვანებისა და ედუებისგან მოდიოდა. 5 დღის განმავლობაში კეისარს ჯარი ბანაკის წინ გამოჰყავდა და საბრძოლო მწყობრში ამყოფებდა, რადგან არიოვისტუსს ბრძოლა თუ მოუხდებოდა, შესაძლებლობას ხელიდან არ გაეშვა. არიოვისტუსი კი მთელი ეს დრო ბანაკში იყო, მაგრამ ყოველდღიურად უტევდა ცხენოსანი ჯარით. ასეთი სახის ბრძოლებში გერმანელები დახელოვნებული იყვნენ: ცხენოსანი იყო 6 ათასი, ამდენივე - უსწრაფესი და უმამაცესი ქვეითი, თითოეულ ცხენოსანს არჩეული ჰყავდა თითო ქვეითი პირადი დაცვისათვის. ისინი

82 გაიუს ვალერიუს ფლაკუსი - რომის კონსული ძვ.წ. 93 წელს. ტრანსალპიურ გალიაში პრეტორობის დროს რომის მოქალაქეობა მიანიჭა ბევრ წარჩინებულ გალს, მათ შორის ჰელვეტ კაბურიუსს.

83 მარკუს მეტიუსი - კეისარის ერთ-ერთი ერთგული თანამებრძოლი ყველა მის ომში და დიქტატურის დროს. ძვ.წ. 44 წელს იგი სათავეში ჩაუდგა მონეტის მოჭრის საქმეს რომში.

ერთად იბრძოდნენ. თუ ვითარება გართულდებოდა, ცხენოსნები უკან დაიხევდნენ და ქვეითები ბრძოლაში ებმებოდნენ; თუ მძიმედ დაჭრილი მხედარი ცხენიდან ჩამოვარდებოდა, ფეხოსნები გარს შემოეხვეოდნენ. თუ წინ გაჭრა იყო საჭირო ან უფრო სწრაფი უკან დახევა, ისინი ისე კარგად იყვნენ განვრთნილი, რომ შეეძლოთ ჩასჭიდებოდნენ ფაფარს და მხედრებს სირბილით გაჰყოლოდნენ.

[49] როდესაც კეისარი მიხვდა, რომ არიოვისტუსი თავის ბანაკს არ დატოვებდა, სურსათით მომარაგების შეწყვეტა რომ აეცილებინა თავიდან, აირჩია დასაბანაკებლად მოსახერხებელი ადგილი, გერმანელების ბანაკის გადაღმა 600 ნაბიჯით⁸⁴ დაშორებული და იქით გაემართა სამ რიგად დანყობილი ჯარით. პირველ და მეორე რიგს ებრძანა საბრძოლო მზადყოფნა, მესამეს კი ბანაკის გამაგრება. ეს ადგილი, როგორც ითქვა, მტრისგან 600 ნაბიჯით იყო დაშორებული. არიოვისტუსმა დაახლოებით 16 ათასი მსუბუქად აღჭურვილი ქვეითი ცხენოსნებთან ერთად გამოგზავნა, რათა შეეშინებინათ ჩვენები და სანგრების გამაგრებისთვის ხელი შეეშალათ. კეისარმა ოდნავადაც არ შეცვალა გადაწყვეტილება: ორ რიგს მტრის მოგერიება, მესამეს კი საქმის დასრულება უბრძანა. როდესაც სანგრები აიგო, იქ ორი ლეგიონი და დამხმარეთა ნაწილი დატოვა, დანარჩენი ოთხი კი მთავარ ბანაკში წაიყვანა.

[50] მეორე დღეს კეისარმა თავისი ჩვეულების მიხედვით ჯარი გამოიყვანა ორივე ბანაკიდან, წინ წასწია მთავარი ბანაკისგან, შექმნა საბრძოლო მწყობრი და მტერს ბრძოლის გამართვის შესაძლებლობა მისცა. როდესაც შენიშნა, რომ ისინი არ გამოდიან, დაახლოებით შუადღისას ჯარი ბანაკებში დააბრუნა. ბოლოს არიოვისტუსმა თავისი ჯარის ნაწილი პატარა ბანაკზე თავდასასხმელად გაგზავნა. ორივე მხარე სასტიკად და შეუსვენებლად იბრძოდა საღამომდე. მზის ჩასვლისას, ბევრი დაჭრილის და დიდი დანაკარგის შემდეგ, არიოვისტუს-

84 რომაული ნაბიჯი (*Passus*) არის ხუთი რომაული ფუტი ანუ 1,48 მეტრი.

მა ჯარი ბანაკში დააბრუნა. ტყვეების გამოკითხვით კეისარმა გამოარკვია თუ რატომ არიდებდა თავს არიოვისტუსი გადამწყვეტ ბრძოლას: გერმანელებში იყო წესი, რომლის თანახმადაც ოჯახის დედები მისნობითა და წინასწარმეტყველებით აცხადებდნენ ბრძოლაში ჩაბმა ხელსაყრელი იქნებოდა თუ არა. მათ ასე უთქვამთ: ღმერთების ნებით, გერმანელები ვერ გაიმარჯვებენ, თუ ბრძოლას ახალ მთვარემდე დაიწყებენო.

[51] მომდევნო დღეს კეისარმა ორივე ბანაკში დატოვა გარნიზონი, რამდენიც დაცვისათვის საკმარისად ჩათვალა; მთელი დამხმარე რაზმები მომცრო ბანაკის წინ განალაგა, მტერს რომ დაენახა. ეს ძალების წარმოჩენის განზრახვით გააკეთა, რადგან რაოდენობით ლეგიონერები გერმანელებზე ნაკლებნი იყვნენ. თვითონ სამ რიგად დაწყობილი ჯარით მტრის ბანაკთან მივიდა. მაშინ, ბოლოს და ბოლოს, გერმანელები იძულებული გახდნენ გამოეყვანათ ჯარი ბანაკიდან და ისე განლაგდნენ, რომ თანაბარი შუალედები იყო ტომებს შორის. ეს ტომები იყვნენ: ჰარუდები, მარკომანები, ტრიბოკები, ვანგიონები, ნემეტები, სედუსიები, სვებები.⁸⁵ ყველა მწყობრი გარშემო ბარგით და ურმებით ჩახერგეს, რომ გაქცევის საშუალება მოესპოთ. მათზე თავისი ქალები მოათავსეს, რომლებიც ომში მიმავალ მეომრებს ტირილით და ხელაპყრობით სთხოვდნენ, რომაელთა მონობაში არ ჩაეგდოთ.

[52] კეისარმა თითოეულ ლეგიონს თითო ლეგატი და კვესტორი უწინამძღვრა, რათა მეომრებს მათი ვაჟკაცობის მოწმე ჰყოლოდათ. თავად მარჯვენა ფრთაზე დაიწყო ბრძოლა, რადგან შეამჩნია რომ ეს იყო მტრის ყველაზე სუსტი ადგილი. ჩვენებმა ნიშნის მიცემისთანავე ისე მძვინვარედ შეუტიეს

85 ჰარუდები, მარკომანები, ტრიბოკები, ვანგიონები, ნემეტები, სედუსიები - გერმანული ტომები, რომელთაგან ზოგიერთი ამ დროისთვის სვებთა კონფედერაციაში შედიოდა, ზოგი კი არიოვისტუსის მხარეს იბრძოდა გალიაში.

მტერს და მტერიც ისე უეცრად და სწრაფად ეკვეთა, რომ ჩვენებს დრო არ მიეცათ შუბების სატყორცნად. შუბები დაყარეს და ხმლებით ბრძოლა დაიწყო. მაგრამ გერმანელებმა თავისი ჩვეულებისამებრ სწრაფად შექმნეს ფალანგა⁸⁶ და ჩვენი ხმლების შეტევას დაუხვდნენ. ჩვენს ჯარში ბევრი მოიძებნა ისეთი, რომლებიც ასკდებოდნენ ფალანგას, ხელებიდან აგლეჯდნენ ფარებს და ზემოდან ჭრიდნენ მოწინააღმდეგეს. მტრის მარცხენა ფრთა დაამარცხეს და გააქციეს, მაგრამ მარჯვენა ფრთაზე გერმანელების დიდმა რაოდენობამ შეავიწროვა ჩვენი რიგები. ეს შეამჩნია ახალგაზრდა პუბლიუს კრასუსმა⁸⁷, რომელიც ცხენოსან ჯარს მეთაურობდა და რადგანაც უფრო თავისუფლად შეეძლო მოძრაობა, ვიდრე იმათ ვინც ბრძოლაში იყო ჩართული, მესამე რიგი გაგზავნა ჩვენი გაჭირვებული მეზობლების დასახმარებლად.

[53] ამგვარად, ბრძოლა განახლდა, მთელი მოწინააღმდეგე მიბრუნდა და გაიქცა: იქამდე არ შეუწყვეტიათ სირბილი, სანამ არ მიაღწიეს მდინარე რენუსს, ამ ადგილიდან 5 მილით დაშორებულს. აქ ძალიან ცოტამ, თავისი ძალის იმედად მყოფებმა, მდინარის გადაცურვა მოახერხეს, ზოგმა კი ნავი იპოვა და იმით უშველა თავს. მათ შორის იყო არიოვისტუსი, რომელმაც ნაპირზე მიბმული კარჭაპი იპოვა და იმით გააღწია. ყველა დანარჩენს ჩვენი ცხენოსნები დაენივნენ და დახოცეს. არიოვისტუსს ორი ცოლი ჰყავდა, ერთი - ეროვნებით სეები, რომელიც მან თან წამოიყვანა შინიდან, მეორე კი - ნორიკე-

86 გერმანელები ბრძოლისას მჭიდრო რიგებად იბრძოდნენ და ერთგვარ ფარების კედელს ქმნიდნენ.

87 პუბლიუს ლიკინიუს კრასუსი - მარკუს ლიკინიუს კრასუსის, პირველი ტრიუმვირატის წევრის ძე. პუბლიუს კრასუსმა თავი გამოიჩინა კეისრის გალურ კამპანიაში, განსაკუთრებით არმორიკასა და აქვიტანიაში მიმდინარე ბრძოლებში. დაიღუპა ძვ.წ. 53 წელს მამამისის, მარკუს კრასუსის მონყობილი პართიული კამპანიის დროს, კარეს ბრძოლაში.

ლი⁸⁸, მეფე ვოკიოს⁸⁹ და, რომელიც ძმამ გალიაში გამოგზავნა არიოვისტუსზე დასაქორწინებლად. ორივე ცოლი ამ გაქცევისას დაიღუპა. მისი ორი ქალიშვილიდან კი ერთი დაიღუპა, მეორე დაატყვევეს. გაიუს ვალერიუს პროკილუსს, რომელიც სამმაგი ჯაჭვით შეკრული მიჰყავდათ მცველებს, კეისარი მაშინ გადააწყდა, როცა მტერს ცხენოსნებით მისდევდა. ამ ამბავმა კეისარი არანაკლებ გაახარა, ვიდრე თავად გამარჯვებამ. მტრის ხელიდან გამოგლეჯილს და დაბრუნებულს ხედავდა მთელ გალიაში ყველაზე კეთილშობილ კაცს, თავის ახლობელსა და სტუმარს. ბედის წყალობით მისმა დაკარგვამ არ დააკნინა გამარჯვებით გამოწვეული სიამოვნება და სიხარული. პროკილუსმა თქვა, რომ მისი თანდასწრებით სამჯერ ყარეს წილი მაშინვე დაეწვათ კოცონზე თუ სხვა დროისთვის გადაედოთ. წილის ყრაში გაუმართლა და გადარჩენა ერგო. აგრეთვე იპოვეს მარკუს მეტიუსი და კეისართან მიიყვანეს. [54] როდესაც ამ ბრძოლის შესახებ რენუსს გადაღმა შეიტყვეს, სვებებმა, რომლებიც მოახლოებულნი იყვნენ მდინარესთან, შინისაკენ გაბრუნება დაიწყეს. რენუსთან ახლოს

88 ნორიკი - ნორიკი მდებარეობდა დღევანდელი ავსტრიის ტერიტორიაზე. ნორიკში ცხოვრობდნენ პანონიელები (ილირიელთა მონათესავე ხალხი), შემდგომში კი აქ კელტო-ლიგურიული ტომები დასახლდნენ. მათ შორის უმთავრესი იყო ტავრისკების ტომი, რომლებიც რომაულ წყაროებში ნორიკებად იწოდებიან მათივე დედაქალაქის - ნორეიას სახელწოდების მიხედვით. ნორიკი წარმოადგენდა პირველ კელტურ სამეფოს ევროპაში (ძვ.წ. 200 წლიდან). ეს ქვეყანა ფაქტობრივად 12 ტომის ალიანსს წარმოადგენდა. ძვ.წ. 170 წლიდან ნორიკი ითვლებოდა რომის „მოკავშირე და მეგობარს“ სახელმწიფოდ. ნორიკელები ეხმარებოდნენ რომაელებს კიმბრებისა და ტევტონების წინააღმდეგ ომშიც. ასევე შემდგომ ომებშიც დაკიელი და გერმანელი ტომების წინააღმდეგ.

89 მეფე ვოკიო - ვოკიო იყო ნორიკის ტომთა არჩეული მეფე ძვ.წ. I საუკუნეში. ვოკიო ითვლებოდა კეისრის მოკავშირედ და მას გნეუს პომპეუსის წინააღმდეგ ბრძოლაშიც ეხმარებოდა ეკონომიკურად და სამხედრო ძალებით (ცხენოსანი რაზმებით).

მცხოვრებმა უბიებმა⁹⁰ იგრძნეს მათი პანიკა, დაედევნენ და ბევრი დახოცეს. კეისარმა ერთ ზაფხულს ორი დიდი ომი გადაიხადა და ცოტა უფრო ნაადრევად, ვიდრე წელიწადის დრო მოითხოვდა, ჯარი ზამთრის სადგომში სეკვანებთან დააბრუნა. იქ წინამძღოლად ლაბიენუსი დანიშნა, თავად კი მახლობელ გალიაში გაემართა სამართლის აღსასრულებლად.

90 უბიები - გერმანული ტომი. პირველად მოხსენიებულები არიან სწორედ იულიუს კეისრის ამ თხზულებაში. უბიები იყვნენ კეისრის მოკავშირეები ძვ.წ. 55 წელს მდინარე რაინის გადალახვისა და გერმანიაში შეჭრის დროსაც. ახ.წ. 50 წელს მათ ტერიტორიაზე იულიუს კეისარ გერმანიკუსის მეუღლის, აგრიპინას ხელშეწყობით დაარსდა რომაელ ვეტერანთა კოლონია - *Colonia Claudia Ara Augusta Agrippinensium*, რომელიც შემდეგში ქალაქ კიოლნად იქცა.



წიგნი II

[1] როდესაც კეისარი იზამთრებდა ახლო გალიაში, როგორც ეს ზემოთ აღვნიშნეთ, მის ყურამდე ხშირად აღწევდა ხმები, ასევე ლაბიენუსის გზავნილებით იღებდა ის ინფორმაციას, რომ ყველა ბელგმა, რომლებზეც უკვე ვთქვით, რომ გალიის მესამედი ეკავათ, რომელი ხალხის წინააღმდეგ პირი შეკრა და ერთმანეთში მძევლები გაცვალა. მათი შეკავშირების მიზეზი, უპირველეს ყოვლისა, იყო შიში იმისა, რომ მას შემდეგ რაც მთელი გალია დამშვიდდა⁹¹, რომის ჯარი გაილაშქრებდა მათზე; მეორე მიზეზი კი იყო ზოგიერთი გალი, რომლებიც

91 დამშვიდებაში კეისარი გალების მიწებზე რომაული გავლენის დამყარებას გულისხმობს.

ახელებდნენ [ჩვენ წინააღმდეგ]. ზოგიერთნი - უკმაყოფილოები იმით, რომ გერმანელები ხანგრძლივად იყვნენ გალიაში, ახლა არანაკლებ დამნუხრებულები იყვნენ რომაული არმიის გამოზამთრებითა და დამკვიდრებით გალიაში, ზოგიერთნი კი მერყევი და არასანდონი, მიიღწვოდნენ მმართველობის შეცვლისკენ; ზოგ შემთხვევაში კი იმიტომ აქეზებდნენ [ბელგებს], რომ გალიაში ძლიერი ხალხი, და ისინი, რომელთაც ჰქონდათ საშუალება დაექირავებინათ ადამიანები, მიიღწვოდნენ ძალაუფლების ხელში ჩაგდებისკენ, ჩვენი მბრძანებლობის დროს კი ეს მათთვის ისეთი ადვილი არ იყო.

[2] ამ ხმებითა და გზავნილებით შემფოთებულმა კეისარმა ორი ახალი ლეგიონი შეკრიბა ახლო გალიაში და ზაფხულის დასაწყისისათვის შიდა გალიაში გაგზავნა ლეგატ კვინტუს პედიუსის⁹² მეთაურობით. თვითონ, როგორც კი მიწდვრებში მოსავლის შეგროვება დაიწყო, ჯარისაკენ გაეშურა. მან სენონებსა და სხვა გალებს, რომლებიც იყვნენ ბელგების მეზობლად, განკარგულება მისცა შეეტყოთ, რას საქმიანობდნენ ეს უკანასკნელნი და შეეგროვებინათ მისთვის ცნობები. მათ ერთხმად შეატყობინეს, რომ იქ რაზმები გროვდებოდნენ და ჯარი ერთ ადგილზე იკრიბებოდა. ამის შემდეგ მან გადანწყიდა, რომ დიდხანს აღარ უნდა ეფიქრა მათ წინააღმდეგ

92 კვინტუს პედიუსი (ძვ.წ. I ს.) — რომაელი სამხედრო და პოლიტიკური მოღვაწე, იულიუს კეისრის ნათესავი. პედიუსი ძვ.წ. 57 წელს მსახურობდა ლეგატად გალიაში, ძვ.წ. 55 წელს მონაწილეობა მიიღო ედილის არჩევნებში და დამარცხდა. პომპეუსის წინააღმდეგ ომისას, პედიუსი კეისრის მომხრეებს შორის იყო. მან მიიღო პრეტურობა, მეთაურობდა ლეგიონს და წარმატებით ებრძოდა პომპეუსის მომხრეებს. ძვ.წ. 44 წელს, როდესაც კეისარი შეთქმულების მსხვერპლი გახდა, პედიუსი მისი ანდერძის მიხედვით ერთ-ერთ მემკვიდრედ დასახელდა, თუმცა მან დაუთმო ნათესავ ოქტავიანეს, მომავალ იმპერატორს და მასთან ერთად გახდა კონსული. ამ პერიოდში პედიუსმა გამოსცა კანონი - *Lex Pedia*, რომლის მიხედვითაც კეისრის ყველა მკვლელი დამნაშავედ გამოცხადდა და სასჯელს დაექვემდებარა.



გალაშქრებაზე, მოიმარაგა სურსათი, დატოვა ბანაკი და თხუთმეტი დღის შემდეგ ბელგების საზღვარს მიაღწია.

[3] ის გამოცხადდა იქ მოულოდნელად, იმაზე უფრო სწრაფად ვიდრე ვინმე ელოდა. რემებმა⁹³, გალიასთან ყველაზე ახლოს მოსახლე ბელგთა ტომმა, ელჩებად გაუგზავნეს იკიუსი და ანდეკუმბორიუსი, პირველი კაცები თავიანთ თემში, წინადადებით, რომ თავიანთ ხალხთან ერთად რომის სიძლიერეს აღირებდნენ და მისი მფარველობას ითხოვდნენ, რომ ისინი არ იყვნენ სხვა ბელგებთან ერთად და არ მონაწილეობდნენ არანაირ შეთქმულებაში რომაელი ხალხის წინააღმდეგ; პირიქით, მზად იყვნენ გადმოეცათ ტყვეები, შეესრულებინათ მისი ბრძანებები, მიეღოთ ის თავიანთ ქალაქებში და მოემარაგებინათ სურსათითა და სხვა ყველაფრით. ყველა დანარჩენი ბელგი, თქვეს მათ, შეიარაღებულია, რაინის აქეთ მცხოვრები გერმანელები მათ შეუერთდნენ. ყველანი ისე არიან გახელებულები, რომ რემებმა ვერ შეძლეს მათთან შეერთებისაგან უარი ეთქმევივნებინათ სისხლით მონათესავე სუესიონებისთვისაც⁹⁴ კი, რომლებთანაც აქვთ საერთო წესები, საერთო სამხედრო ხელისუფლება და სამოქალაქო მმართველობა.

[4] როდესაც კეისარმა გამოჰკითხა რემები, თუ რომელმა ტომებმა აისხეს იარაღი, რა რაოდენობის იყვნენ და როგორი იყო მათი სამხედრო ძალა, პასუხად მიიღო: ბელგების უმრავლესობა წარმოშობით გერმანელი იყო და დიდი ხნის

93 რემები (*Remi*) — ბელგთა ერთ-ერთი ტომი, რომელიც ჩრდილო-აღმოსავლეთ გალიაში მოსახლეობდა (*Gallia Belgica*). მათი დედაქალაქი იყო დუროკორტუმი მდინარე ველზე. რემები განთქმულები იყვნენ თავიანთი ცხენოსანი ჯარით, გერმანელ მოკავშირეებთან ერთად ისინი ებრძოდნენ პარსიებსა და სენონების ტომს. ერთ-ერთი მითის მიხედვით, რომელიც X საუკუნის მემკვიდრე ფლოდორდ რეიმსელმა ჩაინერა, რემების ტომის მამამთავარი იყო რემუსი, რომელუსის ძმა, რომელიც თითქოს ძმასთან დაპირისპირებას ცოცხალი გადაურჩა.

94 სუესიონები (*Suesioni*) — ბელგური ტომი, რომელიც დასავლეთ ბელგიკაში მოსახლეობდა, დღევანდელი ქალაქის სუასონის მიდამოებში.

წინათ გადმოსახლდნენ რაინის გადმოღმა და ნიადაგის ნაყოფიერების გამო დასახლდნენ ახლანდელ ადგილსამყოფელზე, გალები კი გაყარეს ამ ადგილებიდან, ბელგები ერთადერთი ხალხი იყო ჩვენი მამების მოგონებით, რომლებმაც დაიცვეს საზღვრები ტევტონებისა და კიმბრებისაგან, მაშინ როცა მთელი გალია აოხრებული იყო; მეხსიერებას შემორჩენილი ამ ამბებით მათ შეძლეს დიდი სამხედრო ავტორიტეტის მოხვეჭა და ქედმაღლები გახდნენ. რაც შეეხება მათ რაოდენობას, რემებმა თქვეს, რომ იცოდნენ ზუსტი რაოდენობა ყველა შენაერთის, რადგან დაკავშირებულები იყვნენ ბელგებთან ურთიერთობითა და ქორწინებებით, და დაადგინეს რამდენი მეომრის გამოყვანის პირობა დადო ომისათვის თითოეულმა ბელადმა ბელგების საერთო კრებაზე. მათ შორის უპირატესი სიმამაცით, გავლენითა და რაოდენობით გამოირჩეოდა ბელოვაკების⁹⁵ ტომი. მათ შეეძლოთ ასი ათასი აღჭურვილი კაცის გამოყვანა, პირობა დადეს აქედან 60 ათასი რჩეული მეომარი გამოეყვანათ, და მოითხოვეს მთელი ომის სარდლობა მათთვის მიენიჭებინათ. რემების თქმით, სუესიონები მათი საკუთარი უშუალო მეზობლები იყვნენ, მათ დაიპყრეს ვრცელი და ნაყოფიერი მიწები. მათ შორის, ჯერ კიდევ ჩვენ დროს მეფედ ჰყავდათ დივიციაკუსი, ყველაზე ძლევამოსილი კაცი მთელ გალიაში, რომელსაც ამ რეგიონების უმრავლეს ნაწილზე და ბრიტანეთზეც კი ძალაუფლება ეპყრა. ახლა მეფე იყო გალბა⁹⁶; მას სამართლიანობისა და გამჭრიახობის გამო

95 ბელოვაკები (*Bellovaci*) — ყველაზე მრავალრიცხოვანი და ძლიერი ბელგური ტომი, რომელიც მოსახლეობდა ჩრდილო-აღმოსავლეთ გალიაში, დღევანდელი ქალაქის ბოვეს მიდამოებში. ესაზღვრებოდნენ ამბიანებს, ვირომანდუებს, სუესიონებს, ველიოკასებს, კალეტებსა და პარისიებს.

96 გალბა — სუესიონების მეფე (*Rex*) ძვ.წ. I საუკუნეში. კოგნომენი (მეტსახელი) გალბა, რომელიც ითარგმნება როგორც „მსუქანი“ გავრცელებული იყო რომშიც და სავარაუდოდ მას კელტური ფუძე უნდა ჰქონოდა, სადაც როგორც ჩანს ეს სახელს წარმოადგენდა.

ომის გაძლოლა საერთო თანხმობით დაეკისრა. მას ჰქონდა 12 ქალაქი, და 50 ათასი მეომრის გამოყვანის პირობა დადო. იგივე რაოდენობის [გამოყვანის] პირობა დადეს ნერვიებმა⁹⁷, რომლებიც ყველაზე მძვინვარენი იყვნენ ბელგებს შორის და ყველაზე შორს ცხოვრობდნენ. 15 ათასი - ატრებატებმა⁹⁸, 10 ათასი ამბიანებმა⁹⁹, 25 ათასი მორინებმა¹⁰⁰, 7 ათასი - მენაპიებმა¹⁰¹, 10 ათასი კალეტებმა, ამდენივე ველიოკასებმა და ვირომანდუებმა¹⁰², 19 ათასს კი ადუატუკები¹⁰³ დაჰპირდნენ. კონდრუსებმა, ებურონებმა, კაეროესებმა და პემანებმა¹⁰⁴,

97 ნერვიები (*Atrebatas*) — ერთ-ერთი უძლიერესი ბელგური ტომი. ისინი მოსახლეობდნენ დღევანდელი ბელგიის ცენტრალურ ნაწილში, ბრიუსელის მიდამოებში. სავარაუდოდ, ნერვიები, ისევე როგორც ტრევერები, გერმანული წარმოშობის ტომები იყვნენ. Tacitus, *Germania*, 28. Adrian K. Goldsworthy, *Caesar: life of a colossus* (New Haven, 2006), 238.

98 ატრებატები — ბელგური ტომი გალიასა და ბრიტანეთში. გალიაში ისინი მოსახლეობდნენ დღევანდელი საფრანგეთის ჩრდილოეთ ნაწილში, არტუაში. ატრებატების დედაქალაქი იყო ნემეტოკენა.

99 ამბიანები (*Ambiani*) — ერთ-ერთი მრავალრიცხოვანი ბელგური ტომი, რომელიც მოსახლეობდა სამარას (სომას) ხეობაში. ამბიანთა დედაქალაქი იყო სამარობრივა.

100 მორინები (*Morini*) — ბელგური ტომი ჩრდილოეთ გალიაში. მათი სახელი „მორინები“ უკავშირდება ზღვას და ზღვის სანაპიროს, სადაც ისინი ცხოვრობდნენ (ჩრდილო-დასავლეთ საფრანგეთსა და ბელგიაში).

101 მენაპიები (*Menapii*) — ბელგური ტომი, რომელიც ჩრდილოეთ გალიაში მოსახლეობდა. მათ შესახებ ცნობები აქვთ სტრაბონს, კეისარს, პლინიუს უფროსსა და პტოლემეაოსს.

102 კალეტები, ველიოკასები, ვირომანდუები (*Caleti, Velioasses, Viromandui*) — კელტურ-ბელგური ტომები ჩრდილოეთ საფრანგეთში. ველიოკასები მნიშვნელოვან ტერიტორიას აკონტროლებდნენ მდინარე სენას ხეობაში, კალეტები და ვირომანდუები შედარებით მცირერიცხოვნები და სუსტები იყვნენ.

103 ადუატუკები (*Aduatuci*) — გერმანული ტომი, რომელიც აღმოსავლეთ ბელგიაში მოსახლეობდა. ისინი ენათესავებოდნენ კიმბრებსა და ტევტონებს და წარმოშობით იუტლანდიის ნახევარკუნძულიდან უნდა ყოფილიყვნენ.

104 კონდრუსები, ებურონები, კაეროესები, პემანები (*Condrusi, Eburones, Caeroesi, Paemani*) — გერმანული ტომები, რომლებიც ბელგიაში მოსახლეობდნენ და აქტიურად ერეოდნენ გალიის პოლიტიკურ ცხოვრებაში.

რომელთაც საერთო სახელი გერმანელები ჰქვიათ, 40 ათასის გამოყვანა ივარაუდეს.¹⁰⁵

[5] კეისარმა რემები გაამხნევა და თავაზიანად გაისტუმრა, შემდეგ მთელი მათი სენატის მასთან გამოცხადება ბრძანა და მათი წინამძღოლების შვილები მძევლად მოითხოვა. ეს ყველაფერი იმ დღესვე ბეჯითად აღასრულეს. კეისარმა განსაკუთრებულად გაამხნევა და აუხსნა ედუელ დივიციაკუსს თუ რამდენად მნიშვნელოვანი სარგებელი იყო რომისა და საერთო კეთილდღეობისათვის მოწინააღმდეგე ძალების დაშლა, რათა თავიდან აეცილებინათ ერთდროულად დიდი რაოდენობის ჯართან ბრძოლა. ეს განხორციელდებოდა თუ ედუელები თავის ძალებს ბელოვაკების საზღვრებისკენ წაიყვანდნენ და მათი მიწების გაჩანაგებას დაიწყებდნენ. ამ მითითებით დაითხოვა ის. როდესაც შეიტყო, რომ ბელგების მთელი ძალები შეგროვილი იყო და მის წინააღმდეგ მოდიოდა, წინ გაშვებულმა მზვერავებმა და რემებმა კი აცნობეს, რომ ისინი შორს აღარ იყვნენ, დააჩქარა ჯარის მდინარე აქსონაზე გადაყვანა, რომელიც რემების უკიდურეს საზღვარზეა და იქ ბანაკი დასცა. ამ გზით ბანაკი ერთი მხრიდან მდინარის ნაპირებით იყო დაცული, უზრუნველყოფდა ზურგის უსაფრთხოებას და მარაგის უშიშრად მოწოდებას რემების და სხვა ტომების მიერ. მდინარეზე იყო ხიდი. იქ კეისარმა დაცვა ჩააყენა და მდინარის მეორე მხარეს თავისი ლეგატი — კვინტუს ტიტურიუს საბინუსი დატოვა 6 კოჰორტით. მას უბრძანა, გაემაგრებინა ბანაკი 12 ნაბიჯი სიმაღლის ზღუდითა და 18 ნაბიჯის სიღ-

105 თუმცა კი კეისარი არსად აღნიშნავს თვითონ რამდენად სჯეროდა იმის, რომ ეს ტომები ამხელა ჯარებს გამოიყვანდნენ და დასახლებული რაოდენობები ზუსტი იყო. მიუხედავად ამისა, ჩანს რომ ბელგებს შეეძლოთ მასზე მრავალრიცხოვანი ჯარის გამოყვანა, ამიტომ მათი რიცხოვნობის უპირატესობის გასაბათილებლად კეისარმა ბელოვაკების ტომს ედუები შეუსია და მათი მეომრები ძირითად ძალებს მონყვიტა. Adrian K. Goldsworthy, *Caesar: life of a colossus*, 239.

რმის თხრილით.

[6] ამ ბანაკიდან 8 მილზე იყო რემების ქალაქი ბიბრაქსი. ბელგებმა ლაშქრობის დროს მთელი ძალით დაიწყეს ამ ქალაქზე შეტევა. იერიში იმ დღეს გაჭირვებით იქნა მოგერიებული. გალებსა და ბელგებს შემოწყობის¹⁰⁶ ერთნაირი ხერხი აქვთ: დიდი რაოდენობით ადამიანი შემოერთყმება კედლებს და ესვრიან ქვებს მანამ, სანამ დამცველების არ განდევნიან¹⁰⁷. შემდეგ ტესტუდოს¹⁰⁸ გამოყენებით უახლოვდებიან კარიბჭეს და ძირს უთხრიან კედლებს. ეს ამჯერად ადვილად შეასრულეს. როდესაც ასეთი მრავალრიცხოვანი მოწინააღმდეგე ისროდა ქვებს და შუბებს, ვერავინ შეძლებდა კედლებზე მედგრად დგომას. როცა ღამემ ზღვარი დაუდო შეტევას, რემმა იკციუსმა თავისიანებს შორის სახელგანთქმულმა და პატივცემულმა კაცმა, ერთ-ერთ ელჩთაგანმა, რომლებიც კეისართან ზავის სათხოვნელად მივიდნენ და ამჟამად ქალაქის მეთაურმა, შიკრიკები გაუგზავნა კეისარს, რომ თუ ის დახმარებას არ გაუგზავნიდა, მეტხანს გამაგრებას ველარ შეძლებდა.

[7] კეისარმა იკციუსის გამოგზავნილი შიკრიკები მეგზურებად გამოიყენა და შუალამისას ნუმიდიელი და კრეტელი მშვილდოსნები და ბალეარელი მეშურდულები¹⁰⁹ ქალაქელების

106 ალყის შემორტყმის

107 ქვების სროლით აიძულებდნენ დაეტოვებინათ გამაგრებული პოზიციები

108 ტესტუდო (*Testudo*) ანუ „კუ“ ანტიკური სამხედრო ხელოვნების ერთ-ერთი კარგი ნიმუშია. ფარებით ყველა მხრიდან დაცული მეომრები უახლოვდებოდნენ მტრის გალავანს ისე, რომ ისრებისგან დაცულნი იყვნენ და დანაკარგებს არ განიცდიდნენ. ასეთ ტაქტიკას რომაელები იყენებდნენ ძვ.წ. III -დან ახ.წ. III საუკუნემდე. Adrian Keith Goldsworthy; John Keegan, *Roman Warfare* (London, 2000), 214.

109 კრეტელი მშვილდოსნები ანტიკურ ხანაში ხშირად მსახურობდნენ ხმელთაშუა ზღვის აუზის ქვეყნების სამხედრო ძალებში მოქირავნეების სახით, ისევე როგორც ბალეარელი (ბალეარის კუნძულებიდან) მეშურდულები. კრეტელთა ნაწილები რესპუბლიკური რომის არმიაში ხშირად იყვნენ. სენატმა მათი ძალები გაიუს გრაკხუსის მომხრეების

დასახმარებლად გაგზავნა. მათმა მისვლამ რემებს თავდაცვის იმედი მისცა და შეტევაზე გადასვლის სურვილი აღუძრა, მტერს კი ამავე მიზეზმა ქალაქის აღების იმედი დაუკარგა. ამგვარად ისინი ცოტა ხანს კიდევ დარჩნენ ქალაქთან ახლოს, გააჩანაგეს რემთა მიწები, გადაწვეს ახლომახლო ყველა სოფელი და შენობა, რომელთან მიახლოებაც შეეძლოთ. შემდეგ კი მთელი ჯარით კეისრის ბანაკისაკენ გაეშურნენ და 2 მილზე ნაკლებ მანძილზე თავისი ბანაკი დასცეს. მათი ბანაკი, კვამლისა და ცეცხლის მეშვეობით თუ ვივარაუდებთ, 8 მილზე იყო გაშლილი.

[8] კეისარმა თავიდან ბრძოლის აცილება გადაწყვიტა, რადგან მტერი მრავალრიცხოვანი და მძვინვარე იყო. თუმცა ყოველდღიურად ცხენოსნების შეტაკებებში სცდიდა მონინააღმდეგის სიმამაცესა და ჩვენიანების საბრძოლო შემართებას. როდესაც დარწმუნდა, რომ ჩვენები არ ჩამორჩებოდნენ მტერს, ადგილი ბანაკის წინ საბრძოლო წყობისათვის ბუნებრივად მოხერხებული და შესაფერისი იყო: ბორცვი, რომელზეც ბანაკი იყო განლაგებული, დაბლობიდან თანდათ-

წინააღმდეგაც კი გამოიყენა. ასევე ჩანს, რომ მათ იყენებდა კეისარიც გალიის ომში. ნუმიდიელები (ჩრდილოეთ აფრიკაში) განსაკუთრებით განთქმულები იყვნენ როგორც მხედრები, თუმცა ამ შემთხვევაში მშვილდოსნებია დასახელებული. ისტორიკოსი ჯორჯ ჩისმენიც ამ მონაკვეთში ნუმიდიელებს არა როგორც მშვილდოსნებს, არამედ მხედრებს ისე განიხილავს. George Leonard Cheesman, *The auxilia of the Roman imperial army* (Oxford, 1914), 9-10. ნუმიდიელი მოკავშირეები რომაელთა ჯარში II პუნიკური ომის (ძვ.წ. 218-201) დროიდან მსახურობდნენ, მას შემდეგ რაც მათი მეფე მასინისა, მანამდე კართაგენელთა მოკავშირე, რომაელთა მხარეს გადავიდა. კრეტელი მშვილდოსნები მონანილეობდნენ II პუნიკური ომის დროს სიცილიაზე მიმდინარე მოქმედებებში (თუმცა რომაელთა მონინააღმდეგეების მხარეს), ბალეარელი მეშურდულები კი კართაგენელთა მრავალ სამხედრო კამპანიაში ესპანეთის ტომებისა და რომაელების წინააღმდეგ. II პუნიკური ომის შემდგომ პერიოდში რომაელებმა თავადაც დაიწყეს ბალეარელთა დაქირავება. ბალეარელები მონანილეობდნენ გნეუს პომპეუსისა და კვინტუს ცეცილიუს მეტელუსის სამხედრო კამპანიაშიც (ძვ.წ. 80-72) კვინტუს სერტორიუსის წინააღმდეგ, რომის სამოქალაქო ომის (სულასა და მარიუსის მომხრეთა შორის) დროს.

ანობით მაღლდებოდა, გადაჭიმული იყო იმხელა მანძილზე, რამდენსაც ჯარი დაიკავებდა. ორივე მხრიდან ჰქონდა ციცაბო შვერილები, წინ კი დამრეცად დაქანებული თანდათანობით დაბლდებოდა. ბორცვის თითოეულ მხარეს გაათხრევინა ჯვარედინი თხრილი დაახლოებით 400 ნაბიჯის სიგრძის. თხრილის კიდეებზე სიმაგრეები ააშენებინა და იქ მანქანები¹¹⁰ მოათავსა, რომ როდესაც ჯარს საბრძოლო წყობაში ჩააყენებდა, მტერს მრავალრიცხოვნობის წყალობით ბრძოლის დროს ალყაში არ მოექცია. ამის გაკეთების შემდეგ, 2 ახალმოგროვილი* ლეგიონი ბანაკში დატოვა, რომ თუ საჭირო გახდებოდა — დახმარება გაენიათ, დანარჩენი 6 ლეგიონი კი ბანაკის წინ საბრძოლველად მოაწყო. მტერმაც, აგრეთვე, გამოიყვანა თავისი ძალები ბანაკიდან და განალაგა.

[9] ჩვენი და მოწინააღმდეგის არმიებს შორის არც თუ დიდი ჭაობი იყო. მტერი ელოდა გადალახავდნენ თუ არა ჩვენები მას; ჩვენები კი ბრძოლისთვის გამზადებულები* ელოდნენ, რომ თუ ისინი პირველები დაიწყებდნენ გადმოლახვას, ეს არგებლათ მათი არეულობით. ამასობაში ამ ორ ხაზს შორის მხედართა ბრძოლა მიმდინარეობდა. რადგან არც ერთი არმია არ იწყებდა ჭაობის გადალახვას, წარმატებული საცხენოსნო ბრძოლის შემდეგ კეისარმა ჩვენები ბანაკში დააბრუნა. მტერი იმ ადგილიდან მაშინვე მდინარე აქსონისაკენ გაეშურა, რომელიც, როგორც აღვნიშნეთ, ჩვენი ბანაკის უკან იყო. ფონის პოვნის შემდეგ მოინდომეს ძალების ნაწილი გადმოეყვანათ, იმ განზრახვით რომ თუ შეძლებდნენ, აეღოთ სიმაგრე, რომელსაც მეთაურობდა ლეგატი კვინტუს ტიტურიუსი¹¹¹

110 კატაპულტები, ბალისტები.

111 კვინტუს ტიტურიუს საბინუსი — კეისრის ერთ-ერთი ლეგატი გალის ომში. მონაწილეობა მიიღო რემების წინააღმდეგ კამპანიაში ძვ.წ. 57 წელს. ძვ.წ. 56 წელს იბრძოდა ვენელიების ბელადის ვირილოვიქსისა და მისი მოკავშირეების წინააღმდეგ ჩრდილო-დასავლეთ გალიაში (ბელგთაგან სამხრეთით, შემდეგდროინდელ საფრანგეთის ნორმანდიაში). ძვ.წ.

და ჩაენგრიათ ხიდი. თუ ამას ვერ შეძლებდნენ, გაეჩანაგებინათ რემების მიწები, რომელიც ჩვენთვის დიდი სარგებლის მომტანი იყო ომის დროს და ამგვარად გადაეკეტათ მარაგის შევსების გზა.

[10] ეს კეისარს ტიტურიუსმა შეატყობინა და მან ყველა მხედარი, მსუბუქად აღჭურვილი ნუმიდელი, მეშურდულე და მშვილდოსანი ხიდზე გადაიყვანა და მტრისკენ გაეშურა. მძვინვარე ბრძოლა გაიმართა იმ ადგილას. ჩვენები თავს დაესხნენ მდინარის გადმოლახვის დროს დაფანტულ მონინაალმდეგეს და მრავალი მათგანი მოკლეს. დანარჩენებს, რომლებიც უკიდურესი სიმაძაცით ცდილობდნენ გადაელახათ თანამოდმეების გვამები, თავს დაატყდათ აურაცხელი რაოდენობის შუბები, ხოლო იმ ნაწილს, რომელმაც უკვე გადალახა მდინარე, ცხენოსნებმა ალყაში შემოარტყეს და ამოხოცეს. მტერი მიხვდა, რომ ქალაქის აღებისა და მდინარის გადალახვის იმედი გაუცრუვდა და არც ჩვენები გადადიოდნენ მოუხერხებელ ადგილას ბრძოლის გულისთვის. არამედ თავადვე დაეწყოთ მარაგის ამოწურვა. ამიტომ მოიწვიეს საბჭო და გადაწყვიტეს, რომ უკეთესი იქნებოდა თითოეული მათგანი საკუთარ სახლში დაბრუნებულიყო და შეკრებილიყვნენ ყველა კუთხიდან იმათ დასაცავად, ვის ტერიტორიაზეც რომაელებს პირველ რიგში უნდა გაეცლოთ. რამეთუ საკუთარ მიწაზე ბრძოლა უფრო ადვილი იქნებოდა, ვიდრე სხვისაზე და მარაგის შესავსებადაც ადგილობრივ სურსათს გამოიყენებდნენ. ამ გადწყვეტილებაზე სხვა მიზეზებთან ერთად იმანაც იმოქმედა, რომ შეიტყვეს დივიციაკუსისა და ედუების ბელოვაკების საზღვრებთან მიახლოების შესახებ. შეუძლებელი იყო ეს

54 წელს ებურონებმა ამბიორიქსისა და კატივოლკუსის მეთაურობით ღალატით გაიტყუეს ტიტურიუსისა და ლუციუს აურუნკულიუს კოტას ლეგიონი და გაანადგურეს.

უკანასკნელები მეტხანს დაყოვნებულებიყვნენ და არ მიშველეს-ბოდნენ თავისიანებს.

[11] ამის გარკვევის შემდეგ მეორე გუშაგის საათზე დიდი ხმაურითა და არეულობით დაიწყეს ბანაკიდან აყრა უწყეს-რიგოდ და მეთაურობის გარეშე. თითოეული ცდილობდა გზაზე მენინავე ყოფილიყო და ისე ჩქარობდნენ სახლისკენ, რომ მგზავრობა გაქცევას დაემსგავსა. ეს კეისარმა მაშინვე შეიტყო მზვერავეებისგან, [მაგრამ] ჩასაფრების შეეშინდა, რადგან ზუსტად არ იცოდა მათი წასვლის მიზეზი და ჯარი ცხენოსნებითურთ ბანაკში დატოვა. განთიადზე, მზვერ-ავეებმა დაადასტურეს მტრის წასვლა და კეისარმა მთელი კავალერია გაგზავნა მათი არიერგარდის შესაკავებლად. ამის შესრულება დაავალა ორ ლეგატს – კვინტუს პედიუსსა და ლუციუს აურუნკულეიუს კოტას, ხოლო ლეგატ ტიტუს ლაბინუსს დაევალა მათ შორიახლო გაჰყოლოდა სამი ლეგიონით. ცხენოსნები თავს დაესხნენ მტრის არიერგარდს და მრავალ მილზე სდიეს, ბევრი დახოცეს ვინც გაქცევას ცდილობდა; ბოლო მწკრივი, რომელსაც დაენივნენ, შეჩერდა და ჩვენი ჯარისკაცების თავდასხმა მამაცურად მოიგერია. წინ მყოფებმა, რომლებსაც ეგონათ რომ საფრთხე აღარ ემუქრებოდათ და არც საჭიროება, არც ბრძანება აკავებდათ, როგორც კი ყვირილი შემოესმათ საბრძოლო წყობა დაარღვიეს და თავს გაქცევით უშველეს. ამგვარად ჩვენებმა ყოველგვარი საშიშროების გარეშე იმდენი მტერი ხოცეს, რამდენიც დღის განმავლობაში შეიძლებოდა და მზის ჩასვლის დროს შეჩერდნენ, რათა ბრძანების თანახმად, ბანაკში დაბრუნებულიყვნენ.

[12] მეორე დღეს, სანამ მტერი სულ მოითქვამდა შიშისა და გაქცევის შემდეგ, კეისარმა თავისი ჯარი სუასონების ქვეყნისკენ წაიყვანა, რომელიც რემების შემდეგაა, და ხანგრძლივი სვლის შემდეგ მივიდა ქალაქ ნოვიოდუნუმთან¹¹². მან

112 ნოვიოდუნუმის ანუ „ახალი ციხესიმაგრის“ სახელწოდება მიღებულია


მოინდომა პირდაპირ ლაშქრობიდან დასხმოდა თავს ქალაქს, რადგან გაიგო რომ არ ჰყავდა მცველები, მაგრამ თხრილის სიგანისა და კედლის სიმაღლის გამო იერიშით ალება მაინც ვერ შეძლო. ამიტომ ბანაკი გაამაგრა და მომარაგება დაიწყო ყველაფრის, რაც საჭირო იყო ალყისთვის. ამასობაში გამოქცეულმა სუესონების არმიამ მოაღწია ქალაქს და მეორე ღამეს შიგნით მოიყარეს თავი. საჩქაროდ მოიტანეს საალყო მანქანები ქალაქთან, მინით ააგეს პანდუსი და ააშენეს საალყო კოშკები. გალები, რომლებსაც ამგვარი მოწყობილობები აქამდე არც ენახათ და არც გაეგონათ, გაოცდნენ და რომაელების სისწრაფით შეშფოთდნენ. კეისარს გაუგზავნეს ელჩები ჩაბარების წინადადებით და რემების წყალობით მათი თხოვნა მიღებული იქნა.

[13] კეისარმა მძევლებად აიყვანა ქალაქის წინამძღოლები და თავად მეფე გალბას ვაჟიშვილები. ქალაქს მთელი იარაღი ჩამოართვეს, სუესონები დანებდნენ და კეისარმა ჯარი ბელოვაკებისაკენ დაძრა. ისინი კი მთელი თავისი მარაგით ქალაქ ბრატუსპანციუმში¹¹³ შეგროვდნენ და როცა კეისარი მათგან 5 მილში იმყოფებოდა, ხანდაზმული ხალხი ქალაქიდან გამოეგება. ხელები აღმართეს და შესძახოდნენ, რომ მიიღებდნენ მის მფარველობასა და ძალაუფლებას და არ აღმართავდნენ იარაღს რომაელი ხალხის წინააღმდეგ. აგრეთვე, როცა ქალაქთან მივიდა და ბანაკს შლიდა, ქალები და ბავშვები, მათი წესის მიხედვით კედლიდან ხელებანულები ევედრებოდნენ მშვიდობას რომაელებს.

[14] მათ უშუამდგომლა დივიციაკუსმა (რომელმაც ბელგე-

კულტური სიტყვებიდან. ამ სახელწოდებით მოიხსენიებდნენ რამდენიმე დასახლებას. დასახლებული ნოვიოდუნუმი მდებარეობდა დღევანდელი პომიეს კომუნის ტერიტორიაზე, სუასონის მხარეში (საფრანგეთის ჩრდილოეთში).

113 ბრატუსპანციუმი — ბელოვაკების გამაგრებული დასახლება (ე.წ. ოპიდუმი). მისი მდებარეობა ზუსტად არ არის დადგენილი.



ბის წასვლის შემდეგ დაითხოვა ედუების ჯარი და დაბრუნდა კეისართან). მან თქვა: „ბელოვაკები ყოველთვის სანდო და მეგობრულ კავშირში იყვნენ ედუებთან, ისინი ნააქვებს თავისმა მთავრებმა, რომლებმაც განუცხადეს, რომ კეისარმა ედუელები დაიმონა, რომ ისინი განიცდიან ყოველგვარ უპატივცემულობასა და შეურაცხყოფას, ამგვარად აუჯანყდნენ ედუებს და რომაელი ხალხის წინააღმდეგ ომი წამოიწიეს. ამ შეთქმულების მოთავე მთავრები, როცა მიხვდნენ რამხელა ზიანი მოუტანეს თავის ქვეყანას, ბრიტანეთში გაიქცნენ. არამხოლოდ ბელოვაკები, არამედ ედუებიც, სთხოვდნენ გამოეჩინა მათ მიმართ თავისი გულმონყალება და შემწყნარებლობა. ამას თუ იზამდა, ედუების გავლენა გაიზრდებოდა მთელ ბელგებს შორის, რომლებიც ედუების დახმარებითა და სახსრებით სარგებლობდნენ, როცა ომი მოხდებოდა.

[15] კეისარმა თქვა, რომ დივიციაკუსისა და ედუების პატივისცემის გამო მიიღებდა მათ თავისი მფარველობის ქვეშ და სიცოცხლეს შეუნარჩუნებდა. რადგანაც მათი ქვეყანა ყველაზე დიდი გავლენით სარგებლობდა ბელგებში და ყველაზე მრავალრიცხოვანიც იყო, მიეველებად 600 კაცი მოითხოვა. ეს ყველაფერი აღსრულდა და ქალაქიდანაც მთელი იარაღი შეგროვდა, კეისარი ამ ადგილიდან ამბიანების ტერიტორიისკენ გაემართა, რომლებიც წინააღმდეგობის გაწევის გარეშე ჩაბარდნენ და ქონებაც ჩააბარეს. მათ ესაზღვრებოდნენ ნერვიები. როცა კეისარმა მათი ბუნება და წეს-ჩვეულებები გამოიკითხა, შემდეგი მოახსენეს: მათში არ არიან ვაჭრები, სასტიკად კრძალავდნენ ღვინის ან სხვა ფუფუნებასთან დაკავშირებული საგნის შემოტანას, რადგან თვლიდნენ, რომ ასეთი საგნები გონებას დააუძლურებდა და სიამამაცეს დაასუსტებდა. ეს მრისხანე და ძალიან მამაცი ხალხი აძაგებდა და ბრალს სდებდა დანარჩენ ბელგებს, რომ მათ რომაელებს ჩააბარეს სამშობლო და ვაჟკაცობა ფეხქვეშ გათელეს. მათ

განაცხადეს, რომ არც ელჩებს გამოგზავნიდნენ და არც არანაირი ზავის პირობებს მიიღებდნენ.

[16] მათ ტერიტორიაზე 3 დღის სვლის შემდეგ, კეისარმა ტყვეებისაგან შეიტყო, რომ მისი ბანაკიდან არა უმეტეს 10 მილისა მდინარე საბისი¹¹⁴ მიედინებოდა. ყველა ნერვი მდინარის გადაღმა იყო ჩასაფრებული თავიანთ მეზობლებთან – ატრებატებთან და ვირომანდუებთან ერთად, და ელოდებოდნენ რომაელების გამოჩენას (ორივე ეს ხალხი ნერვიებმა დაარწმუნეს ომში ჩართულიყვნენ). გარდა ამისა, ელოდნენ ადუატუკების ჯარსაც, რომელიც უკვე გზაში იყო. ქალები და ისინი, ვინც ასაკის გამო ომში გამოუსადეგარი იყო, გაისტუმრეს ისეთ ადგილას, რომელიც ქაობების გამო ჯარისთვის მიუდგომელი იყო.

[17] ამ ამბების შეტყობის შემდეგ კეისარმა მზვერავები და ცენტურიონები გაგზავნა ბანაკისათვის მოსახერხებელი ადგილის შესარჩევად. კეისართან ერთად ლაშქრობდა საკმაოდ ბევრი დამორჩილებული ბელგი და დანარჩენი გალი; ზოგიერთმა მათგანმა, როგორც შემდეგ ტყვეების მეშვეობით გახდა ცნობილი, იმ დღეებში დაკვირვებით შეისწავლა ჩვენი ჯარის წყობა. ღამით გადავიდნენ ნერვიებთან და შეატყობინეს, რომ ყოველ ორ ლეგიონს შორის განთავსებულია მრავალი საზიდარი და დიდ სირთულეს არ წარმოადგენს ერთ ლეგიონზე თავდასხმა, როცა ის დასაბანაკებლად მოვა ჯერ კიდევ ტვირთით დამძიმებული, სანამ დანარჩენები დიდი მანძილით იქნებიან დაშორებულები, თუ დაამარცხებენ ამ ლეგიონს და საზიდრებსაც გაიტაცებენ, დანარჩენი ლეგიონები ველარ გაბედავენ შებმას. მათ რჩევას ზურგს უმაგრებდა ისიც, რომ ნერვიები უძველესი დროიდან ცუდი ცხენოსნები იყვნენ (და დღემდე ვერ მოახერხეს ამ საქმის შესწავლა, მათი

114 საბისი (*Sabis*) — დღევანდელი მდინარე სამბრა, მდინარე მაასის შენაკადი. მოედინება ჩრდილოეთ საფრანგეთსა და ბელგიაში.

მთავარი ძალა ქვეითი ჯარია). იმისთვის, რომ მეზობლების ცხენოსნებს გამკლავებოდნენ, როდესაც ისინი ძარცვა-გლეჯისთვის თავს დაესხმოდნენ, ნერვიები ნორჩ ხეებს/ნერგებს დაჭრიდნენ და მოლუნავდნენ, გვერდებზე გამოსული ხშირი ტოტების საშუალებით გადახლართავდნენ ასკილისა და ქაცვის ბუჩქებთან, და ეს მესერი კედლის მაგვარ დაბრკოლებას ქმნიდა, რომელიც არამხოლოდ გადაულახავი იყო, არამედ თვალის ვერაფერს დაინახავდა მის მიღმა. რადგანაც ეს წინააღობა ჩვენს ჯარს შეაფერხებდა, ნერვიებმა მიიჩნიეს, რომ რჩევა უნდა გაეთვალისწინებინათ.

[18] იმ ადგილის ბუნება, რომელიც ჩვენებმა აირჩიეს დასაბანაკებლად, ამგვარი იყო: ბორცვი თანაბრად დაქანებული ფერდობით ჩამოდიოდა მდინარე საბისთან, რომელიც ზემოთ აღვნიშნეთ. მეორე ნაპირზე, საპირისპირო მხარეს, იწყებოდა მეორე ფერდობი: დაბლა დაახლოებით 200 ნაბიჯზე მოშიშვლებული, მაღლა კი ტყით დაფარული. ასე, რომ არ იყო ადვილი იქაურობა თვალის დაგეხვერა. იმ ტყეებში იმალებოდა სწორედ მტერი; გაშლილ ველზე კი მდინარის გასწვრივ მოჩანდა რამდენიმე საცხენოსნო პოზიცია. მდინარის სიღრმე დაახლოებით 3 ფუტი იყო.¹¹⁵

[19] კეისარმა წინ გაუშვა კავალერია და თვითონ უკან მიჰყვა მთელი ძალებით; მაგრამ მარშის გეგმა და წყობა აღარ იყო ისეთი, როგორიც ნერვიებმა ბელგებს მოახსენეს. რადგან უკვე მტერს უახლოვდებოდა, თავისი ჩვეულების თანახმად, მიუძღოდა 6 ლეგიონს. მათ უკან მოათავსა მთელი ჯარის სანოვაცე. ბოლოს მიდიოდა ახლად შეგროვილი 2 ლეგიონი, რომლებიც კეტავდნენ მთელ კოლონას და იცავდნენ სურსათს. ჩვენმა კავალერიამ გადალახა მდინარე მეშურდულეებთან და მშვილდოსნებთან ერთად და შეუტია მოწინააღმდეგის კავალერიას. ისინი დრო და დრო ტყეებში თავისიანებთან ბრუნ-

115 დაახლოებით 1 მეტრი (88,8 სმ).

დებოდნენ, შემდეგ კი ისევ თავს ესხმოდნენ ჩვენებს. ჩვენები კი ვერ ბედავდნენ გაჰყოლოდნენ უფრო შორს, სადაც გაშლილი დაბლობი მთავრდებოდა. ამასობაში 6 ლეგიონმა, რომლებიც პირველები მოვიდნენ, განსაზღვრეს დასაბანაკებელი ადგილი და მისი თხრილებით შემოვლება დაიწყეს. როცა ტყეებში დამალულმა მტერმა ჩვენი ჯარის სურსათი დაინახა (ეს მათთვის იყო დათქმული დრო, რომ შემოეციათ), ტყეშივე დალაგებული სამწყობრო ხაზით და ერთმანეთის გამხნევებით უეცრად გამოიჭრნენ მთელი ძალებით და ჩვენს კავალერიას შეასკდნენ. მათი იოლად დამარცხებისა და არევის შემდეგ, ისეთი დაუფერებელი სიჩქარით მიიჭრნენ მდინარესთან, რომ თითქმის ერთდროულად გეგონებოდა ტყეშიც იყვნენ, მდინარესთანაც, და ჩვენს სიახლოვესაც. ასეთივე სიჩქარით გაიჭრნენ ბორცვზე განლაგებული ჩვენი ბანაკისკენ და იმათკენ, ვინც ბანაკის გამაგრებით იყო დაკავებული.

[20] კეისარს ყველაფერი ერთად უნდა მოესწრო: ებრძანებინა ალემართათ შტანდარტი, რაც იარაღის ასხმის ნიშანი იყო, საყვირი დაეხმიანებინათ, სამუშაოდან გამოეხმოთ ჯარისკაცები (იგულისხმება ბანაკს რო ამაგრებენ ისინი), გამოეძახებინა ისინი, ვინც ჩამოშორდნენ სანგრებისთვის მასალის მოსაძებნად; დაენყო საბრძოლო ხაზი; გაემხნევებინა ჯარისკაცები, ნიშანი მიეცა. ამ საქმეების უმრავლესობა ვერ განხორციელდა დროის სიმცირისა და მტრის მოწყდომის გამო. სირთულეებთან გამკლავება ორმა ფაქტორმა უზრუნველყო: პირველი - ჯარისკაცების ცოდნა და გამოცდილება, - განვრთნილებს უდიდეს ბრძოლებში მათ შეეძლოთ თავადაც ისე მარჯვედ გადაეწყვიტათ რა იყო გასაკეთებელი, როგორც ამას სხვა აუხსნიდა; და მეორე - კეისარმა აუკრძალა ზოგიერთ თავის ლეგატს მიეტოვებინათ გასამაგრებელი სამუშაოები და თავისი საკუთარი ლეგიონები, სანამ ბანაკი არ გაძლიერდებოდა. ეს ლეგატები მტრის სიახლოვისა და

სისწრაფის გამო აღარ დაელოდნენ კეისრის ბრძანებებს და თავისი შეხედულებისამებრ დაიწყეს ქმედება.

[21] კეისარი გასცემდა საჭირო ბრძანებებს და ჯარისკაცების გასამხნეებლად ხან სად აღმოჩნდებოდა, ხან სად, სანამ მეათე ლეგიონთან არ მოხვდა. ჯარისკაცებს მოკლედ მოუწოდა – არ დაევიწყებინათ თავისი ჩვეული სიამაძე და სულით არ დაცემულიყვნენ, არამედ ვაჟკაცურად გაეძლიათ მტრის შეტევისთვის. როდესაც მტერი შუბის სასროლ მანძილზე მოახლოვდა, ბრძოლის დაწყების ნიშანი მისცა. შემდეგ სხვა ნაწილისკენ გაეშურა გასამხნეებლად და ნახა, რომ ისინი უკვე ბრძოლაში იყვნენ ჩართულები. დრო იმდენად ცოტა იყო და მოწინააღმდეგე ისეთი თავდადებით უტევდა, რომ რომაელები ვეღარ ასწრებდნენ არათუ სამხედრო ნიშნების მიმაგრებას, არამედ ჩაფხუტების მორგებასა და ფარების შალითიდან ამოღებას. ბანაკის გამაგრების სამუშაოებიდან ნებისმიერი მიმართულებით დაბრუნებული ჯარისკაცები ნებისმიერ ნაწილთან ერთად იწყებდნენ ბრძოლას, რომლის შტანდარტსაც პირველს დაინახავდნენ, რათა დრო არ დაეკარგათ საკუთარი ნაწილის ძებნაში.

[22] ჯარი როგორც იქნა მოწესრიგდა, უმაღლესი შესაბამისად, რასაც ადგილის ბუნება, ფერდობის დაქანება და დროის საჭიროება ითხოვდა, და არა ჩვეული სამხედრო წესისა. ლეგიონები დაყოფილები იყვნენ და თითოეული ცალკე ეომებოდა მტერს სხვადასხვა მხარეს. როგორც მაღლა აღვნიშნეთ, ხედვას აბრკოლებდა ძალიან სქელი მესერი. არ ჩანდა სად იყო დამხმარე ძალების განლაგების აუცილებლობა, არ ჩანდა სად რა იყო საჭირო, შეუძლებელი იყო ყველა ბრძანების შესრულება გაეკონტროლებინა ერთ კაცს. ამგვარად, ასეთ რთულ ვითარებას სხვადასხვაგვარი მოვლენები მოჰყვა.

[23] მეცხრე და მეათე ლეგიონის ჯარისკაცებმა, რომლებიც განლაგებული იყვნენ მარცხენა ფლანგზე, შუბების სროლით



გააქციეს სირბილისგან ქანცგანწყვეტილი და დაჭრილი ატრე-ბატები (რომელნიც შეეჩეხნენ მათ), შემალლებული ადგილი-დან მდინარეში შერეკეს, უკან მიჰყვნენ და მდინარის გადა-ლახვის მცდელობისას, მათი უმრავლესობა მახვილებით აჩეხეს. თავად არ შეეყოყმანებულან მდინარეზე გადასული-ყვნენ და არახელსაყრელ პოზიციაზე მოხვდნენ. მიუხედა-ვად ამისა, როცა მტერი შემობრუნდა და ბრძოლა განახლდა, გაანადგურეს და გააქციეს. ამგვარადვე, ორმა სხვა ლეგიონ-მა – მეთერთმეტემ და მერვემ გაანადგურეს ვირომანდუები, რომლებთანაც ჰქონდათ შეტაკება, რაც მაღლობი ადგილ-იდან მდინარის ნაპირებამდე გაგრძელდა. თუმცა, თითქმის მთელი ბანაკის წინა მხარე და მარცხენა ფლანგი მოშიშვ-ლებული იყო - მიუხედავად იმისა, რომ მარჯვენა ფლანგ-ზე მეთორმეტე ლეგიონი და მისგან არც ისე შორს, მეშვიდე ლეგიონები იყვნენ განლაგებული. ყველა ნერვიული მჭიდრო რიგებად დაწყობილები აქეთ გამოემართნენ თავისი სარდ-ლის – ბოდუოგნატუსის წინამძღოლობით, რომელსაც ჰქონ-და უმაღლესი ძალაუფლება. მათმა ნაწილმა დაიწყო ლე-გიონების გარემოცვა დაუცველი ფლანგიდან, ნაწილმა კი შეტევა ბანაკზე.

[24] ამ დროს ჩვენი მხედრობა და მსუბუქი ქვეითები, რომ-ლებიც მათ ახლდნენ და რომლებიც, როგორც აღვნიშნე, მტრის პირველივე შემოტევაზე უკუიქცნენ, და დაბრუნდნენ ბანაკში, შეეჩეხნენ მტერს პირისპირ და ისევ გაქცევა სცადეს სხვა მიმართულებით. სურსათით მომმარაგებლებმაც, როცა მაღლობზე ბანაკის მეათე კარიბჭიდან¹¹⁶ დაინახეს გამარ-

116 მეათე კარიბჭე (*Porta Decumana*) — იგივე უკანა კარიბჭე, საიდანაც ბანაკს სურსათ-სანოვავით ამარაგებდნენ. სიტყვა *Decumana* ანუ მეათე, მომდინარეობს ბანაკში მანიპულების (ქვეითთა დანაყოფი) ან ტურმების (საცხენოსნო დანაყოფი) განლაგებიდან I-დან X-მდე, მეათე კი ბანაკის თავდაცვით ზღუდესთან ყველაზე ახლოს (*Intervallum*) ექცეოდა და შესა-ბამისად სიმაგრეების ამ ადგილზე გაკეთებულ კარიბჭეს მეათე კარიბჭეს

ჯვებული ჩვენიანები როგორ გადავიდნენ მდინარეზე, გამოვიდნენ ბანაკიდან ნადავლის დასატაცებლად. უკან როცა მოიხედეს და შენიშნეს, რომ მტერი ჩვენს ბანაკში მოემართებოდა, კისრისტეხით გაიქცნენ. ამავე დროს ყვირილი და ხმაური ატეხეს იმათ, ვისაც სურსათის მარაგი მოჰქონდა და დაზაფრულები ზოგი საით გაიქცა, ზოგი საით. ამ ყველაფერმა ააღელვა ტრევერი ცხენოსნები, რომლებიც გალებს შორის უმამაცეს ხალხად ითვლებოდნენ და რომლებიც თავისმა ტომმა კეისარს გამოუგზავნა დასახმარებლად. მათ დაინახეს როგორ აივსო ჩვენი ბანაკი მტრის მრავალი მეომრით; ჩვენი ლეგიონები შევიწროვდა და თითქმის ალყაში მოექცა, სურსათით მომმარაგებლები, მხედრები, შურდულოსნები, ნუმიდიელები დაფანტულები და დაბნეულები როგორ გაიქცნენ სხვადასხვა მხარეს. ამიტომ დაკარგეს ჩვენი გამარჯვების იმედი და სახლისკენ გაქუსლეს. თანატომელებს აცნობეს: რომაელები დამარცხდნენ და განადგურდნენ, მტერმა კი მათი ბანაკის აღკაზმულობა და სანოვაგე ჩაიგდო ხელშიო.

[25] კეისარმა გაამხნევა მეათე ლეგიონი და მარჯვენა ფლანგზე გადავიდა, სადაც ნახა, რომ ჯარისკაცები მიჭყლეტილები იყვნენ და მეთორმეტე ლეგიონის მეომრები თავისი შტანდარტით ერთ ადგილზე შეგროვილები სიმჭიდროვისგან ერთმანეთს უშლიდნენ ხელს ბრძოლაში. მეოთხე ლეგიონის ყველა ცენტურიონი მოკლეს, სიგნიფერი¹¹⁷ ასევე მკვდარი იყო, ხოლო შტანდარტი დაკარგული. სხვა კოჰორტებშიც თითქმის ყველა ცენტურიონი ან მოკლული იყო, ან დაჭრილი. მათ შორის, მთავარი ცენტურიონი, პუბლიუს სექსტიუს ბაცულუსი, უმამაცესი კაცი, იმდენ ადგილას იყო დაჭრილი და ისე

— *Porta Decumana*-ს უწოდებდნენ.

117 სიგნიფერი — ლეგიონერი, რომელსაც კოჰორტის ან ცენტურიის *Signum*-ს, ანუ შტანდარტის ტარება ევალებოდა. თითოეულ ლეგიონში 59-მდე სიგნიფერი იყო. თითოეული კოჰორტის პირველი ცენტურიის სიგნიფერი უფროსად ითვლებოდა.

მძიმედ, რომ ფეხზე ველარ იდგა. დანარჩენი მეომრები ქანცგანყვეტილები იყვნენ, ხოლო ზოგნი უკანა მწკრივებიდან ტოვებდნენ ბრძოლის ველს და ცდილობდნენ აეცილებინათ მტრის ნატყორცნი შუბლები. მტერი კი არ წყვეტდა დაბლობიდან ზემოთ სვლას და ბანაკის ცენტრზე შეტევას, ასევე აწვებოდა ორივე ფლანგს. კეისარი მიხვდა, რომ მდგომარეობა ძალიან დამძიმდა და არც რეზერვი ჰყავდა, რომ მიეშველებინა. უკანა რიგის ჯარისკაცს ფარი გამოართვა, რადგან თავად ფარის გარეშე იყო მოსული და გაემართა წინა ხაზისკენ. ცენტურიონებს სახელით მიმართა და დანარჩენი მეომრებიც გაამხნევა, უბრძანა შტანდარტი ალემართათ და შეტევაზე გადასულიყვნენ, ხოლო მანიპულები გაფანტულიყვნენ, რათა გაადვილებულიყო ხმლების გამოყენება. კეისრის გამოჩენამ ჯარისკაცებს იმედი გაუღვივა და სულიერად აამაღლა; თითოეული მებრძოლი, რაც არ უნდა მძიმე მდგომარეობაში ყოფილიყო, მხედართმთავრის წინაშე თავისი მაქსიმუმის გამოვლენას ცდილობდა და თავს არ ზოგავდა. ასე, რომ მტრის შემოტევა ცოტათი შეაკავეს.

[26] როდესაც კეისარმა დაინახა, რომ იქვე განლაგებული მეშვიდე¹¹⁸ ლეგიონიც შეავიწროვა მტერმა, სამხედრო ტრიბუნებს უბრძანა თანდათან შეეერთებინათ ლეგიონები, შემოებრუნებინათ რიგები და იერიშზე გადასულიყვნენ. ამის შესრულების შემდეგ ერთმანეთის მხარდაჭერა იგრძნეს და

118 VII ლეგიონი (*Legio VII*) — გნეუს პომპეუსის მიერ ძვ.წ. 65 წელს ესპანეთში დაარსებული ლეგიონი. VII, IX, X ლეგიონებთან ერთად, VII ლეგიონი საიმპერიო რომის არმიაში ერთ-ერთი უძველესი შენაერთი იყო. ძვ.წ. 58 წლიდან ცისალპურ გალიაში გადაიყვანეს და კეისარს დაუქვემდებარეს, რის შემდეგაც მონაწილეობდა გალიის ომში. შემდგომში VII ლეგიონს უწოდეს *Claudia (Legio VII Claudia)* რადგან 42 წელს, სკრიბონიანეს აჯანყების ჩასახშობად იმპერატორმა კლავდიუსმა სწორედ ისინი გამოიყენა (XI ლეგიონთან ერთად). დაკიის ომის დროს სწორედ VII *Claudia* ლეგიონის ჯარისკაცმა, ტიბერიუს კლავდიუს მაქსიმუსმა მიუტანა დაკების მეფე დეცებალის მოკვეთილი თავი იმპერატორ ტრაიანეს.

აღარ ეშინოდათ, რომ მტერი ზურგიდან მოუვლიდა, უფრო გაბედულად და მხნედ დაიწყეს ბრძოლა. ამასობაში ორმა ლეგიონმა, რომლებიც უკანა რიგებში სურსათს იცავდნენ, შეიტყვეს ბრძოლის შესახებ და სწრაფად აიჭრნენ ბორცვზე, საიდანაც მტერს ეჩვენნენ. ტიტუს ლაბიენუსმა, რომელმაც მტრის ბანაკი აიღო და მაღლობიდან დაინახა რა ხდებოდა ჩვენს ბანაკში, დასახმარებლად მეთათე ლეგიონი გამოაგზავნა. მათ გაქცეული მხედრებისა და მომმარაგებლებისგან გაიგეს რა საფრთხეში იყო ჩვენი ბანაკი, ლეგიონები და მხედართმთავარი, ამიტომ რა სისწრაფითაც შეეძლოთ გამოეშურნენ.

[27] მათმა მოსვლამ ისეთი გარდატეხა შეიტანა ომში, რომ ჩვენი ჭრილობებისგან დაუძლურებული მეომრებიც კი, დაეყრდნენ თავიანთ ფარებს და განაახლეს ბრძოლა. როცა დაინახეს მტერი როგორ აირია და დაიბნა, მომმარაგებლები თუმცა უიარალოდ იყვნენ, ჩაერთვნენ ბრძოლაში. აგრეთვე მხედრები, რომლებსაც სურდათ სიმამაცით ჩამოერეცხათ გაქცევის სირცხვილი, ბრძოლის ველის ყოველ ადგილას იბრძოდნენ, რათა ლეგიონერებზე მეტად გამოეჩინათ თავი. ხოლო მტერმა, გადარჩენის ბოლო იმედის მიუხედავად, ისეთი ვაჟკაცობა გამოამჟღავნა, რომ როდესაც პირველი რიგი დაიხოცა, შემდეგი რიგი დაცემულთა ცხედრებზე შედგა და ისე იბრძოდა. როცა ესენიც დაიხოცნენ და გვამების გორა დადგა, გადარჩენილები მას ეფარებოდნენ თითქოს მიწაყრილი ყოფილიყოს და ხელშუბებს გვტყორცნიდნენ ან ჩვენს ნასროლ შუბებს კრეფდნენ და უკანვე გვესროდნენ. უმართებულო არ იქნება, თუ დავასკვნით, რომ ამ ხალხმა დიდი სიმამაცის წყალობით შეძლო გადაელახა ძალიან ფართო მდინარე, ამძვრალიყო ძალიან მაღალ ნაპირებზე, აცოცებულიყო მოუხელთებელ სიმაღლეზე. ყველა ეს სირთულე გაამარტივა მათმა სიმამაცემ.

[28] ბრძოლა დასრულდა და ნერვიების ტომსა და მათ სახსენ-

ებელს სრული განადგურება მოუტანა. მათმა ხანდაზმულ-მა მამაკაცებმა, რომლებიც როგორც ზემოთ აღვნიშნეთ ბავშვებსა და ქალებთან ერთად ჭანჭრობიან ადგილებსა და ჭაობებში იყვნენ გადამალულები, შეიტყვეს ბრძოლის შედეგები და მიხვდნენ, რომ გამარჯვებულისთვის აღარაფერი იყო შეუძლებელი, ხოლო დამარცხებული აღარ იყო უსაფრთხოდ. ამიტომ, ყველას თანხმობით ვინც გადარჩენილი იყო, გაუგზავნეს ელჩები კეისარს და ჩაბარდნენ. შეახსენეს რა უბედურება დაატყდა მათ ტომს და განუცხადეს, რომ სენატორები 600-დან 3-მდე შეუმცირდათ, ხოლო კაცები, ვისაც იარაღის ტარება შეეძლო – 60 ათასიდან 500 ძლივს გადარჩა. რათა გულმონყალე გამოჩენილიყო ასეთ გასაჭირში ჩავარდნილი მთხოვნელის წინაშე, კეისარმა განსაკუთრებული ყურადღება გამოიჩინა მათი უვნებლობისათვის. ბრძანა დარჩენილ-ყვნენ საკუთარ ტერიტორიაზე და ქალაქებში, ხოლო მათ მეზობლებს აუკრძალა მათზე ლაშქრობა და ძარცვა.

[29] ადუატუკები, რომლებზეც ზემოთ ვისაუბრეთ¹¹⁹, მთელი თავისი შეიარაღებული ძალებით მოდიოდნენ ნერვიების დასახმარებლად, მაგრამ შეიტყვეს ამ ბრძოლის შედეგები და უკან გაბრუნდნენ. დატოვეს ყველა თავისი ქალაქი და სიმაგრე და ყველაფერი რაც გააჩნდათ შეაგროვეს ერთ ციხესიმაგრეში, რომელიც არაჩვეულებრივად იყო დაცული ბუნების მიერ. ყოველი მხრიდან გარს ერტყა უმაღლესი კლდეები და ხრამები, მხოლოდ ერთი მხრიდან იყო დატოვებული დამრეცი მისადგომი, არაუმეტეს 200 ნაბიჯი სიგანისა. ეს ადგილი გამაგრებული ჰქონდათ ძალიან მაღალი, ორმაგი კედლით, ახლა კი ამ კედელზე უზარმაზარი წონის ქვებსა და წანვეტებულ დირებს აწყობდნენ. ადუატუკების ტომი წარმოშობილი იყო ტევტონებისა და კიმბრებისგან, რომლებიც ლაშქრობდნენ ჩვენს პროვინციასა და იტალიაში და ნადავ-

119 იხ. 16-ე აბზაცი.

ლის ნაწილი, რომელიც ველარ წაიღეს თან, დატოვეს მდინარე რაინთან ახლოს და მცველად დააყენეს 6 ათასი კაცი თავისი ტომიდან. ტევტონებისა და კიმბრების განადგურების შემდეგ, ეს მცველთა რაზმი მრავალი წლის მანძილზე იგერიებდა მეზობლების თავდასხმებს და ზოგჯერ თავადაც გადადიოდა შეტევაზე. ბოლოს და ბოლოს ზავი დაიდო, მშვიდობა დამყარდა და მათ ეს ტერიტორია სამუდამო საცხოვრებლად აირჩიეს.

[30] ჩვენი არმიის პირველი მიახლოების დროს, ციხესიმაგრედან ხშირ-ხშირად გამოდიოდნენ და მცირე შეტაკებებს უმართავდნენ ჩვენებს; მაგრამ მას შემდეგ რაც რომაელებმა 12 ნაბიჯი სიმაღლის მიწაყრილი შემოავლეს გარშემო 15 მილის სიგრძე წრეზე და ახლო-ახლოს განათავსეს სიმაგრეები, მათ შეწყვიტეს ქალაქიდან გამოსვლა. როდესაც დაინახეს დაწნული ფარები¹²⁰ და მიწაყრილი აღიმართა და მოშორებით კოშკიც ააშენეს, ჯერ სიცილი დააყარეს კედლიდან, შემდეგ კი გამოჯავრება დაუწყეს ამხელა მოწყობილობის ასე შორს აშენებისთვის. რა ხელების, ამბობდნენ ისინი, ან რა ძალის იმედი აქვთ ადამიანებს, მითუმეტეს ასეთი პატარა აღნაგობით, რომ ასეთ მძიმე კოშკს კედელზე დადგამენ? (თავიანთი უზარმაზარი სხეულების გამო ჩვენს სიდაბლეს გალები ხშირად იგდებდნენ აბუჩად).

[31] მაგრამ როცა დაინახეს, რომ კოშკი მართლაც მოძრაობდა და მათ კედლებს უახლოვდებოდა, დაფრთხნენ ახალი და უჩვეულო სანახაობით. კეისარს ელჩები გამოუგზავნეს ზავის თხოვნით და შემდეგი სიტყვები შემოუთვალეს: მიგვაჩნია, რომ რომაელები ომს ღმერთების დაუხმარებლად ვერ აწარ-

120 იგულისხმება წნელისგან დაწნული ან ფიცრებით შეკრული დიდი, ოთხკუთხა ფარი, რომელსაც ალყის დროს იყენებდნენ გალავანთან უსაფრთხოდ მისაახლოებლად. სამხედრო ტერმინოლოგიაში ეწოდება მანტლეტი (*Mantlet*).

მოებდნენ, რადგან ასეთი სიდიდის მონყობილობების ასეთი სისწრაფით გადაადგილება შეუძლიათო. თავისი თავი და ყველაფერი რაც გააჩნდათ, რომის ძალაუფლებას დაუქვემდებარეს. ერთადერთი რასაც გულით ითხოვდნენ იყო ის, რომ თუკი თავისი მონყალებისა და კაცთმოყვარეობის გამო, რის შესახებაც სხვათაგან სმენიათ, კეისარი უვნებლად დატოვებდა ადუატუკებს, დაე ნუ ჩამოართმევს იარაღს. მათ თითქმის ყველა მეზობელი მტრობდა და შურდათ მათი სიმამაცის. ამიტომ თუ იარაღი ჩამოერთმეოდათ, ვერ შეძლებდნენ თავდაცვას. რადგან ამ მდგომარეობაში ჩაცვივდნენ, ერჩივნათ რომაელი ხალხისგან მიეღოთ ბედის სასჯელი, ვიდრე იმათგან დატანჯულიყვნენ და განადგურებულიყვნენ, ვისზეც ბატონობას იყვნენ შეჩვეულნი.

[32] ამაზე კეისარმა უპასუხა, რომ თავისი ჩვეულების თანახმად, და არა მათი თხოვნის გამო დაინდობდა ტომს, თუკი ჩაბარდებოდნენ მანამ, სანამ ტარანი შეეხებოდა კედელს. მაგრამ არ არსებობდა ჩაბარების სხვა პირობა, გარდა იარაღის დაყრისა. კეისარი გააკეთებდა იგივეს, რაც ნერვიების შემთხვევაში გააკეთა – მეზობლებს აუკრძალავდა ძალმომრეობას მათზე, ვინც რომაელ ხალხს დანებდა. ელჩებმა ეს თავისიანებს მოახსენეს და ისინი დათანხმდნენ შეესრულებინათ მისი ბრძანება. ძალიან დიდი რაოდენობით იარაღი კედლებიდან გადმოყარეს თხრილში, რომელიც ქალაქის წინ იყო, ისე რომ იარაღის გროვების წვერმა თითქმის კედლების სიმაღლესა და თხრილის სიღრმეს მიაღწია. მიუხედავად იმისა, რომ როგორც შემდეგ გაირკვა, დაახლოებით ერთი მესამედი ნაწილი დამალეს და შეინახეს, კარიბჭე გაიხსნა და ის დღე მშვიდობით გაატარეს.

[33] სალამოსკენ კეისარმა ბრძანა კარიბჭეები დაეხურათ და ჯარისკაცებს დაეტოვებინათ ქალაქი, რათა იმ ღამეს მოქალაქეებისთვის ზიანი არ მოეტანათ. თუმცა ადუატუკებს,

როგორც აღმოჩნდა, უკვე შეედგინათ გეგმა იმ იმედით, რომ დანებების გამო ჩვენები დატოვებდნენ საგუშაგოებს, ან სულ მცირე, ყურადღებას მაინც მოადუნებდნენ. ნაწილს ის შენახული და გადამალული იარაღი ჰქონდა, ნაწილს – ფარები, დამზადებული ქერქისაგან ან დანული წნელებისგან და ნაჩქარევად (როგორც დროის სიმცირე მოითხოვდა) დაფარული ტყავით. მესამე გუშაგობის დროს, უეცრად მთელი ძალებით გამოიჭრნენ ქალაქიდან იქით, საითაც მისასვლელი ჩვენს საველე სიმაგრეებზე ნაკლებად ციცაბო ჩანდა. როგორც მანამდე კეისარმა ბრძანა, საჩქაროდ მისცეს ნიშანი მაშხალებით (ცეცხლით) და ყველაზე ახლო სიმაგრიდან რაზმები გამოეშურნენ ბრძოლის ადგილისკენ. მტერი გააფთრებით იბრძოდა, როგორც მოსალოდნელია უიმედო მდგომარეობაში მყოფი მამაცი ადამიანისგან, არახელსაყრელ ადგილას რომ ებრძვის მოწინააღმდეგეს, რომელიც თხრილიდან და კოშკებიდან აყრის შუბებს და გადარჩენის ერთადერთი იმედი ვაჟკაცურად ბრძოლაა. დაახლოებით 4 ათასი კაცი დაიხოცა, დანარჩენები კი ქალაქში უკუაგდეს. მეორე დღეს კარიბჭე შეამტვრიეს, რადგან აღარავინ იყო ვინც დაიცავდა და ქალაქში ჩვენი ჯარისკაცები შეაგზავნეს. კეისარმა მთელი ნადავლი გაყიდა. როგორც მყიდველებმა აცნობეს, გაიყიდა 53 ათასი ადამიანი.

[34] იმავე პერიოდში, პუბლიუს კრასუსმა, რომელიც კეისარს ერთი ლეგიონის თანხლებით გაგზავნილი ჰყავდა ვენეტების, ვენელების, ოსისმების, კურიოსოლიტების, ესუბიების, ავლერკებისა და რედონების¹²¹ წინააღმდეგ ზღვისპირა ტომე-

121 ეს ტომები ძირითადად ცხოვრობდნენ ბრეტანის ნახევარკუნძულზე. მათგან ყველაზე მნიშვნელოვანი იყო ვენეტების ტომი. ვენეტები ცნობილები იყვნენ როგორც კარგი მეზღვაურები და ჰყავდათ ძლიერი ფლოტი (ბრეტანის ვენეტები არ უნდა აგვერიოს ადრიატიკის ვენეტებთან, რომლებიც ჩრდილო-აღმოსავლეთ იტალიაში ცხოვრობდნენ. მათ უკავშირდება ვენეციის სახელი).

ბის, რომლებიც ოკეანის პირას ცხოვრობენ, აცნობა, რომ ყველა ეს ტომი რომაელი ხალხის ბატონობასა და ძალაუფლებას დაექვემდებარა.

[35] ამ მიღწევების შედეგად მთელი გალია დამორჩილებულ იქნა და ამ ომების დიდება ბარბაროსთა შორის ისე ფართოდ გავრცელდა, რომ რაინის პირას მცხოვრებმა ტომებმა ელჩები გამოუგზავნეს კეისარს და აღუთქვეს, რომ მძევლებს გამოუგზავნიდნენ და მის ბრძანებებს შეასრულებდნენ. კეისარს იტალიასა და ილირიაში ეჩქარებოდა, ამიტომ ელჩებს უბრძანა, მომავალი ზაფხულის დასაწყისში დაბრუნებულიყვნენ მასთან. თავად იტალიაში გაეშურა, მას შემდეგ რაც ლეგიონები ზამთრის სადგომებზე დააბინავა კარნუტებს¹²², ანდებსა¹²³ და ტურონებს¹²⁴ შორის და ისეთ ტომებში, რომლებიც ახლოს იყვნენ ჩავლილი საომარი კამპანიის ადგილებთან. ამ საქმეების გამო, რომელთა შესახებაც კეისრის წერილით შეიტყვეს, სენატმა დადგენილება გამოსცა თხუთმეტი დღის განმავლობაში აღსრულებულიყო სამადლობელი წირვა - ასეთი პატივი აქამდე არავის რგებია.

122 კარნუტები (*Carnuti*) — მძლავრი კელტური ტომი, რომელიც მოსახლეობდა მდინარე სენასა და ლუარას შორის გაშლილ ტერიტორიაზე, ცენტრალურ გალიაში. მათი მთავარი ქალაქი იყო ცენაბუმი (შემდგომში ენო-და ორლენი).

123 ანდები (*Andes*) — კელტური ტომი. მოსახლეობდა არმორიკის მხარეში, რომელიც ნანილობრივ მოიცავდა ბრეტანის ნახევარკუნძულს.

124 ტურონები (*Turones*) — ცენტრალურ გალიაში მოსახლე ტომი, რომელთა მთავარ ქალაქს კეისრის ლაშქრობების შემდგომ კესაროდუნუმი ეწოდა (შემდგომში ქალაქი ტური).

საძიებლები

პირთა სახელები

ა

ანდეკუმბორიუსი 65
არიოვისტუსი 39, 40, 41-44, 46-47, 49-52, 54-60

ბ

გაბინიუსი, აულუს 16
გალბა 66, 74

დ

დუმნორიქსი 13, 19, 26, 28-30
დივიციაკუსი 13, 25-26, 28-30, 37, 39-40, 49, 66, 68, 72, 74,
დივიკო 23-24

ვ

ვერუკლეტიუსი 18
ვოკიო 60

ი

იკციუსი 69

კ

კეისარი, გაიუს იულიუს 10, 11, 14, 16, 18-19, 21-26, 28-37, 40-65, 67-74, 76-80, 83-84, 86-90
კასტიკუსი 13
კასიუსი, ლუციუს 18, 22-23
კრასუსი, მარკუს 31, 48, 54
კრასუსი, პუბლიუს ლიცინიუს 59, 89
კონსიდიუსი, პუბლიუს 31
კაბურუსი, გაიუს ვალერიუს 29, 35
კოტა, ლუციუს აურენკულიუს 72-73

კატამანტალედი 13
კიმბერიუსი 44

ლ

ლაბიენუსი, ტიტუს 20, 31, 61-62, 73
ლისკუსი 25-26

მ

მაქსიმუსი, კვინტუს ფაბიუს 3, 16, 54, 84
მესალა, მარკუს 12, 23, 43
მეტიუსი, მარკუს 56, 60

ნ

ნამეიუსი 18
ნასუა 44

ო

ორგეტორიქსი 12-15, 23, 34

პ

პედიუსი, კვინტუს 63, 73
პროკილუსი, გაიუს ვალერიუს 29, 55, 60
პიზო, მარკუს 12, 16, 23, 43
პიზო, ლუციუს 16

ს

საბინუსი, კვინტუს ტიტურიუს 68, 71
სულა, ლუციუს 31, 70

ფ

ფლაკუსი, გაიუს ვალერიუს 56

გეოგრაფიული სახელები

ა

აკვიტანია 10-12
აკვილეა 20
ამბარები 21, 24
არვერნები 25, 37, 40, 54
ამბიანები 66-67, 76
ავლერკები 89
ანდები 90
არარი (სონა) 22, 25

ბ

ბელგები 10, 11, 12, 44, 47, 62-63, 65-71, 74, 76-78
ბოიები 15, 33-36
ბიტურიგები 28

გ

გალები 10-11, 13-14, 16, 18-30, 32, 34, 37, 39-45, 47, 50, 52, 54, 60-67, 71, 74, 84, 87, 90

გარუმნა (გარონა) 11-12
გრაიოკელები 20
გერმანელები 12, 15, 22, 35, 37, 39-52,
55-61, 63, 65, 67-68

ღ
ღუბისი 45

ქ
ედუები 13, 19, 21-26, 28-29, 32, 35, 37,
39, 40-44, 46-47, 49, 51-52, 56, 58, 68,
72, 76, 80, 85-86
ეპურონები 67, 72
ესუბიები 89

ჭ
ვიკონტია 20
ველიოკასები 66-67
ვირომანდუები 66-67, 77, 82
ვენეტები 89
ვესონტიო (ბეზანსონი) 12, 44, 45

ი
იურა 12, 15, 18, 34

კ
კატურიგები 20
კელტები 10-16, 19-20, 28-29, 34, 36,
44, 54, 60, 66-67, 74, 90
კეუტრონები 20
კაეროესები 67
კონდრუსები 67
კალეტები 66-67
კარნუტები 90
კურიოსოლიტები 89

ლ
ლემანუსი (ჟენევის ტბა) 12, 18
ლატობრიგები 15, 35-36
ლინგონები 34, 47
ლეუკები 47

მ
მატრონა (მარნა) 11, 34
მაგეტობრიგი (ბრძოლის ადგილი) 37, 40
მარკომანები 58
მორინები 67
მენაპიები 67

ნ
ნორიკი 15, 59-60
ნორია 15, 60

ნერვიები 20, 67, 76-78, 82, 85-86, 88
ნოვიოდუნუმი 73-74

ო
ოსისმები 89

პ
პირენეი 6

რ
რენუსი (რაინი) 11-12, 15, 35, 37, 39-41,
43-44, 51-52, 59, 60
როდანუსი (რონა) 11-12, 15-16, 18-19,
21-22, 42
რაურიკები (რაურაკები) 15, 36
რუტენები 54
რემები 65-66, 68-74
რედონები 89

ს
სეკვანები 5-6, 11-13, 15-16, 18-19, 21-
22, 29, 37, 39-44, 47, 52, 56, 61
სანტონები 19, 21
სეგუსიავეები 16, 20
სეგები 37, 39-40, 44, 58, 59, 60
სედუსიები 58
სუესიონები 65-66
საბისი (სამბრა) 77-78

ტ
ტიგურინები 22-23
ტევტონები 22, 41-42, 46, 60, 66-67,
86-87
ტრევერები 25, 44, 67, 83
ტრიბოკები 58
ტურონები 90
ტულინგები 15, 33, 35-36
ტოლოსატები 19

უ
ურბა 34


ჰ
ჰელვეტები 12-16, 18-26, 28-36, 40,
47-48, 56
ჰარუდები 39, 44, 58











ნიგნში გამოყენებული ილუსტრაციები აღებულია
Iron Mitten-s ბლოგიდან (iron-mitten.blogspot.com)
ყდაზე: კელტური ბროში საფრანგეთიდან, ძვ.წ. IV ს.
(Cabinet des Médailles, Bibliothèque Nationale in Paris)



ვეისრის ომი გალიაში, რომის მიერ კელტურ ტომთა დიდი ნაწილის დაპყრობა, ანტიკური ხანის ერთ-ერთი ყველაზე ფართომასშტაბიანი სამხედრო კამპანიების სერია იყო. ამ მოვლენათა შესახებ თავად გაიუს იულიუს ვეისარი მოგვითხრობს თავის თხზულებაში, რომელსაც "კომენტარები გალიის ომის შესახებ" ეწოდება. ის მოიცავს როგორც გალიის დაპყრობას ძვ.წ. 58-50 წლებში, ასევე კამპანიას ბრიტანეთსა და გერმანიაში და მნიშვნელოვან ცნობებს გვანჯდის იმ დროისათვის რომაული სამყაროსათვის ნაკლებად ნაცნობი ამ ორი მხარის შესახებ. პირველ ორ წიგნში რომელიც ჩვენს გამომცემაშია შესული, განხილულია სამი მასშტაბური მოვლენა - ჰელვეტების გადასახლება და რომთან დაპირისპირება, ბრძოლა სვებების მეფე არიოვისტუსთან და ომი ბელგიასთან.

"ამ წიგნის წაკითხვის შემდეგ, კალამს ველარ აიღებ ხელში" მარკუს ტელიუს ციცერონი

"ვეისრის ელევანტურად მარტივი და გრამატიკულად გამართული პროზა დიდი ხნის განმავლობაში რჩებოდა ლათინურ ენასა და ლიტერატურასთან მოსწავლეთა პირველი შეხების წერტილად" ადრიან გოლსვორთი



9 789941 082320